



The background of the entire image is a traditional marbled paper pattern. It features a complex, organic design with swirling, cell-like shapes. The primary colors are a deep, earthy red, a bright yellow, and a dark, charcoal grey. These colors are intermingled in a way that creates a sense of movement and depth. The pattern is dense and covers the entire surface of the page.

LXXII. K



Cat. 5=4 6A=2
1365

4628

Ind 111²⁰
W 126

PART II
HALLMARKS

PARTHENII
NAUMACHICA.

PARTE II
NATURALIA

NICOLAI PARTHENII
GIANNETTASII
NEAPOLITANI E SOCIETATE JESU
NAUMACHICA,
S E U
DE BELLO NAVALI
LIBRI V.
AD EXCELLENTISSIMUM
PRINCIPEM
ANTONIUM
RAMBALDUM
COLLALTI COMITEM, &c.



NEAPOLI, Apud Bernardum-Michaëlem Raillard, M.DCC.XV.

SUPERIORUM LICENTIA.

AD EXCELLENTISSIMUM
PRINCIPEM
ANTONIUM
RAMBALDUM

COLLALTI COMITEM, &c.

P. V. C. D.

Æstus erat, gelidique cava testudine saxi,
Tollit ubi pexos supra pulcherrima crines,
Effusosque auro similes dat ludere in auras
Inter Sirenes Cholomelis prima sorores,
Confidens, placidi captabam murmura Ponti,
Quem leni Zephyrus pulsabat verbere, dum Sol
Libratus medio pendebat fervidus axe.
Solutus & hic Fato super impendente, futura
Et vita super immortalis plurima mente
Volvebam tacita mecum: suprema tenere
Jam jam Coelicolum loca læta, amnesque videbar
Lactifluos, sincera quibus fluit omne per ævum
Plena, effusa, sacro manans de fonte voluptas,
Felicesque inter cursabat spiritus oras:
Et sanctum Elysium, & felicia rura piorum

Lu-

Lustrabat læta sub imagine , cum levis artus
Invasit sopor ; extemplo mihi visus ab alto
Adventare citis lapsus Cillenius alis ,
Aque hæc facundo dedit ore : Quid humida propter
Litora ? quid placido cessas prostratus in antro ?
Intermissa diu sumenda ad carmina rursus
Plectra tibi, magnoque iterum clamore sonandum.
Et magnis Helicon numeris, lucique beati
Parnassi, totoque ciendus vertice Pindus .
En novus, en Magnus offert COLLALTIVS Heros
Se tibi, Mantoo dignus vel carmine, tantis
Fulget imaginibus Majorum, atque ære vetusto :
Et propriis fulget virtutibus. Hic tibi finis ,
Metaque cantandi Fatis concessa benignis.
Ne tenues vires prætende, pigramque senectam,
Non duras Parcas, non deficientia fila :
Stamina stant & adhuc lentis labentia fufis.
Sic jubet Omnipotens : olli parere necesse est ,
Sint rigidæ quamvis, & dura fronte sorores .
Tantus amor COLLALTIADÆ, tam maxima cura
Est Patri Magno, cœli qui sidera torquet :
Quique indonatos & laude, & carmine Magnos
Non finit ire Viros, quorum pulcherrima virtus,
Et mens alta, capax, ad maxima quæque, vel armis
Munia sint Martis peragenda, aut docta Minervæ
Æternis calamo sint committenda papyris,
Ingenii monumenta, tot & versuque, Lyraque
Præstantes inter Vates te sydere ab alto

De.

Delegit Musis concordibus . Ergo age plectrum
Sume iterum : dabit ille novas ad carmina vires ,
Et juvenile pigris infundet mentibus œstrum .
Hæc Maja satus : & pernicious ilicet alis
Findit iter liquidum , & patrio se reddit Olympo :
Excitior somno ; inque alium me numine versum
Sentio : nigrescunt cani , color inditus alter
Est ori ; roburque novum languentibus olim
Artubus infusum , fortesque ad munia nervi
Exercenda vigent : scribendo dextera constat :
Vox juvenem sonat : & citharam sociare sequendo
Aptior ac prius ; & vitales corpore toto
Diffundunt sese vires , mirabile visu .
Illicet expelli senium , rursusque juventam
Efflorere : stupent fluctus , mirantur & ipsæ
Improvisa Deum miracula , & undique circum
Lætitiæ effusæ saliant , sacra Numina ponti ,
Ætatemque novam Vati gratantur amico
Nerèides , Phorcique chorus , Dorisque , Thetisque ,
Quæque per Oceanum vaga fluctuat Amphitrite .
Scriptorum quondam mihi credita fabula Grajùm ,
Centenos ætate senem , qui duxerat annos ,
In juvenem rursus rediisse salubribus herbis ,
Aurora pastum prima , & Gangetide lymphæ .
Indus , (1) uti memorant , fuit olim corpore grandis ,
Mente capax , doctus naturæ inquirere causas ,
Astro-

(1) Author est Olympiodorus Platonicus.

Astrorum que ortus , variantis & aëris oras :
Hic cum jam centum Titan ex hauserat orbes
Signiferi , rebusque alios induxerat ortus ,
Atque aliam mundo faciem , tum læta secundum
Gemmiferi tendens lento pede flumina Gangis ,
Vitalem ad fontem veniebat , & aurea car pens
Gramina , quæ riguo sparsim sub fonte virebant ,
Mandebat lætus , lympha mox plurimus hausta ,
Et fluvio & Nymphis libans largo ore bibebat .
Vix herbis hilaris , fontique indulserat ; alter
Protinus aspicitur , juveni , mirabile dictu
Omnia fit similis senior , vocemque , coloremque ,
Incessumque ipsum , & nervos virtute valentes .
Sic decies repetens medicamina , mille per annos ,
Credere si dignum , redivivo in corpore vixit .
Ipse sed auriferi non Gangis flumina potus ,
Non herbis pastus medicis ferrugine prima
Venturæ lucis , magno sed munere Divum ,
Qui tibi concordi voto , RAMBALDE , faventes ,
Annosum ad cantum faciunt juvenescere Vatem .
Hæc igitur si clara Jovis mens , sacra Tonantis
Si sunt iussa , quibus Vatem parere necesse est ;
Hæc , quæ Marte super medias pugnante per undas ,
Auspicio , ductuque tuo descripsimus , ipse
Aspicias , precor , & vultu digneris amico .
Nam sic illa tuo præfixo nomine fronti
Ibunt clara magis , quam si luceret Apollo
Partheniæ insidens puppi , totamque per auras

Cæ.

Cæsariem fulvo splendentem effunderet auro.
Ibunt clara magis totum delata per orbem
Terrarum, præeunte tuba, & pernicibus alis
Fama victrici redimita fronde capillos:
Atque hæc perpetuo cantabit carmine, & ore
Blandiloquo populos vulgabit læta per omnes:
Prima quod hic jactat præfixum pagina Nomen,
Est COLLALTIADUM RAMBALDUS Maximus Heros,
Quem tituli, regale genus, fascesque superbi,
Ingentes & opes, & avorum illustria facta
Et palmæ innumeræ, & signati adamante triumphi,
Regnatæque urbes, gentesque ad jussa vocatæ
Italia in magna, & Moraùm in finibus altis,
Supra homines tollunt, magnisque Heroibus addunt.
Ast animi dotes, peperit quas solus & ipse,
Quæque homines Divis æquant felicibus, illum
Extollunt terris, cœlique in sidera condunt.
Et similem reddunt Superis. Prudentia rebus
Plurima tractandis, animusque ad fortia factus
Magnanimus, constans, nulla formidine victus:
Grandis & in miseros Clementia, Grandis in omnes
Munifici vis alma, effusa ad munera dextra.
Mens æqui, rectique tenax, & conscia honesti:
Et Comitæ vincere animos, victosque tenere
Insignis Gravitas: blando sed mixta lepore.
Et nitidi mores, & rara modestia vultus:
Addet & his animum studiis regalibus aptum,
Tot disciplinis Heroo Principe dignis,

Artibus & tot Musarum, doctæque Minervæ
Excultum, & palmas, toto plaudente Lycæo,
Ingenii toties magna cum laude relatas.
Atque alias referet virtutes Fama, sonorum
Æs inflans, tractim terrarum effusa per oras.
Ipse etenim celeres haud possum æquare sequendo
Grandiloquæ pennas Famæ, & memorare canendo,
Quæ Dea, cui fortes insunt ad carmina nervi,
Atque tubas animare potens, vulgabit in omnes,
Sive sub Eoo degant, seu Vespere, gentes.
Parthenio sat erit Vati tua jussa secuto,
Materiam Famæ dignam, Heroemque dedisse.

Ex Surrentino Nostro Kalendis Novembris anni MDCCXIV.



MAURITIUS AB ANTONELLIS

*Præpositus Provincialis Soc. Jesu in Regno
Neapolitano.*

Cum librum, cui titulus: *De Bello Navali*, à P. Nicolao Parthenio Giannettasio Societatis nostræ conscriptum, aliquot ejusdem Societatis Theologi, quibus id commissum fuit, recognoverint, & in lucem edi posse probaverint: potestate à P. Michaeli Angelo Tamburino Præposito Generali, ad id nobis tradita, facultatem concedimus, ut Typis mandetur, si ita iis ad quos pertinet videbitur. In quorum fidem has literas manu nostra subscriptas dedimus. Neapoli 13. Kalen. Jun. 1714.

Mauritius ab Antonellis.

EMINENTISSIMO SIGNORE.

Bernardo-Michele Raillard supplicando espone à V. Em. come deve dare alle stampe un libro intitolato: *Nsumachica, seu de Bello Navali*, composto dal Padre Nicolò Giannettasio della Compagnia di Gesù, e per tanto la supplica per la revisione per la solita licenza, e l'averà a grazia ut Deus.

Dominus D. Januarius Majello revideat, & referat. Neap. 20. Janis 1714.

NICOLAUS CAN. ROTA PRO-VIC. GEN.

D. Petrus-Marcus Giptius Can. Dep.

EMINENTISSIME DOMINE.

Jussu Eminentiae Tuae legi Nicolai Parthenii Giannettasii è Soc. Jesu *Bellicorum Navalium libros quinque*, in iisque non modo Marones, Papiniosque, atque alios summos Patriæ nostræ Poëtas redivivos stili magnitudine, dicendique ubertate deprehendi; verum etiam Fidei puritatem, morumque sanctimoniam ubique servatam, assertamque demiratus sum: Quare Typis mandari, omniumque manibus teri ad augmentum eruditionis, & pietatis incitamentum maximum operæ pretium futurum puto, si ita Em. T. videbitur. Ex Ædibus Seminarii Archiepiscopalis pridie Kalendas Julias MDCCXIV.

Em. T.

*Humill. Addictiss. & Obsequentiss. Serv.
Januarius Majellus.*

Attenta supradicta relatione Domini Revisoris, Imprimatur. Neap. 30. Junii 1714.

NICOLAUS CAN. ROTA PRO-VIC. GEN.

D. Petrus-Marcus Giptius Can. Dep.

ECCELLENTISSIMO SIGNORE,

Bernardo-Michele Raillard supplicando espone à V. Ecc. come desidera dare alle stampe due libri uno intitolato: *Naumachica, seu de Bello Navali*: E l'altro: *Hyemes Puteolanae*, composti dal Padre Niccolò Partenio Giannettasio della Compagnia di Gesù. Per tanto supplica V. Ecc. per la solita licenza, e l'averà a grazia ut Deus.

Rev. Pater Franciscus Savastanus videat, & in scriptis referat.

GASCON REG. MIRO R. MAZZACCARA R. ULLOA R.

Provisum per S. E. Neap. 21. Junii 1714.

Mastellonus;

EXCELLENTISSIME DOMINE.

Non sine liquidissima animi voluptate perlegi de mandato Excellentiae Vestrae librum, qui *Naumachicorum* inscribitur, à P. Nicolao Parthenio Giannettasio nostrae Societatis conscriptum; nihilque in eo reperi, quod Regiae Jurisdictioni adversetur, quin omnia ad Reipublicae ornatum maximè conducentia; quippe quae loculentissimè testentur in hoc uno Egregio aequè Vate, ac Cive etiamnum Neapoli nec suos desiderari Sannazarios, ac Pontanos, nec veteres olim incolas Marones. Quare typis, atque adeò Immortalitate dignissimum censeo, si ea Excellentiae Vestrae mens fuerit. Ex Neapolitano Collegio die 22. Novembris 1714.

Excell. Vestrae

Omni obsequio addictissimus Famulus
Franciscus Savastanus Soc. Jesu.

Visa relatione imprimatur, & in publicatione servetur Regia Pragmatica.

GASCON REG. GAETA REG. MIRO REG. MAZZACCARA R.
ULLOA REG.

Provisum per S. E. Neap. 26. Novembris 1714.

Mastellonus.

PRÆ-

PRÆCEPTORI OPTIMO

STUDIOSISSIMUS OLIM AUDITOR.

UT sacra PARTHENII formarent unius ora,
Sudarunt multa, sedula turba, Dea
Uranie pueri distinxit lumina prima,
Jussit & Ætherei noscere jura Poli;
Eloquii Regina potens placidissima lingua
Flumina de nitido currere fonte dedit:
Fictricem effinxit mentem divina poesis,
Flectere & omnigenos tradidit arte modos:
Acre sed Historia ingenium protudit, ut avi
Prisci reliquias erueret tenebris.
Felix Parthenope, quæ hoc uno dives alumno,
Cetera si desint, ire superba potes.
Hinc si scire cupis quantum hic supereminet omnes,
Et qualis deceat laurea digna comas;
Artificis manus una alios, sed plurima nostrum
Divarum finxit dextera PARTHENIUM.



ANTONIUS RAMBALDUS JOACHIMO ANTINORIO,

Cùm Vienna Neapolim rediret.

M*igrantem, reducemq; sequor, tu ad Patria tendis
Littora Sebethi, Parthenopemque tuam.*

*Haud procul Adriacis Regio me accersit ab oris
Præbuit optatum quæ mihi prima diem.*


*Cum tibi contigerit cara succedere terra,
Nec mora, Thyrreno linteæ crede mari:*

*Fluctus ubi assurgit pacato in marmore, & altum
Surrentum Baccho tempus in omne viret.*

*Dirige tunc proram felicia littora circum
Vatis ubi sedes inclyta P A R T H E N I I est.*

*Quem sic aggredere; avulsum radicibus imis
Cor tibi, si posset, mitteret ille suum.*

*Sed vetat hoc fatum, nec dum lux illa refulsit,
Quà fortunatum solvat in Elysium.*



SONETTO
DEL SIGNOR
CONTE COLLALTO
AL SIG. ABB. ANTINORI.

Nel suo ritorno da Vienna in Napoli.

TU parti, Io parto, Amico, e tu nè vai
Del tuo Sebeto à riveder le sponde;
Io non lungi dall'Adria alle chiar'onde,
Dove vidi del giorno i primi rai.

Ma poiche giunto al patrio suol farai,
Di gir t'affretta, ove il Tirren diffonde
Più lieti i flutti, e di pampinea fronde
Cinto è Sorrento, e non la perde mai.

Per quei lidi beati intorno intorno
Drizza la prora al fortunato Eliso,
Dove del Gran PARTENIO è il bel soggiorno.

Dilli, ch'io ben vorrei da me diviso
A lui ne gisse il cuor, ma che quel giorno
Non giunse ancor ch'io goda il Paradiso.

VATI PARTHENIO

(1) PHILOPARTHENII

TETRASTICHON.

Astrorum (2) sedes, & (3) fines edocet Orbis,
Velivolasq; (4) rates, Undivagosq; (5) greges,
Atq; (6) anni, (7) Martisq; vices, (8) Patriæq; triumphos:
Quis Vatem hæc unum scribere posse putet?

(1) Est hic ANTONIUS RAMBALDUS Collati Comes, Vatis amicissimus.
(2) Cosmographiam innuit, quam Vates ad instruendos suos Auditores scripsit: & Francisco Pignatello Archiepiscopo Tarentino, qui subinde Cardinalis, & Neapolitanus Antistes renunciatus, dedicavit. (3) Geographiam, quam eundem ob finem composuit: & Jacobo Cardinali Cantelmo Archiepiscopo Neapolitano nuncupavit. (4) Nautica, quæ octo libris complexus, quibus & Piscatorias Eglocas adjunxit: & Carolo de Cardenas Comiti Acerrarum inscripsit. (5) Halientica, quæ decem libris absolvit, & eidem Comiti, Viro Vatis amantissimo, obtulit. (6) Anni tempora Æstates Surrentinas, quas eidem Tarentino Antistiti, à quo Vates Tarenti per quam humanissimè exceptus, dedicavit: Autumnos item Surrentinos, quos Thomæ Aquinati Castilionis Principi dedicavit; Ver Herculanum, quod Alphonsò de Cardenas Caroli filio inscripsit. His addendæ Hîmes Puteolana, quas olim intaitu Cardinalis Cantelmi, qui Authore familiarissimè utebatur, vix cæptas, nunc in gratiam Collati Comitis, absolvere parat, ut sub anni Eruditi titulo unâ prodeant. (7) Bellica, quibus XV. libris universam bellandi artem edocuit, & ejusdem Principis Aquinatis Nomine inscripta in lucem edidit. His Naumachica erant adjungenda, quibus Author quinque Bellum Navale libris in ultima senectute complexus est, & Comiti Collalto, cujus in gratiam scripta, nuncupavit. (8) Historiam Neapolitanam tribus Tomis contentam, quam hortante idemidem Cardinali Cantelmo, composuit; & Carolo Pacecco Carasæ Magdalenensium Duci dedicavit. His alter Tomus addendus, ut ad proximiora tempora Historiam perducatur, si longior ætas, & vires dabunt; & ut boni dent Superi Vati nostro literarum amatores optamus universi.



NAUMACHICORUM

LIBER PRIMUS.



UCERE quæ classes, quæ campis cura marinis
Ad pugnam struere, alatis seu prælia gaulis,
Seu tibi rostratis sint committenda carinis:
Quæque adhibenda inito sit jam solertia Marte:
Quique astus, potiorque auræ spirabilis usus,
Sive premas hostem, seu te subducere in altum

Ntiaris, longove acies invertere gyro;
Hinc canere incipiam; terrestri ut fulgida lauro
Tempora, navali valeam quoque cingere ferto.

Tu verò tantorum operum, Dux inclyte, Vati
Adsis, ò COLLALTIADE, & felicibus auris
In velum descende, novas & suffice vires:
Si tua jussa sequens ævi sub Vespere plectrum
Ex alta assumit pinu, desuetaque fila
Ad numeros revocat, digitisque tremantibus aptat.
Tu potis affectæ vitium reparare senectæ,
Florentesque iterum per membra infundere vires.
Namque tibi Ausonidum fœcundo à stipite Regum
Dena per annorum deductus sæcula sanguis,
Æternumque tua victurus prole, decora
Cujus jam gemino partu dedit esse Parentem
Starebergiadum claro de nomine conjux.
Regum, inquam, Ausonidum, quorum navalia bella,
Terrestres pugnae, ductique ex hoste triumpho,
Implevere dies anni: queis additus ullus
Haud unquam, lauro qui non splendente nitescat
Clarior, insigni quam si fulgesceret auro,
Sapphyrove foret, nitidove adamante notatus.

A

Ergo

Ergo age, navalis quando tibi debita laurus,
Nec tibi tot claris animus Majoribus impar,
Accipe difficiles artes, quibus æquore in alto
Et classem instruere, & duram committere pugnam;
Atque antiqua novis valeas cumulare trophæa.

At tu, qui Regnum Ansoniæ, nomenque Latinum
Instaurare Deum concordi numine Cæsar
Sanguine Romano venies, navalia bella,
Queis Romæ Tethys, queis vastis serviet undis
Oceanus, Rubrique finus & Caspia Doris,
Versibus his renuas ne discere: nam Deus isthæc
Inspirat Vati, atque in talem destinat usum.

Classes parandæ, qui-
bus, ceu ponte, disjun-
ctæ maribus terræ con-
junguntur.

Principio validas tibi classes cura parare
Plurima sit, pube insigni, nautisque peritis,
Atque omni instructas belli, victusque paratu.
Nam velut instrato sociantur flumina ponte,
Quò liber valeas utramque excurrere ripam,
Atque hæc rura modò, modò visere & illa: Latini
Sic magna Imperii moles, tot regna, tot oræ
Terrarum, sparæ mediis tot & insulæ in undis,
Classibus immixtis, strato ceu gurgite ponte,
Adnectuntur; adire quibus concessa potestas
Sit, quæcumque tibi magni lustrare necesse
Imperii loca, sepositosque invisere fines:

Utilitas, & incommo-
da si desint.

Hostibus extemplo, si res occurrere, & oras
Tutari, & subitos populorum extinguere motus.
Quin etiam externis poteris commercia terris
Jungere, & immenso rerum ditescere censu:
Vespere seu merces, seu deportentur Eoo.
At si classe vacas, pelago disclusus ab omni,
Illa tibi pariter certissima commoda deerunt.
Ac vasta ceu mole gigas prostratus arena,
Vivida cui desit virtus, animique tepescat
Innatus vigor, evaleat quò sponte sua se
Tollere humo, magnumque caput jactare sub auras,
Non aliud porrò, ni futile corpus, onusque est.
Sic etiam Imperii moles, vastissima quamvis,
Torpescet dejecta, suo privata vigore,
Si classes desint, nimirum spiritus; illo
Ut sibi concessum per se quæcumque moveri.

Confirmatur similitu-
dine.

Item exemplo ex Car-
thaginensibus.

Aspice Pœnorum vires, sparfosque per omnes
Europæ fines, Libyæquæ, Asiæque colonos;
Aspice tot domitas tantis cum gentibus urbes,
Congestas & opes una Carthagine: classes
Instructæ, totoque immissa potentia ponto,

LIBER PRIMUS.

3

Imperium potuit tantum, tantasque parare
Divitias, quibus adscitum victricibus armis,
Augetur facile imperium, longumque per ævum
Durat ab externis tutum, floretque, vigetque.

Tempore non alio crevit Res Romula, quàm cum
Magnum turritis calcavit curribus Æquor.
Tum longè in fines venit Romanus Iberi,
Illyricosque sinus, atque intima Regna Liburnorum,
Et trans Jonium penetravit victor in ortum;
Ac tandem, Pœnis non una clade subactis,
Oram omnem Lybiæ lustravit ad usque columnas:
Hinc, & in Oceanum velis majoribus audax
Intentavit iter, gelidasque cucurrit ad Arctos:
Parte alia Rubrum proscindens abiete pontum
Arabiam domuit felicem thure Sabæo:
Et cum gemmifera commercia Perside junxit,
Victor & extremum, ditemque inVectus ad Indum est:

Ex Romanis.

At, si exempla juvat memorare, & facta minorum,
Aspice in Adriacæ secessu Doridos Urbem,
Quam Veneti Heroum soboles clarissima bello,
In mediis posuere vadis; stabilemque sub ipso
Instabili fecere mari: secura vadossi
Mœnia cui fluctus, & non superabile vallum;
Rarum opus in terris, quo non quid pulchrius unquam
Hesperia in magna sol vidit, & æquius ullam
Juppiter omnipotens urbem prospexit ab alto,
Postquam Tarpejas superis evertere turres
Visum est, & Dominæ ruit alta potentia Romæ;
Classibus hæc validis, armisque instructa marinis,
Quot victrix maria excurrit? quot litora, & oras
Subdidit Imperio? quot gentes illa subegit?
Quot regna? & quantos egit post bella triumphos?
Indomitum quondam non una clade tyrannum
Auroræ fregit; classesque est ausa fugaces
Inter Abydenas arces absumere flammis,
Ipsius ante oculos spectantis ab arce tyranni;
Atque suas ignominias, sua funera flentis.
Quin etiam totum dimissis navibus Orbem
Per dites latè populos commercia junxit,
Vim quibus argenti magnam congeffit, & auri,
Quod validum est belli robur, spes certa triumphi.
Crescite felices populi, rebusque secundis
Consilio durate, suis dum vellera fusis
Explent concordi fatorum numine Parcæ:
Cæsare venturo cùm rursus Romula furget

Ex Venetis. Urbs des-
cribitur, & illius laudes
strictim perstringuntur.

4 NAUMACHICORUM

Majestas, Venetos cui tum submittere fasces:
Non ipsi renuent vestra de stirpe nepotes:
Omnis adorabit quando gens Itala Romam,
Et gentes omnes, & totus serviet Orbis.
Et nunc qui regno indocilis requiescere in uno
Omnem unus bello, terra pelagoque fatigat
Europam, miscens clades, & funera passim.
Illius imperium nimirum affectat, inani
Sed nisu: quando summorum numine Divum
Non nisi Romano dabitur, cui debita mundi
Arbitria, & justis moderari legibus Orbem.

Navalia primum, &
qua industria ædifican-
da.

Nauticis in rebus ver-
satus sit Prætor oportet:
idecirco Authoris Nauti-
ca creber evolvet.

Sed jam, quæ propriæ ductandis classibus artes,
Dicamus. Primum tibi sit Navalia tuto
Cura loco posuisse, leves ubi pangere currus,
Compactosque queas medias deducere in undas.
At loca ponendis quæ sint Navalibus apta,
Nostra docere valent te carmina, quæ super alto
Oceano, & varia ventorum scripsimus arte;
Non opus ingratum Nautis, Classisque Magistris.
Nam quicumque maris spumosa per æquora puppes
Prætor agit, cursuque hostem infectatur, ut illum
Ad pugnam eliciat, referatque ferocibus armis
Palnam exoptatam; vel, si fortuna reposcat,
Securos velis conatur adire recessus.
Ventorum hic teneat naturam plurimus, æstum
Et pelagi alternis variantem, & pyxidid usum,
Ac benè depictos tabula percalleat Orbes;
Ut brevia, & scopulos possit vitare, reductos
Utque sinus, tutoque petat curvamine portus,
Dirigat & certos per tot maria invia cursus.
Nec sibi commissæ gentis, nec classis in uno
Spem, curamque omnem Palinuro ponat: at ipse
Per magnum Oceanum, quâ iussus tendere, cursum,
Instituât, clavumque vigil moderetur: & ipse
Quæ cœli facies, quæ ponto sidera surgant,
Quæque ostenta nigra transcurrant nocte per auras
Sedulus observet, quibus omnes noscere ventos,
Et tempestates, imbresque & læta serena
Evaleat: simul ipse vagos in (1) pyxide (2) Rhombos,
Quâ via per pelagi campos carpenda patentes,
Investiget, Acus variantis & execet omnem

Er-

(1) *La Bussola* Itali dicunt. (2) Mundi plagas, ex quibus
venti spirant, pyxidid angulis indicatus.

LIBER PRIMUS.

5

Errorem, pictos & per se consulat orbes.
Idcirco, ut tutis infidas classibus undas
Naviget, eventumque gerantur bella secundo;
Nautica, Partheniæ quæ describere Camœnæ,
Plurimus evolvat; non quippe est futile carmen.

Perge, locus fuerit, postquam Navalibus aptus
Designatus, erit confestim turribus altis,
Instructumque omni armorum, fortique juvenia
Firmandus, validum ut Navalibus arceat hostem.
Quæ postquam confecta, marinas præcipe turres
Abjetibus tolli sectis, & cuncta parari
Armamenta, mari quorum certantibus ufus:
Assiduamque operi fabros impendere curam.
At quoniam puppes, queis æquore bella ciemus,
Sunt genere in duplici: hæ rostris armantur acutis
Perque fretum remis fugiunt, velisque, Triremes,
Hac ætate vocant Italorum turba minorum,
Penteres Graii quondam dixere vocantes.
Ast illas, magno quæ surgunt corpore, Naves
Atque etiam Gaulos appellavere, Notisque
Impulsæ, aut Zephyris spumantia marmora sulcant.
His vecti Oceanum, quæ sol utrumque recurrens
Cardine diverso terrarum respicit Indum,
Currimus, inclusas & circumfundimur undas.
Conclusam tantum rostratæ Dorida pinus
Remigio juvenum valido, velisque flagellant.
Idcirco geminæ classes ad bella parandæ
Altera turritis è navibus, altera rostris
Præmunita suis, atque acribus utraque nautis
Utraque bellaci, veterique est pube replenda:
Utraque & in propriis præfulgeat armamentis.
His semper maris arbitrium, Romane, tenebis,
Cæsar, & immensas regni tutaberis oras.

At quoniam possunt Mars, & Neptunus obesse
Classibus interdum, pugna non ille secunda,
Fluctibus hic tumidis, & tempestatibus atris;
Idcirco semper Navalibus altera classis
Struenda sit, extemplo quæ mitti in cœrula possit,
Casus ubi, fortisque vices variabilis urgent.
Ergo novas secto puppes compingere trunco,
Et veteres studeant habiles sarcire ministri.
Sic quicumque fero descendat turbine casus,
Haud classes reparare labor, pelagique tueri
Antiquum arbitrium, & forti superesse malignæ.
Quin ea præterea sit cura impensior, arce

Navalia turribus, fir-
manda, & armis.

Tum rostratæ, seu lun-
gæ naves, tum Gauli as-
sidua fabrorum cura,
compingendi.

Ex utroque genere ge-
mina classis sit semper in-
promptu ad omnem ca-
sum sufficiens.

In-

6 N A U M A C H I C O R U M

Portus muniendi, &
purgandi, futuri classibus
perfugium.

Instructa portus defendere, & ora doloſis
Hoſtibus, utrimque extenta prohibere catena,
Et, quos aſſiduè cumulos humentis arenæ
Vi multa intrudunt venti, fluctusque vadofî
Egerere, obduſtosque ſinus aperire carinis.
Sic, vel raucifonî incumbens atra procellis
Tempeſtas fremat, aut Mavors non æquus, habebit
Perfugium, quò ſe claffis ſecura reducat:
Et, quædamna ferox Mars intulit, aut Notus atrox
Sarciat: inſtaurata novis & navibus ire
Ruſſus in adverſos hoſtes, & prælia poſſit,
Spe certa palmæ committere, ſi Deus adſit.

Quæ maritimæ publi
diſciplina tradenda ſit,
quæ leges.

His animadverſis, portu deducere claffes,
Tempus, & Oceanum plenîs decurrere velîs.
Sed publi primùm quæ diſciplina marinæ,
Quæ dandæ leges, te, Dux Romane, docebo;
Naviget ut tutò claffis, bellumque ſecundis
Auſpiciis tractetur, erit lex prima jubenda,
Ne quis ſuccenſum de nocte in navibus ignem,
Ni cornu incluſum, circumferat. Igne cavendum
Semper, ubi præbent ſeſe tot pabula flammis.
Subdoluſus annonam ſi quis furetur, acerba
Plecte illum pœna: verùm ſi copia parva
Subducta, eſt virgis cædendus more vetuſto.
E putri quoniam ſentina, & fœcibus atris
Aſſiduè vapor exſpirat maleſanus; & illo
Immundæ ſcabies generantur, & aſpera tabes;
Idcirco quiſquis ſordes demittat in æquor;
Sæpius & naves purgentur, & Anthlia craſſam
Hauriat è fundo ſentinam, & fluctibus addat.
Siqua ratis Marte adverſo, nimbove labore, t,
Præcipuè obſcura cœli ſub nocte, remota
Sitque procul reliqua ſociorum è claffe, nitentes
Attollat ſummo puppiſ de vertice flammâs;
Ut propior quæcumque fuerit ratis, ilicet ipſa
Auxiliùm puppi feſtinet ferre labanti.
Dum Sol perfundit radiis ardentibus Orbem
E ſpecula navim ſi quis conſpexerit, omni
Det claffi ſignum, demittens vela ſuprema
Ter de more: ratem quæ cura impenſior ipſam;
Totoque in curſu pariter premat explorantem.
Quin etiam concluſa tenent cum cœrula claffes,
Inque ſinu tuto religantur, inertia ſiquem
Corripiat vigilum, conſeſtim plecte ſevera,
Dux, pœna; Tutela ratum tibi ſemper habenda eſt.

Nec

Nec nobis damnosa magis socordia, quam cum
Accrescit securo loco. De navibus ausit
Non miles, non nauta aliquis descendere, voto
Ni prius annuerit poscentis iusta, magister.

Præterea semper, cum jam nox appetit, æstu
Ni spumet pelagus, ni turbine sæviat Eurys,
Convenient primique Duces, legatus & unâ
Consulis ad puppim; patrioque è more saludent;
Atque humiles simul accipiant quæcumque jubebit.

Mox accepta rates vulgabunt iussa per omnes.
Si quis Præfectus turræ puppis, aperto
Sanguineus campo dum Mars committitur, ipse
Cesset iners mortis formidine territus, aut se
Proripiat pugna, merita nece plectitur, ante
Tristem ignominiam perpeffus more Latino.
Nimirum si torque suo, & fulgentibus armis
Nudetur coram Prætoze, Ducumque corona.

Dignus è ut pœna pariter plectatur eadem,
Qui duos inter confictus iussa superbus
Contemnit: simulatve sibi non dicta Magistro.

Nam sic sæpe manu victoria parta refugit.
Clavigeri vitio si fors ratis incidit inter
Occultas fyrtes, vel faxes patentia, vel si
In latus occurrat sociorum, protinus illum
Pro merito, Prætor, dejectum munere plecte.
Tandem prima ratum, quæ primum aspexerit hostem,
Ære bis exploso fociis det signa carinis.

Insuper his, regno similis quia Martia classis,
Urbes cui multæ, & Provincia plurima subit,
(Sunt etenim naves mediis in fluctibus urbes,
Quælibet & classis pars est Provincia) regni
Instar erit, sic illa suo Prætoze regenda.
Nimirum summis belli de rebus habendum
Concilium cogat, primæ ad subsellia puppis.

Ad quod convenient tantum legatus, & unâ
Ductores primi, quæ classes cura minores
Ducere: quo Prætor cætu, Consulve Supremus
Præsideat: quæque ipse Duces peragenda rogabit.
Admitti interdum poterunt, qui Nautica docti
Sunt usu longo, & multa virtute decori;
Ut, sua quæ fuerit de re sententia, dicant.
Hoc ubi concilium fuerit jam tempus habendi,
Æra his explodat valido prætoria pulsu,
Rubraque ab Artemonis malo vexilla nitefcent.

Hoc super est alium mos cætum cogere, summos

In casu quotidie Du-
cum concilium apud
Prætozem habendum;
quæque decreta per clas-
sem vulganda.

Concilium item de re-
bus agendis habendum
est. Et quo signo singu-
li Duces advocentur.

In

In quem ductores præter, clarosque Magistros,
 Acciri jubeas, qui primas ordine naves
 Præfecti ducunt, veterano è robore lecti.
 Quos omnes super annona, cursuque tenendo
 Portibus & super, & ventis, pelagoque rogabis.
 Cogendo cui signa dabit Prætoria, bombo
 Si ter raucifono reboet, non amplius, ictu.
 Vertice & ex alto tollat vexilla dolonis.

Legati etiam singula-
 rum classium suam concilio-
 cillum, cum res petit,
 habebunt, quæque con-
 stituta, ad Prætorem,
 cum primum licebit, re-
 ferant.

Ille etiam, cui certa subest Provincia regni
 Cœrulei, poterit super illa accire suorum
 Concilium: & quæ illo fuerint consulta, reportet.
 Mox, ubi permissum, Summi Prætoris ad aures.
 Ast illud, cum tempus adest, bombardæ tonitru
 Coget, & appensum mali de vertice signum.
 Tandem quisque sua Præfectus nave Senatum
 Cogere primorum poterit, cum jam premit ingens
 Calus, nec puppim Prætoris adire potestas.

Quæ cum lacænis Scy-
 thalis prævidere quid fin-
 gutis Ductoribus agen-
 dum dubiis in casibus,
 aut improvise incurfu
 hostes opprimendi.

Insuper his, etiam tibi Dux præ cura videre
 Plurima, Ductores quidnam, reliquique Magistri
 Singuli agant, cum sæva ruens sine more procella
 Disjecit classem longè, & diversa per undas.
 Idcirco, (1) tabulas inscriptas more Laconum
 Tradere cuique Ducum, poteris, quibus ipse futuri
 Sollicitus minio signasti, atrove liquore,
 Quos jubeas illos se tum deducere portus,
 Quas oras: contra quos & vitare necesse est.
 Id tibi tum pariter faciendum, linea in altum
 Dum variæ è vario portu dant vela carinæ.
 Et magnum meditaris opus, subitusque rebelles

Illæ nunquam rescin-
 dendæ, ni suo tempore
 & Coram Primoribus.

Opprimere, aut segnem deprendere cum struis hostem.
 Rectorum has nulli tabulas aperire potestas,
 Ni jussu cum tempus adest, vel cum ipsa petit res,
 Quas nec Præfecti poterunt rescindere, coetu
 Ni coram Procerum: si secius ipse severas
 Desumat tanto pœnas pro crimine Consul.
 Nam sic parebunt reliqui, sic munia quisque
 Explebit sua, sic ductabitur ordine classis
 Martia, felicique eventu bella gerentur,
 Arbitrioque Ducis. Sed jam canentia vela
 Eurus agit, lætisque ruens adfibilat auris.
 At, Nerei vastum quo classis naviget æquor
 Ordine, præcipiam: temerè haud errare per altum

Quem ordinem in na-
 vigando teneat Classis.

Fas

(1) Lacænæ Scythæ. Itali dicunt *Lettere scritte in cifra*.

Fas homini, concessa cui mens munere Divûm est.

Quando etiam bruti pisces, ignavaque Cete

In certas acies, in turmas humida findunt

Æquora, perque juga, & versus motantur eosdem.

Ergo omnem in turmas tres primûm divide classem:

Sintque pares numero turmæ: primamque supremi

Rectoris Legatus aget: reget ipse secundam

Rector: & extremam Legatus diriget alter.

Prima in conflictu est acies (1) Antica: secunda illa

Est (2) Media, & pugnae robur: postrema labanti

Suppetias latura, acies (3) Postica vocatur,

Quam Grajo pariter de nomine dicimus (4) Uram.

Præterea sit quæque acies divisa (5) cohortes

In tres, & terno insistentes ordine, campos

Per Nerei currant turrîtæ cœrula puppes:

Longævique Duces experti prælia multa

Ordinibus præsent. At nunc quibus agmina signis

Incedant distincta: Supremi è vertice mali

Vexilla alatas solvat Legatus in auras,

Inque dolone gerat labari victricia signa.

At media de puppe Pharos splendescat: & ipse

Legatus primam ducet per marmora turmam,

Et classis frontem regat omnem. Prætor ab alta

Victrices Aquilas mali cervice, simulque

Explicet Imperii labarum fatale Latini,

Et labarum è puppi pariter, pariterque secundis

Expandat Zephyris Aquilas, triplicemque micanti

Luce pharum auratæ præfigat culmine puppis.

Ipsè manum medii primam reget agminis. Alter

Extremæ Legatus agit qui classis habenas

Vela super media attollat vexilla Quirini,

Candidaque in mali referat cervice Supremi

Signa, pharumque sua radiantem puppe reponat:

Agminis extremique manum reget ipse priorem.

Quique Duces reliquas ducunt per salsa cohortes

Æquora, dent etiam vexilla argentea ventis,

Signa carinarum. Præfecti flammea possunt

Egregii, primo queis ordine contigit alto

Carpere iter, sua signa leves expandere in Euros.

Postquàm omnis tali directâ est ordine Classis;

Naviget, & Prætor ventis felicibus usus,

B

Præ-

Prætoria prima navi-
gat, reliquæ suo ordine
sequuntur.

(1) Vanguardia. (2) Battaglia. (3) Retroguardia.

(4) La Coda. (5) Squadre.

Exploratrix ratis semper
per inspectura fictum
præcedat.

Præcedat: reliqui, descendit ut aura, sequantur.
At, si pugnatum properet, frons prima secundos
Accipiat Zephyros, hostique occurrat. Apertum
Inspectura fretum, quæ velocissima cursu
Prima exploratrix præeat ratis: omnia & acri
Observe studio, lata æquora circumspiciens,
Cumque hostes longè venientes viderit, ære
Exploso, aut velum demitters, ilicet omni
Det classi signum, & numerum simul indicet ictu:
Quaque plaga mundi veniant. O, vertice ab alto
Hostilem vigil, hostilem custodia classem
Exclamat, roseoque illam descendere ab Euro.
Ergo agite, in pugnam cunctis properare carinis
Tempus, & egregiam palmam virtute referre.
At prius instructas quàm, Dux, in prælia classes
Educas, quæ multa queunt prodesse merendo
Hostibus è victis sertum navale, docebo.

Cum ad pugnam in-
struenda acies, prima, &
potior cura ventorum sit.

In primis, sparso quoniam ceu lumine mundus,
Et velut ætheria mortales vivimus aura,
Et quacumque petat res opportuna, movemur;
Sic etiam classis, sic navis quælibet Euris.
Aligeris animata volat, curritque per æquor,
Inque plagas omnes, inque omnes vertitur oras.
Maxima ventorum idcirco tibi cura adhibenda.
Semper erit: ventis nec quidquam impensius unquam
Observe; nam tota illis victoria pendet.

Qui ventis bene uti-
tur facile palmam adipi-
scitur.

Dura secundabunt læto si prælia statu,
Ilicet incipito, & palmæ spem concipe certam.
Quandoquidem, vento qui scit feliciter uti,
Atque adeo in pugnam plenis descendere velis,
Hic claros referet superato ex hoste triumphos.
Ergo omni studio, atque omni conaberis arte;
Ne tibi spirantes Euros solertior hostis
Præripiat, pugnamque ineat ductoribus illis.

Idcirco pugnandum, si
venti vela secundo in-
tendunt flatu.

Si Zephyri intendens velum favet aura, valebis
Hostilem primò, tutòque invadere classem:
Conferere & pugnam collatis cominus armis:
Navibus & pyriis, Eurique afflantibus auris,
Adversas inter portare incendia pinus.
Sæpius unde venit Victoria. Commoda venti
Hæc si percipiat fors ille sagacior, in te
Irruere actutum poterit, stragemque creare.

Si contrariè spirent au-
ra, omni conatu vitan-
dum certamen est.

At si forte tuis felices Æolus auras
Hostibus in velum regnato immittit ab antro,
Atque maligna riget vultu fortuna; recede

LIBER PRIMUS.

11

Tu procul, hostiles & longiis ære tonanti
Arceto puppes: & quo vicinior ille
Appropreat, propiusque manus conferre laborat,
Adniteris ed magis orbe errare reflexo;
Donec vel venti cadat ira, vel ipse sequendo
Illius (1) arbitrium meruisti in vela secundum.

Pergamus; si fors plures in prælia pinus
Turritas ferus hostis agat; certòque vereris,
Ne circumventum te fulminet, undique & igni
Devoret, in pugnam ne tum descende: sed altum
Concede in pontum, & Cauro da vela secundo.
Ut vento (2) immineas hosti: luctetur & ille
Adversa in flabra, atque adverso gurgitis æstu.
At verò è campo si vento obstante negatum,
Non æquam numero classem subducere, totas
Assurge in vires, numerumque acerrima penset
Tum virtus, palmamque petat majoribus aulis.

Si viribus superet ho-
stis, è campo exceden-
dum.

Quod si non detur,
virtute merenda victo-
ria est.

Cum contrarius fiat
Auster vitanda litora, in-
que apertum pelagus du-
cenda est Classis.

Ast omnem impendens operam, cava litora longè
Effugere, in velum cum fiat contrarius Auster;
Ne te forte Notis veniens è puppe secundis
Opprimat hostis atrox, flammisque involvat acutis.
Oceanus per aperta rates duc semper: apertum
Sylva fretum condensa, queas ubi condere classem,
Cum mare, cum cælum ferrugine texit opaca
Humida nox, celatque arreptum per vada cursum.
Nam quascumque velis terrarum vertere ad oras,
Alatas poteris delusis hostibus alnos.

Idem faciendum cum
Promontoria, sinusque
ægunt hostes.

Quin etiam persæpè sinus, vallesque reductæ,
Atque extenta tegunt quia Promontoria puppes,
Ut certum nequeat numerum deprendere ab alto,
Explorator eas ne tum festinus ad arma;
Sed maria alta petes, & venti (3) lora tenere
Nitere, quò sensim totum se se explicet hostis.
Festinate, Duces, lentè, Zephyrosque secundos
Captate, & captos velis retinete fugaces.

Quo ordine Nautica
pubes instruenda.

At durum properemus opus, tonat horribilis Mars,
Atque undæ, atque ipsi succedunt prælia venti.
Præcipe, Dux, igitur curvis in navibus omnem
Armari pubem. Sed qua ratione juvenia
Classica sit telis oneranda, & navita certis
Quisque locis vario pro munere ritè locandus,

B 2

Et

(1) Vento in poppa. (2) Star sopra vento. (3) Mantenere
il vantaggio del vento.

Et qua librator tormenta tonantia tractet
 Arte, canam paucis: prohibet me tempus, & auræ
 Dicere plura: vetatque moras Mars ducere longas.
 Classica qui tractant, triplex genus: impiger armis
 Miles, tormentis librator, navita velis
 Rem gerit: & pugnae pariter labor omnibus unus:
 Ordine quos tali statues, Bellona sub æquor
 Cùm vocat, & litui pugnæ, & classica clamant.
 Arcibus in geminis proræ, puppisque jubeto
 Delectum pubis florem se sistere sclopis
 Armatum longis: reliqui tueantur utrumque
 Navigii latus, & rigidis feralia cannis
 Continuo adversum protrudant pondera in hostem:
 Nonnulli pilis, ferroque & fistula athena
 Defendunt tabulata: citi jaculantur & illi
 Ardentes flammæ orbes, atque ignea (1) chytra
 Hostilem in puppim, jamjam, cùm cominus ibunt,
 Certi turritas confestim ascendere pinus.
 Mox, tormenta quibus curæ, sic instrue: doctæ
 Quotquot librandi præcellunt arte, ruentem
 Contra hostem explodant, admota recte, metallæ
 Ignivoma, & certo colliment verberare puppes
 Semper in adversas, inque æra sonantia; crebro
 Ut tandem possint diffringier utraque pulsu.
 Continuus, solersque aliis purgare canales,
 Atque onerare labor: reliqui, qui prima merentur
 Ætate in primâ stipendia, fomite flammæ
 Accendant, tormenta ligent, currusque reducant:
 Et fontes tabulata super diffundere curent;
 Ne pulvis recidens violentus suscitaret ignes,
 Incendatque ratem subito: quæ maxima semper
 Cura adhibenda: malum quando non durius ullum est.
 Tandem, quod jam subsequitur, sic instrue nautas:
 Insignes clavo insistant, versentque carinam,
 Ut res, ut venti, ut varians Fortuna reposcit.
 Hi tabulata super, prompti versare, recurrant,
 Vela manu prima, & funes, ferrumque recurvis
 Dentibus armatum: juvenes carchesia summa
 Amplectantur, ibique pedes, atque alta gubernent
 Vela: & sulphureum, cùm res deposcerit, (2) ignem;
 Et rapidum versent inimica in septa bitumen.
 Insuper hoc etiam dicendum carmine nostro;

Le-

Quaque solertia quis-
 que sua ministeria exer-
 ceat.

Clavigeri, & nautarum
 munera.

(1) *Granate.* (2) *Fuochi incendiarii.*

Legibus ut certis, atque ordine cuncta regantur:
 Navigii Rector, veluti Præfectus in urbe,
 Præsideat cunctis, moremque imponat: & olli
 Sese omnes flectant: pubis bellacis habenas
 Centurio teneat: senior cursumque, ratemque
 Puppæ gubernator fidens moderetur ab alta,
 Et quotquot curant navalia munera nautas.
 Dux tormenta regat, cujus sunt tradita curæ,
 Et libratores omnes, currusque tonantes.

Præfecti, ac ceterorum
 Ducum munia.

Sed neque præteream, nostris quod versibus ante
 Dicendum tibi, Prætor, erat, nova, dura minorum
 Scilicet ignivomas deferre, inventa, (1) carinas,
 Pulvere, quæ pyrio, densoque bitumine foeta,
 Horrida in hostiles ructant incendia puppes.
 His etenim si Marte tui fervente valebunt
 Artibus & propriis, & magnis ausibus uti,
 Securam sperare potes post prælia palmam,
 E' debellato, succensis navibus, hoste.
 Nam tota ex unis sæpe his victoria pendet:
 Et pandet pariter per certa incendia clades.
 Nam veluti glauco cum sulfure, Vesbius atroque
 Intumuit satur è nitro, nimioque calore
 Fervescens, flammam ex se concepit, ad auras
 Illicet impatiens sua viscera ructat, & altis
 Verticibus surgit, cælumque immanis, & atrox
 Fulmineque, tonitruque & turbine territat atro.
 Iratos iterum credas fera bella gigantes
 Moliri in Superos, propriaque in sede Tonantem
 Appetere, & totum flammis involvere Olympum.
 Omnia tum circum vastantur rura, propinquæ
 Vastantur villæ, & trepidis cum civibus urbes,
 Diluvio oppressæ, & latis torrentibus igneis,
 Terrarum & vastis sorbentur hiatibus undæ
 Vicini maris, exhaustis & fluctibus ignes
 Succedunt, tostique patent per litora pisces.
 Non secus accenso cum protinus igne, carinæ
 Flammivomæ magnis violenta incendia bombis
 Ructavere sinu, grandi vi pulveris atri
 Disrupto, & cælum texerunt undique nimbis,
 Cominus ingenti diffusis impete flammis,
 Et formidanda complexus cuncta procella
 Vulcanus furit, atque immensas fervidus infert

Incendiariæ naves in
 pugnam ferendæ.

Illæ, ceu Vesbius, in-
 cendia, & ruinas in hostes
 ferunt.

Ab'e

(1) *Burlotti.*

Abietibusque, virisque necesse, atque omnia perdit.
 Dilacerata volant, ambustaque corpora, & altæ
 Dissiliunt, tota distracta mole, carinæ.
 Quæ quoniam saxi onerantur, & ære, nitroque
 Compacto in globulos, stybioque, atroque veneno
 Imbutos, stygius quibus alto horrente procella,
 Depluit è cælo guttis ardentibus imber,
 Idcirco cædes, incendia, vulnera, mortes,
 Innumerosque creant luctus: nec stragibus ullum
 Effugium datur: & cunctos trahit una ruina.

Sed quibus inventis? & qua monstrante sororum
 Eumenidum in nostras hæc dira incendia terras

Quo tempore, & quis
 illarum inventor.

Erupere? ferox quisnam fuit ille minister
 Dirarum, cui tanta animis innata malignis
 Barbaries, feritasque fuit? Vos dicite Vati
 Pierides, dum bella placent, Martisque per omnes
 Ire vias, mediisque etiam conflagrare in undis:
 Ut COLLALTIADÆ nimirum mollia iussa,
 Tantus amor, studiumque viri, faciatis, & olli
 Regia navali cingatis tempora ferto.

Tempestate illa, qua descivere Britanni
 Legibus è Latiis, antiquaque sacra perosi
 In ritus abiere novos, cultusque profanos.
 Atque acti furiis, odiisque immanibus acti
 Divinas multis violarunt cædibus aras.

Poëtica narratione de-
 scribitur.

Nempe animos tantum valet irritare malignos
 Pellicis unius facies fucata veneno,
 Et nunquam tumidi saturanda superbia regis:
 Vir fuit Arctoo natus sub fidere, & Ursæ
 Lactatus mammis, gelidisque in fluctibus altus:
 Idcirco toto feritatem pectore primis
 Hauserat ex annis, fibrisque immiserat altis
 Barbariemque ipso referebat nomine: dictus
 Nam Draco Hyperboreis est gentibus: alter & illo
 Haud gelido vixit sub cælo immanior unquam,
 Qui de more vagi prædonis navibus omnem
 Oceanum latè currens prædisque, rapinisque
 Et multis hominum necibus turpaverat. Atram
 Ut rabiem, atque omnem in Superos Rex barbarus iram
 Evomeret, classi, quam multis struxerat annis
 Et sumptu ingenti, pubique armaverat acri
 Prædonem hunc dirum furiis, flammisque litandum
 Ductorem imponit, baculoque insignit eburno.
 Et jubet, ut clades, strages, incendia, mortes
 Romuleo fidas Patri deportet in oras.

Nil sit tam sanctum, nil tam venerabile, ferro
 Quod non evertat, flammisque involvat acutis.
 Si sanctum est illud, sique est venerabile, iniquis
 Ausit quod furiis se magni opponere regis,
 Cujus Religio, Pietasque est una libido:
 Quæque cruenta sacras macretur victima ad aras
 Est acris vindicta, animis desumpta superbis.
 Ergo his instructus monitis, de litore prædo
 Solvit, & Arctoas dat barbara vela per undas.
 Vix altum tenere rates, cum puppe sub alta
 Manibus infernis, Ditique immania sacra
 More novo facit, execrandaque carmina fundit
 Multa precans: cursuque super, jussisque nefandi
 Regis, & Eumenides, & totum consulit Orcum.
 Extemplò totus turbari a gurgite pontus
 Incipit, & nigris obduci nubibus ær.
 Nec mora terribili tonitru, quo maximus æther,
 Et maria alta, imique specus sonuere profundi,
 Concussæque procul terræ: mox turbine magno
 Tempestas sequitur, varioque à cardine mundi
 Horrida diversi committunt prælia venti.
 Attolluntur aquæ, spumasque ad sidera jactant
 Nunc tumidæ in montes: nunc subsidentibus undis,
 In valles humiles curvantur; & ima laceffunt
 Tartara: præcipientesque ruunt è nubibus imbres.
 Fulgura crebra micant: tonat alto à vertice cælum;
 Fulmineo & totus pulsu discinditur ær.
 Credideras rupta penitus compagine rerum,
 In chaos ire iterum, atque in cœpta informia mundum:
 Tempora vel Pyrrhæ rursus rediisse, sub altis
 Queis totus periit demersus fluctibus orbis.
 Mox ubi paulisper cœli, ventique, marisque
 Effusa est rabies, & sævi turbinis ira:
 Ac sua confestim placido lux reddita cœlo est,
 Isthæc terrifico vox murmure clara, sinistra
 Parte poli tonuit, trepidasque exterruit aures:
 Perge, Caledonios in fines dirige classem:
 Atque hinc extremæ venies ad litora Thules:
 Illic mira tibi monstrabo inventa, tyranni
 Queis iram saturem, flammisque, & funera portes,
 In quoquot Latiis scripserunt nomina signis.
 Hæc ubi Tartareo vox improvisa remugit
 Murmure, confestim stygiæ fremuere cavernæ
 Et nutare sinu, atque ingenti concitus estu
 Nereus assurgens diversa recurrere, & omne

Draci navigatio.

Exorta tempestas describitur.

Igni-

Ignibus obscuris visum est ardescere cælum.
 Mox Notus adverso veniens violentus ab axe
 Execranda suo perflavit flamine vela.
 Barbarus oraclis dirarum erectus, & auras
 Accipiens, votisque suis, cursuque secundas
 Currit Hyperboreæ vada Tethios, & petit Arctos;
 Arctos, Oceani quas nunquam perluit unda.

Ultimus è quatuor, qui se discrimine certo
 Diffugiunt semper, quæ circulus implicat Orbem,
 Temperiemque suo concludit limite, & alti
 Supra aperit glacies, nebulasque & frigora mundi,
 Insula vasta jacet: Thulem cognomine quondam
 Dixere, & noti limes fuit ultimus Orbis:
 Nunc à frigoribus nomen gens barbara fecit.
 Hujus ab immensis surgit radicibus Hecla:
 Qui nivibus, flammisque, & vasta mole superbus
 Vesbion, & Phlægram, summumque lacescit Epomeum;
 Vulcanumque, Æthnamque, & monstra horrenda Chymææ.
 Nam vomit ambustus tot vasta incendia Crater,
 Quot Vesuvius apex, quot formidanda Chymæra,
 Phlægraque, Vulcanusque, atque his immanior Æthna.
 Monte sub hoc nuper sedem defixit ab antris
 Translatam stygiis Dis horridus, omnia vellet
 Axis Hyperborei cum regna invadere, gentes
 Inque omnes diri virus diffundere Averni.
 Et potuit; quando, jam se mortalia corda
 Moribus induerant pravis, corruptaque dudum
 Illecebris sævæ Veneris: qua dirior urget
 Nulla lues mentes hominum, cogitque vetustam
 Ejurare Fidem, perque omnia crimina ferre
 Sese præcipites, votis furialibus actas,
 Præterea novitatis amor, vulgoque placendi
 Libertas, qua nil succedit gratius unquam,
 Paulatim ritu antiquo, sacrisque paternis
 Abduxit gentem, & contage infecit amara.
 Vos igitur quotquot populorum sceptrâ tenetis;
 Solliciti veteres Patrum defendite ritus,
 Et mores arcete novos, nova dogmata, sanctam
 Si servare Fidem, pacataque regna tenere,
 Ultricesque manus cupitis vitare Tonantis.
 Sed jam luctificus prædo transmiserat altas
 Orcadas, & gelido quotquot nant æquore, terras.
 Tandem, vela Noto nunquam laxante remotæ
 Ingenti plausu contingunt litora Thules.
 Est portentosi montis radice sub ima

Arctous mundi limes,
 & Thule insula describi-
 tur.

Et Hecla mons.

Heclæ vallis, ubi à prædone, Achæontæo ritu, Diti litatum depingitur,

Convallis nemorosa, sinuque amplectitur undam
 Ignibus ardentem stygiis, quam vertice ab alto
 Hecla vomit, tetrumque bituminis efflat odorem.
 Hujus in extremâ, atque exesâ rupe caverna
 Horrida, nigra patet, fumoque obsessa maligno;
 Tartaream expirat tenebroso ex ore mephitim.
 Ante aditum saxo è solido jacet ara, Tyranno
 Hic Acherontæo sacra gens facit: axe sub alto
 Quæ glacies, nebulasque, æternaque frigora durat:
 Hic Manes colit, in dubiis hic consultit Orcum:
 Accipit & responsa, sono non reddita certo.
 Quippè tegit Dis ambiguâ mendacia verbis,
 Et miseros homines oraclo ludit inani.

Nimirum meritam patiatur credula pœnam
 Gens, quæ Romuleas leges, & Numina spernit?
 Huc Draco, quæsitâ postquam tellure potitus,
 Se ducit: circumque virum diffunditur omnis
 Classica turba: præit scipione insignis, & ense
 Aurato, & sparsim gemmis radiante coruscis.
 Ille suos, gressuque ipso, vultuque minaci
 Barbariem præfert, rabiemque expirat, & iram.


Ut vallem ventum est imam, se protinus antrum
 Infert in medium: flexoque hic poplite Ditem
 Horrendo ritu, & Manes veneratur Averni.
 Mox hircum putore gravem supra immolat aram
 Marmoream; sædoque implens cratera cruore,
 Haurit, & infernis Furiis, Noctique propinat.
 Idque omnis, diri ritus imitata magistri,
 Turba facit navalis, & auribus astat apertis,
 Exceptura sonos quoscumque effuderit imis
 Ex adytis specus, horrendusque immiserit Orcus.
 Vix cuncti biberant, subito mirabile monstrum
 Cernitur ex antro cervicem educere, & alto
 Corpore paulatim consurgere; qualis in astra
 Tollitur Enceladus, vasta vel mole Vesuvum
 Qui quatit Oromedon, terretque sepultus Olympum.
 Nubila jam supra caput invehit: occupat & jam
 Umbra minax Heclæ fastigia summa, nivesque
 Exsuperat, rapidisque accedit proxima flammis.
 Confestim insoliti specie perterrita monstri
 Carpere turba fugam, celerisque ascendere naves
 Apparat, impendenti & se subducere Fato,
 Quod fore vicinum, certumque, & triste putabat.
 Cum Draco terribili visu non territus, Orci
 Nimirum hæc solitus spectare horrentia spectra,

Inter Avernales & convivariæ umbras:
 Ne socii trepidate, inquit, formidine monstri;
 Nil etenim, ni vana oculos illudit imago,
 Immenfusque Gigas est umbra: ò cernite, rursus
 Ut jam decrefcens fe contrahat, ut caput altum
 Demittat, fenfimque omnes jam colligat artus.
 Quique erat Alcides, vix nunc Pigmæus; & auras
 In tenues fugiens horrenda evanuit umbra.
 Attamen hic Ditis mos eft, oracula gentes
 Ut, fi non folitæ veniant expofcere, tali
 Percuffæ fpecie facrato protinus antro
 Diffugiant. Vix verba fuis dedit ille, repofitis
 Cùm rauca ex adytis fpehuncæ hæc intonuit vox:
 Sulphure uti gravidus multo, nitroque tonanti
 Impositas fupra moles, immania faxa,

Incendiariorum navium,
 Dice monitante, inven-
 tum ab Hecla ductum.

Atque metalla finu quæ continet, impete vaflo,
 In cœlum jaculatur: acerba fervidus ira
 Pectore cùm toto, totis cùm naribus ignem
 Efflat Titanum de gente haud ultimus Hecla:
 Inque ipfos fuperos infert incendia, & ipfas
 Imbre relabenti faxorum, & pulveris atri,
 Et flammis urbes, & campos undique vafat:
 Non fecus ipfe gravi compinges corpore naves,
 Illarumque finu concludes flammea nitri
 Semina: mox faxis, denfoque bitumine, & ære
 Plurimus, & ferro gravidabis: & inde feroces
 Inque hoftes medios immitte: nitroque minifter
 Inniciat flammæ, cùm claffi cõminus ibunt
 Adverfæ. Sucenfus ibi nitratus ad auras
 Erumpet pulvis, validasque ad fidera mittet
 Impositas moles: atque incendia vafia, ruinasque
 Inferet, & rapidis confumet cuncta favillis.

Hæc ubi de ftygiis vox eft emiffa cavernis,
 Impete mons valido circum concuffus, & omnes
 Infremuere finus, magnæque immugiit ira
 Inclufus gremio (1) Arctodes; Sic horrida primùm
 Ignivomas, inventa, rates niger extudit Orcus.



NAU-

(1) Gigans fub Hecla ab Arcto dictus.



NAUMACHICORUM

LIBER SECUNDUS.

A Strage, nunc vitreo quæ cura extendere campo
 Instructam, Prætor, classem, quove ordine fluctus
 Per medios iter arripiat, seu remige forti,
 Findat aquas, vento seu vela inflante secundo,
 Tempus, ut expediam; brevibusque exponere dictis
 Contendam citus; argutum deponere quando
 Jam plectrum devexa annis meme admonet ætas;
 Ut mea venturi teneant post Fata nepotes.
 Ipse vel in primis Vati charissimus olim
 Ad Medicas capiet felix (1) Eulalius Herbas.
 Sed si priscus amor, si quidquam dulcia possunt
 Otia, Sirenum mecum transacta sub oris,
 Istis egressus spatiis, curisque solutus,
 Grandiaque heroæ meditaris carmina versu,
 RAMBALDI (serò mihi Vati cognitus Heros:
 Proh sortem infensam! primis noscendus ab annis
 Qui fuerat, nostro versuque, lyraque sonandus)
 Tu genus egregium, atque illustria facta sequare:
 Non labor incassum: tibi gloria multa futura est.
 Illius interea auspiciis dum persequor artes
 Bellandi heroas, postremaque litora tango,
 Affer opem, doctamque senî tu porrige dextram!
 O Vatem immemorem! nostræ sed parce senectæ,
 Parce precor; fugiunt anni, simul ipsa labascit

C 2

Mens

Horraur Eulalius, ut
 RAMBALDI genus, & il-
 lustria facta, posteritati
 mandet.

Auxilium illius in ex-
 trema jam senectute po-
 stulat.

(1) Franciscus Savastanus, cujus sub Eulalii nomine, me-
 minit Vates in Surrentinis Dialogis.

Mens annis: tacitum non te, dulcissime (1) Briga,
 Non te præteream, magna de stirpe nepotum,
 In magnum pariter qui mox venturus honorem es,
 Pierium fumes dicenda ad Musica plestrum:
 Et varias leges numerorum, & consona fila,
 Et sacros Rythmos, & docta inventa docebis,
 Majorique tuum superabis laude Parentem.
 Tuque etiam, primis ætas dum floret in annis,
 Et juveni arident Musæ, sacrumque recludunt
 Parnassi fontem, & pater ipse arridet Apollo,
 COLLATÆ decora alta Domus, totque inclyta avorum
 Facta, triumphales palmas, & clara trophæa,
 Et memorare iterum, meritæque extollere laude,
 Incipe, Melpomene finem cum dulcis habebit;
 Festinaque tui partes explere Parentis.

Hortatur & Brigam, ut
 ubi Musicis supremam
 manum imposuerit, de
 RAMBALDO dicere aggre-
 diatur.

Sed me terribili sonitu Vulcania ad arma
 Æra vocant; medioque instruenda in marmore classis,
 Et primùm, quando conclusum currimus æquer,
 Rostratasque agimus dura in certamina puppes
 Threjicium contra Regem, qui victor Eoi
 Regna tenet, vexatque immanis more Tyranni;
 Has opus instruere in pugnam, quò certius hostem
 Vincant, optatamque ferant post prælia palmam.
 Contineat, Prætor, classis, quam ducis in hostem,
 Octoginta simul (2) Penteras & insuper unam
 Sex unà (3) Hepteres, magno vel corpore Gaulos.
 (Namque etiam interdum mos est, ut in agmine Gauli
 Rostratas societ ad prælia dura Triremes)
 Tres primùm in Partes Penteres divide cunctas:
 Septem & viginti accipiet sibi quælibet; (4) Agmen;
 Ut memorant, priscis pars quæque est dicta Latinis.
 Primum agmen Legatus aget, mediumque tenebit
 Prætor, postremum ducet Legatus & alter.
 Exin tres acies fac, Dux, ex agmine toto,
 Quæque novem Penteras habet sub triplice versu
 Instruñas: annisque Duces, & robore primi
 Ductabunt versus: illos & cuncta juvenus

Ars rostratæ classis in-
 struendæ.

Audiet

-
- (1) Melchior à Briga magnæ spei juvenis, qui jamnunc
 Musica meditatatur.
 (2) Quinqueremes, Galere vulgus Italarum vocat, cumque
 Triremibus confunduntur.
 (3) Septirem s, Galeazze, dicunt Veneti, apud quos fre-
 quens usus. (4) Squadra Italici audit.

LIBER SECUNDUS.

21

Audiet, in pugnam seu vadere, sive per æquor
Ire opus: ast ipsi Prætoris jussa faceffant.
Consulis imperio subfit Legatus uterque:
Nam per sæpe solet Consul quoque ducere classẽ:
Et ducet, quoties immensis viribus hostem
Appetimus, totoque armis decernimus asse.

Legati agminibus præ-
sunt: ipsi, & universa
classi Prætor, vel Con-
sul.

In pugna omnis error
præcavendus: idcirco cu-
jusque navis juvenis Præ-
fecto pareat.

Præterea ne fortè aliquis pugnantibus error
Occurrat, variet leges, atque omnia turbet:
Semper & est inter certamina dura cavendus
Error, quisquis erit; contempta sæpe favilla
E' tenui magna exarsere incendia flamma.
Omnis & idcirco Penteris lecta juvenus
Ductoris jussis obtemperet, & simul ipsos
Quæque duces proprios rerum ad diversa sequatur
Prompta ministeria, atque usus descendat ad omnes.
Seu sit remigio insistendum, sive metallis:
Sive manus hosti jamjam conferre propinquo
Res petat, è prora & longis arcere sarissis:
Seu stet in hostilem saltu transcendere puppim.

Quæ certa inter agmi-
na discrimina consti-
tuenda sint.

Et quæ ipsas inter na-
ves, ut expeditior sit ex-
cursus; nec inter eun-
dum, pugnandumque se
mutuò impedian.

Perge igitur, Prætor, cum primum instruxeris agmen,
Inque acies ternas distinxeris; inter & æqua
Intervalla acies statuenda, simulque Triremes
Rostratas inter spatium stat figere certum.
Quantum acies currit, tantum sit inane recurrens:
Et tantum versus inter, quantum ipsa Triremis
Occupat Oceani toto se corpore tendens:
Majus at intersit spatium latus inter utrumque;
Ut via remigio pateat largissima; nec se
Impediant remi, cursumque morentur in hostem.
Utque etiam versus inter tranare Biremes,
Velocesque simul possint excurrere Lembi,
Prætoris vel jussa, novam vel ducere pubem
Præstat in auxilium lassis, dum prælia fervent.
Atque hinc te, Prætor, moneo, Lembosque, Biremesque
Atque etiam celeres ornare ad bella Celoces:
Has & sclopiferis armabis, & ære minori,
Quod nostro, ut dictum, versu, Falcunculus audit.
Suppetias poterunt hæ ferre Triremibus, hostis
Cum premit, & juvenes inferre è puppe recentes,
In latus hostilis pariter se vertere Pinus:
Tormētis quaterere, atque effringere pulsibus alas.
His etenim auxiliis res perditæ sæpe revixit,
Et de victori Victoria magna relata est.

Biremes etiam in acie
adhibendæ, ut expeditæ
opem sociis ferant, no-
vumque militem labo-
rantibus immittant.

His jam præmonitis, quod fortius instat, agamus.
Primum, Prætor, ubi instruxisti in fluctibus agmen,

Illius

Hepteres prima fronte
locandæ.

Illarum magna utilitas
in conflictu: eisque
magna ex parte Naupactæ
victoria adscripta
est; qua si bene Latini
visi essent, conclamatum
jam tunc de Othomano
Imperio fuisset.

Modus sinuatæ aciei
explicandæ traditur.

Illius in gemino turrita mole Triremes,
Hepteres Graii quondam dixere vocantes;
Dispones cornu, tres dextra, tresque sinistra:
Inque uno instructas versu sub fronte locabis.
Non secus agminibus geminæ terrestribus alæ
Stant Equitum, cursuque accendunt prælia primæ.
Navibus his Veneti, queis olim crebrior usus,
Sæpius ingentes retulere è Thrace triumphos.
His, ut fama canit, Naupacti est palma relata:
Qua non majorem fastis scripsere vetustis
Christiadæ: gestis qui si felicibus uti
Concordes animo voluissent, protinus omne
Eversum imperium Turcarum, & reddita prisca
Romulidum sacris jam Græcia tota fuisset.
Atque Asia, & quicquid terrarum Solis ad ortum
Othomani dura vexant ditione Tyranni.
Sed proh fata Desum! numquam sua commoda norunt
Mortales, fortive sciunt servire secundæ.
Verùm odio in præceps acti, & discordibus iris,
Quod nequeunt hostes, sese perduntque, ruuntque.
Sed quò me dolor, & non jam medicabilis ictus,
O utinam foret & post emendabilis error,
Me rapuit! Sed erit pretii sat questibus olim,
Cæsaris auspiciis cùm tu, RAMBALDE, superbum
Odrysium contra turritis classibus, ibis,
Latè Asiam, & totum victor vastabis Eoum.
Interea properemus opus; classisque struendæ
Accipe nunc leges alias: si fortè placebit
Rostratam sinuare aciem: namque ordine tali
Interdum præstat contra procedere in hostem.
Sex uno instructas versu sub fronte locabis
Hepteres, pugnæ robur, Martisque futuras.
Altero & in versu dextra, lævaque repones
Sex etiam naves, humili quæ corpore surgunt;
Atque agiles velo currunt: hæ fulmina torquent;
Hepteres postquam cœperunt prælia bombis
Horrissonis, pressique Scythæ formidine nutant.
Hinc Primum lævo in cornu tu versibus Agmen
Expones geminis, binæ fac ordine primo
Sint acies, & quæque novem sub signa Triremes
Colligat: expositæque simul sint ordine bino.
Tertia mox acies insistat structa secundo
In versu, primasque inter spatia æqua relicta
Directum aspiciat: per & illa, ubi tendere in hostem
Est opus, irrumpat, nutantiaque arma suorum

Firmet, & explosis sustentet praelia ahenis,
 Tormentis, de puppe tonant, quæ fulmine rauco.
 Ast ubi jam Primum lævâ construxeris Agmen
 Ad dextram Medium spatii discrimine iusto
 (Quantum acies instructa vagis sese explicat undis,
 Tantum intermedium pelagi sit inane relictum)
 Expones Agmen numeris, & legibus iisdem.
 Non secus arte pari Postremum dirige contra
 Extentum pelagi vacuum latus inter utrumque:
 Quâ se tota acies, cùm tempus, & ipsa petit res,
 Æquatis moveat signis, sistatque ruentem
 Hostem, insultantemque recentibus obruat armis.
 Vel, si fors cedat, primis urgentibus, ipse
 Succedas pugnae, longèque sequare fugacem.
 Ut sit plena tuis victoria: funditus ille
 Deletus, maris imperium tibi deferat uni.

Ars explicandæ classis
 ritu Phalangis,

Insuper his, ritu sedeat si fortè phalangis
 Rostratam vitreis classem protendere campis,
 Has adhibe leges; tres dextro, tresque sinistro
 Hepteres cornu: medias discrimine longo
 Velivolâ humili surgentes corpore naves
 Dirige: raucifonis quæ praelia prima metallis
 Accendant, crebroque laceffant fulmine Thraces.
 Ordinibus geminis amplo discrimine retro,
 In parvas acies divisam dirige classem.
 Inque duas acies versus partire: Triremes
 Sint quinque in primo positæ, quatuorque secundo:
 Quatuor & vacua aspectent discrimina primi:
 Tres acies dextrâ constabunt ordine Primum
 Agmen, tres mediæ Medium, reliquæque sinistra
 Postremum facient Agmen. Quæ forma Phalangis
 Inviictam reddet classem. Terrestribus olim
 Ut certaminibus Macedum fortissima in armis
 Atque inviicta Phalanx habita, & certamine victrix,
 Seu peteret conferta, feros seu pelleret hostes.
 Odrylii, quorum, Selimo sceptrâ tenente
 Europæque, Asiæque, & ditia regna Canopi;
 Ingens Jonio, Ægæoque potentia ponto,
 Et validas secum classes ad praelia agebant,
 Lunatas acies vitreis exponere campis
 Consuevère, vagæque imitantes cornua Phœbes;
 Falcata duplici cornu sinuare solebant:
 Fidebantque Deæ se, cujus imagine jactant,
 Latuos palmam egregiam, exuviasque Latinas;
 Praelia post armis certata, & numine Divæ.

Quæ ratio potior du-
 citur,

Turcæ sub Selimo Re-
 ge, Lunatam instruebant
 classem, & qua ratione,

Et

24 NAUMACHICORUM

Et quoniam numero præstabant, sæpe carinas
 Hostiles poterant medias comprehendere, casse
 Ceu longo cervos, aprosque à monte ruentes
 Claudat Venator, prædamque ad tecta reportat.
 Hos ego Barbaricos mores, pueriliaque artis
 Inventa, haud equidem laudaram carmine nostro.
 Mars petit ingenium, atque heroæ robora dextræ.
 Nonne vides, ut sæpe Scythæ certamine victi
 Terga dedere fugæ, & portus petiere patentes?
 Innummeras quamquam traherent ad prælia puppes,
 Pube pari, & totum velarent aëra telis.
 Quid memorem fractas toties ad litora Cretæ
 Barbaricas acies? Quid duri saxa Capharei:
 Quid Maleam, Euripique undantes sanguine fluctus
 Threicio, & latè dispersas æquore Lunas?
 Fumat adhuc incensa Scytharum plurima classis,
 Hellesponte, tuas ad fauces: & tua, Smyrne,
 Altera flagrat adhuc furvis ad litora flammis.
 Quid Naupactiæam referam clademque, ruinamque,
 Et penitus Thracum everfas cum mille carinis,
 Et vires, & opes, & robora cuncta Tyranni?
 Tristis adhuc, lentusque fluens Achelous acerbam
 Flens ignominiam: tristes & Echinades atram
 Nunc etiam sortem, non æqua & Numina culpant.
 Attamen immeritò, propriam culpæ suorum
 Desidiam debent, & inertis robora dextræ.
 Virtutem & nostram, ingeniumque, artemque magistræ?
 Vivit adhuc, distracta licet, proh Fata Deorum,
 Fortunæque vices variabilis! Itala virtus:
 Nec sunt degeneres majorum à sanguine, nec cum
 Terrarum imperio pariter cecidère Nepotum
 Mentes magnanimæ, fortesque ad prælia dextræ.
 Præteriisse juvat sed tristia, Fataque forti
 Ferre animo, sortemque iterum expectare benignam:
 Interea, COLLALTE, sequar tua maxima iussa:
 Et præstat properare; brevis nam terminus ævi
 Cantanti superest: missis licet ipse tabellis
 Regnata de sede, Marique a flumine nuper
 Nestoris ætatem, & centum promiseris annos,
 Votaque Parthenio pro Vate emiseris Almo
 Saberidæ, & Lojolæ, & Partheniæ Genitrici:
 Hujus & exemplar deductum ab imagine prisca,
 Quam magni, ut perhibent, depinxit dextera Lucæ;
 Addideris sacrum pignus, divinaque dona.
 Atque hinc Parthenia jussisti affigier Æde,

Dextræ,

Quæ minimè Vati pro-
 batur.

Varia Turcarum cla-
 des referantur, Italorum
 virtute paræ.

Quæ vivit adhuc, etiam
 si distracta in variis mem-
 bra Italia sit.

Dextræ, animique tui monumentum insigne futurum.

Ast ego, jam sordent quando mortalia, sordet

Tellus culta suis cum rebus: displicet omne,

Quod non perpetuum vivit, semperque futurum est.

Tantum à Cœlicolis peterem concedier ævi,

Concelebrare tuas quantum sat versibus esset

Egregias laudes, & Nomina clara tuorum.

At tibi, Musarum quando Dux alter, & auctor

Existis, nitidoque facis florescere cultu

Illustres studiorum artes, & docta Minervæ

Munera, det longum prece nostra Juppiter ævum.

Ergo age, rostratis unà cum puppibus alta

Turritos si mole trahas ad prælia Gaulos:

In geminas illos acies partire, paresque

Sint acies numero: versuque deinde sub uno

Rostratæ ad geminum classis latus instrue, ut hostes

Horrissonis bombis, Euro spirante, laceessant.

Hostiles vel fronte petant, si duxerit illos:

Barbarus & raucis pariter tonet ipse metallis.

His vero alatis tractas si puppibus arma,

Rostratisque simul, juvat illud mente sagaci

Discere; quod multum palmæ conferre merendæ,

Dux, valet: Æoliis illæ spirantibus auris,

Bella gerunt meliùs: validis nam pulsibus Euri

Se facile in latus inlectunt, tonitruque frequenti

Horrendas gremio glandes, & fulmina torquent.

Ast hæ pacatis pugnant felicibus undis

Cominus, & primis explosis igne metallis

Rem peragunt cannis brevioribus, atque sarissis,

Nudatoque petunt ferro Thracesque, Scythasque.

Idcirco spirat si flatibus aura secundis,

Prælia dura gere, & felicibus utere ventis.

At si turritis decertent pluribus hostes

Navibus, at plures deducas ipse Triremes,

Æolia cum rupe silent Eurique, Notique,

Sternitur & placidum maris æquor, prælia rostris

Incipe collatis. Sequitur sed protinus alter

Jam labor. Audendum semper tibi rebus in arctis;

Quodque negant vires tibi suggerat ipsa sagax mens:

Ergo age, si ternis fuerit, non ampliùs, alnis

Velivolis, aut quinque tibi, Dux, aspera pugna

Rostratas contra plures sic instrue naves,

Ut Scythico palmam valeas ex hoste referre,

In tribus æratas, Dux, puppes præcipe punctis

Sistere se, formam referens ut tota trigoni

Modus instruendi Gau-
los unà cum Rostratis.

Quæ, cum utroque na-
vium genere pugnatur
animadvertenda.

Si plurima Gaulorum
copia tibi sit, & ventus
spiret, incundum cum
hoste certamen est.

At si rostratis præstas,
cum silent auræ, inimi-
cum aggredi, commodū.

Quid agendum Duci
sit, cum contra plurimas
longas naves cum paucis
turritis dimicare cogitur.

Modus instruendi aciem
in tali discrimine.

D

Structa

Structa acies visatur: & hosti terna ruenti
 Obiciat latera, atque exploso fulminet ære.
 Sint æqua & latera intervallis distita certis.
 Centenos tantum teneant distantia passus:
 Quinquaginta alios nonnulli his insuper addunt:
 Opportuna sibi, cùm tempus, mutua possint
 Auxilia inferre, hostilesque avertere puppes.
 Hac etenim Gaulos si lege instruxeris, hostis
 Quemcumque illorum irrumpens petat, ilicet ipse
 Cunctorum tormenta, & duros sentiet ictus.
 Sique silent venti conclusi carcere, sclopis
 Propulsare acres juvenes majoribus alnos
 Odrysius impune, neces & ferre per omnes
 Difficilè haud poterunt. Sed qui festivus ab undis
 Eois resonat clamor? quæ pompa triumphi
 Ducitur Jonio in medio? juvat usque tueri,
 Et causas etiam cantando exponere, Musæ
 Dum Vati arident curis, annisque gravato,
 Inspirantque novum membris languentibus æstrum
 Carminis Heroi, & Musarum ductor Apollo
 RAMBALDUS vires potabile sufficit auro.

Refertur memorabilis
 pugna Sicularum navium
 contra innumeram clas-
 sem Turcarum.

Thracius, Eoa regnat qui sede, Tyrannus,
 Et Græcos ditione premit, Cretamque, Cyprumque
 Victor, & Ægæis dominatur classibus undis,
 Sæpius, emissis è faucibus Helleponti
 Navibus, Italiæ vastabat litora, & oras
 Sicelides ritu prædonis, & æquora circum
 Crebrius excurrans æstate obsessa tenebat.
 Non animo id Prætor tolerans Ossonius æquo:
 Nam ratus indignum populos, qui gentibus olim
 Omnibus & leges, moresque & jura dedissent,
 Terraque, & pelago vastari a Thrace superbo,
 Barbaricos statuit Regis perfringere fastus
 Othomani; & ternis tantum, non amplius, alnis
 Turritis omnem Turcarum evertere classem,
 Octoginta super puppes ad bella trahentem.
 Tres igitur naves armari ad prælia jussit
 Delecta de pube, Ducemque imponit & illis
 Egregium, cui multa animi solertia, & acre
 Ingenium, & varii experientia plurima Martis.
 Mox jubet Ægæum cursu contendere in æquor,
 Barbaricam & classem perquirere: & ilicet illam
 Elicere ad pugnam, explosisque laceessere ahenis.
 Non secus ac jussum, placidæ cùm sibilus auræ
 Incepit pelago crebrescere, litore ab udo

Parantur ab Ossonio
 Siciliæ Prætoris tres, non
 amplius, naves, ut octo-
 ginta Turcarum Trire-
 mes, quæ Italiæ, Siciliæ-
 que oras vastare consue-
 verant, à suis arceant.

Ad Cretam classis pri-
mum spectata.

Dux solvit; pontoque volans decurrit aperto.
Jamque renascentis cœlo nova cornua Lunæ
Spectari nautis cœptarant æquore ab alto,
Cum procul ex undis Minoia surgere regna
Conspecta ingenti juvenum clamore frementum
Lætitiæ, & Scythicas poscentum ad prælia puppes,
Tum Prætor summo mali de vertice circum
Cuncta inspectari freta lata, sinusque propinquos
Præcipit, Odrysiæ si puppes fortè venirent
Obviæ, & optatam vellent committere pugnam.
Nam fore venturas rumor vulgaverat, & jam
Ægæo egressas Mirtoa per æquora cursum
Tendere, uti sociam Rhodio de litore classem
Acciperent venientem, inque unum viribus auctis,
Pro more Italiam peterent, Triquetramque propinquam.
Tertia ubi cœlo radiis Aurora coruscis
Illuxit, legerentque rates regna ultima Cretæ,
Barbaricam mali clamat de vertice custos
Barbaricam clamat classem, numerumque recensens,
Ostoginta rates prælonga cuspide remis
Approperant, velisque, levis quæ sibilus Euri
Implet agens. Omnem tali sermone juventam
Imperat armari Prætor: navesque trigoni
Explicat in formam. Lembò mox ipse per omnes
Invehitur socios: dictisque potentibus illos
Hortatur, calidasque accendit fortius iras.
Hæc est illa dies, hic campus, & illa palestra
Ex qua palmarum fascis non unus, & una
Non vobis, socii, carpenda est fortibus armis
Exoptata diu laurus; victricia vestra
Tempora qua niteant, meritisque in sæcula nomen
Laudibus immittat. Tandem populator Eoi
Sentiet Othomanus ternis se navibus ipso
Æquore in Ægæo, propriæque in sede petitur:
Atque suas vires, sua robora, plurima quamvis,
Tristi ignominia vestris perfracta lacertis.
Desinet & nostras victus prædarier oras.
Ergo agite, & patrias uno hoc certamine palmas,
Et simul egregios, socii, cumulate triumphos.

Prætor ad pugnam suos
hortatur, inque trigoni
formam naves disponit.

Hæc ubi, raucifono pugnae dat murmure signum:
Interea, ut primum puppes videre Latinas
Odrysi, risere hominum temeraria corda:
Nec dignum duxere rates contendere contra
Tam paucas numero; grandi ceu corpore Taurus,
Viribus & magnis contemnit fauce molossum

Latrantem quamvis, nec cornua iactat in hostem.

Mox ira accensi, quodd se contemniet illis

Aspicerent, aciem sinuant, ceu fronte recurvâ

Incipit ut Phœbe primâ splendescere luce.

Vocibus hinc magnis, & Barbarico ululatu

Remigio adnisi valido, ventoque feruntur

Pugna committitur:
ac continuo tormento-
rum ictu Othomanicæ
Tetremes percussæ sati-
sunt.

Turritos contra Gaulos, atque ilicet omnia

Explodunt tormenta, & terrifico reboatu

Mille pilas pyrio succensas pulvere torquent.

Plurimæ at incassum medias cecidere per undas,

Nulla Gaulorum discrimine: mox ubi quernis

Turribus accessere, ipsumque fuere sub ictum,

Protinus alatæ, bombo resonante, carinæ

Admovère cavis restimque, ignemque metallis:

Confestim tenues volat horrida grando per auras,

Turbine flammaram denso, fumoque nigrante.

Quassantur puppes, quassantur robora querna

Fulminibus, malique, & turrigeræ antennæ:

Perque foros, per scamna viri sternuntur, & arma:

Mars metit Odrysios; flavas ceu messor aristas.

Cumque in naves con-
scendere conantur Turcæ
ingentem cladem acci-
piunt.

Purpureo tabulata fluunt perfusa cruore:

Divulsisque jacent lacerata cadavera membris.

Turcicus at Rector frendens, iræque, furorèque

Immensam juvenum stragem, cædemque suorum

Dum videt à paucis illatam navibus, omnes

Octoginta jubet rostratas ire sub arcem

Romani Prætoris, & ardua scandere pubem

Mœnia, & indigno de sanguine sumere pœnas.

Ardua res factu; pubes Romana retortis

Missilibus, velut imbre sonoræ grandinis, arcem

Tutatur, magnisque animis in verticibus stat.

Parte alia focæ naves vibrare metallis

E' calidis glandes, vegrandia pondera in hostes

Non cessant, quassantque latus magno impete utrumque.

Fulminibus tantis percussis, & cæde virorum

Decedunt mœsti Thraces: mox impete facto,

Atque ignominia irritati, & voce magistri

Aggrediuntur: & ense iterum, rigidaque bipenni

Conantur supra conscendere, vique potiri

Arce Latinorum, & muris præfigere Lunas.

At frustra: infracti quando sub culmine stabant

Robusti juvenes sclopis, ferroque minantes,

Vulneraque, cædemque, & acerbæ funera mortis?

Hi cæsi multis occumbunt ictibus: illi

Percussis cedunt: hi summo è vertice spondæ

Præcípites acti medias labuntur in undas.
 Fit strages horrenda: fremit tot funera cernens
 Othomanus ductor: nec quicquam proficit alta
 Voce suos hortans: minitansque, necemque, crucemque,
 Ni vincant, ignominiamque cruore vel ipso
 Detergant. Uno hoc certamine fama Tyranni
 Hactenus invicti posita est, & gloria Regni,
 Dentibus effatur frendens. Sed Phœbus ad Indos
 Jam fessos vertebat equos: finemque diurnæ
 Imposuit pugnæ, luctumque, umbramque relinquens
 Odrysiis. Nostri quando lucentibus alta
 Tergeminis de puppe pharis vicere tenebras
 Accensisque diem facibus fecere sub umbris:
 Atque omnem festo duxerunt murmure noctem.

At postquam exurgens lucemque, diemque reduxit
 Purpureus Titan, animi rediere Magistro
 Thracibus hortante, & laudes, & præmia regis
 Promittente, manu forti si tollere vellent
 Acceptum dedecus, priscamque acquirere famam.
 Attamen haud melior pugna Fortuna secundæ
 Affulsit; pulsi, victique redire coacti,
 Pluribus occisis, & navibus æquore partim
 Submersis, partim Vulcano ardente crematis.
 Tertia sed radiis surgens Aurora coruscis
 Emicuit, rursus Thraces terrore Tyranni
 Instimulante, animo laturo indignè suorum
 Turpem ignominiam, & tot damna illata Latinis;
 Instaurare iterum pugnam, sortemque sinistram
 Tentare, aversum si fors mutata reducat
 Othomanis vultum, faveatque audacibus ausis;
 Nituntur magnis animis, & murmure festo
 Impellunt aciem remis, hostique propinquant.
 Sed frustra sortem petimus, Martemque benignum
 Obstant cum Fata, & virtus plurima in hoste:
 Er viget ars, & caussa favet certaminis æqua.
 Indecores igitur magna cum cæde suorum
 Tertia post duri redierunt prælia Martis
 Othomanum ad Regem rabieque, iraque frementem;
 Quod classem ingentem ternæ, non amplius, Alni
 Christiadam ter devictam, fractamque fugasset.
 At nostris longo quoniam certamine glandes,
 Et pyrius pulvis defecerat, inque repostas
 Hellepontiaci maris oras fugerat hostis,
 Ipsi etiam leni Zephyro Poëana canentes
 Italiam redire; quibus subeuntibus alta

Die ad vesperam ver-
 gente, pugna dirimitur;
 multis rostratis amissis,
 & juventute plurima oc-
 cisa, recedunt ex acie
 Thraces: contra læti, ac
 victores persistunt in acie
 nostri accensis tota nocte
 Pharis.

Secuto mox die, Du-
 ctore instimulante, re-
 deunt ad pugnam Turcæ,
 sed non meliorem fortu-
 nam experti sunt.

Cum tandem tertio
 etiam die infelicitè pu-
 gnassent, Hellepontum
 magna ignominia tristes
 repetierunt.

At nostri ingenti victo-
 ria læti in Italiam eue-
 sum repetierunt, magnis
 laudibus Messanæ acce-
 pti.

Saturni nitidis monumenta incincta theatris,
 Omnis in occursum veniens excita juvenus
 Ad famam palmæ venientem præpete penna,
 Egregias cecinit festivo murmure laudes.
 Nimirum tanti valet ars, animique feroces.

Quæ industria Ducia-
 hibenda, cum ingens tem-
 pestas ingruit.

Grande periculum clas-
 sibz à tempestatibus.

Idcirco summa soler-
 tia cavendæ.

Ut exercitus agitis effu-
 sus certæ cladis expolitus
 sic classis vadis spumosis
 dispersa.

Perge, illud pariter dicendum carmine nostro,
 Quæ sit habenda tibi, Prætor, solertia, cum se
 Ingens Æoliis tempestas fuderit antris,
 Et sævit sine more, vadoque assurgit ab imo
 Nereus, immensique feruntur ad æthera fluctus.
 Quandoquidem damnosa lues non ulla carinis
 Velivolis magis est; surgens quam gurgite turbo
 Improvisus agens secum ventosque, procellasque,
 Illicet & pelagus discindens æquore toto.
 Elati fluctus, & crebra volumina, & ipsa
 Horrida Oceani facies, faciesque tonantis
 Cœli fulminibus discissa, & fulgure spisso:
 Effusique imbres, & nigris atra tenebris
 Desuper incumbens ponto nox undique, & horror
 Magnanimos terrent animos, viresque refringunt.
 Atque ipsam superant artem: Nec fortior ullus,
 Qui valeat pelago, aut se irato opponere cœlo.
 Et licet attollant magno se corpore Gauli,
 Mœnia sint triplici, duroque è robore quercus
 Compacta, & ferro spissè internexa tenaci;
 Attamen haud poterunt Nerei vim ferre furentis,
 Turbinibusque, Notisque, altèque frementibus Austris:
 Immensis & aquarum montibus oblectari.
 Quæ sic, Dux, habeant cum se, vada surgere primum,
 Utque mari ingentem aspicias, terrisque parari
 Tempestatem atram, sensimque attollier undas,
 Ventorum & luctas variorum, & prælia dura,
 Continud, mora nulla, ferunt quæ flamina cursum
 Dirige, vicinos & portus navibus intra:
 Sive sinus pete securos sub valle reducta.
 Nam si turbato pergas insistere ponto,
 Imperiumque tenere maris, confusus & arti,
 Atque animo tibi, Dux, certam, classique ruinam
 Expecta: pœnamque lues damnabilis ausi.
 Tempestate vadis quoniam sine more furenti,
 Hæc, illac facile in diversa ruentibus Austris,
 Undarum & crebro distractis navibus ictu,
 Omnis per campos spargetur classis aquosos.
 Ac velut effusus latis exercitus agris
 Et certam expectat cladem, extremamque ruinam:

Sic

Sic classis divulgata, ferat si se obuius hostis.

Cum venti cadet ira, tumens & gurgitis unda,

Illicet amissa, in prædam concedet & hosti.

Præterea naves, cum vento, & fluctibus altis

Luçantur, capiunt majora incommoda, quam cum

Vulcanum contra pugnant, Martemque furentem.

Hinc postquam pelago tempestas atra resedit,

Et fluctus posuere minas, miseranda per altum

Apparet facies laceratæ classis: & undas

Per medias fluitant tabulata revulsa, trabesque

Diffractæ, malique, & cornigeræ antennæ.

Quin etiam incursus sunt tempestate timendi,

Sæpe Notis, undisque agitata in gurgite Pinus

In latera incursant per mutua, seque flagellant.

Disruptæque vadum accipiunt, pereuntque sub undis.

Quod si longinquo distent discrimine portus,

Navibus & nullum se pandat valle reducta

Perfugium, sed aperta, Notoque obnoxia flanti

Litora sint, duris vel promontoria saxis

Tantum objecta, vadis longè plangentia canis;

Tum, Prætor, caveas infida ad litora classem

Vertere, nec gravibus quamvis, & fortibus uncis

Credere te: sed lata petes freta, turgida quamquam,

Et quamquam validis agitata à gurgite ventis.

Præstat enim tibi luctari turgentibus undis

Adversisque auris: animisque assurgere, & arte,

Quàm cladem certam accipere, & cumularier ipso

Litore sub turpi, atque ignavo funere mortis.

Nam quis, facundo quamvis sit carmine, Vates

Compressæ classis sub litora, cum tonat alto

Juppiter, & rabidi discindunt aera venti,

Neptunusque fremens refluentibus æstuat undis,

Explicit horrendam faciem: spumantibus actæ

Fluctibus & socias vi propelluntur in alnos:

In latus incursant aliæ, incursumque vicissim

Diffringuntur: aquis via fit, pontusque recurrens

Interiora petit, simul & superantibus undis,

Submersæ fundo pereunt, miserabile visu,

Hæ naves: aliæ, quarum discrimina lata,

Incursum vitant, ipsisque à fronte petuntur

Montibus undarum, vique attolluntur in altum;

Horrendum! cæli credas petere astra, relabique:

Hinc ubi præterit curvam vasta unda carinam,

Æquoris in fundum, & Manes se vertere ad imos.

Interea tantum diffunditur intus aquarum,

Major classibus à tem-
pestate, quàm à pugna
plerumq; clades, ac ruina.

Sæviente procella, mu-
tui incursus sæpè stragem
creant.

Præstat altum petere,
quàm undosa ad litora
classem applicare.

Classis sub tempestate
in anchoris stantis peri-
culum, statusque descri-
bitur.

Ut

32 NAUMACHICORUM

Ut merfas periisse putes, & chara tuorum
 Conclamata fleas miserando corpora planctu,
 Sed quid aperta per, atque undantia littora classem
 Tristibus & lacrymis, mœsto spectamus & ore?
 Namque ipso in portu, sine more ardente procella;
 Ac toto ex imo submoto gurgite Nereo,
 Naufragium horrendum, atque amissas turbine naves
 Hisce oculis ipsi spectavimus, horrida cùm nox
 Intulit horrificas Euro bacchante procellas,
 Extemplò fremuère vada, excelsique sub auras
 Extulerunt fluctus spumosa cacumina, & ipsam
 Desuper in (1) Molem effusi, pilisque revulsis:
 Viêtrices, rupto velut aggere, protinus omnem
 Invadunt portum, ruptisque rudentibus alnos
 Partim incursantes rapido, vi fluminis, ictu
 Diffringunt, partim vicina ad litora torquent,
 Allidunt petris, cumulisque tumentis arenæ.
 Undique contestum trabibus, tabulisque revulsis
 Apparet mare confestim; fluitantque per undas
 Armamenta, rates, & quidquid forte vehebant,
 Et Bacchi, Cererisque, & pingua dona Minervæ;
 Et merces aliæ ponto data præda furenti.
 At magis horrendum, & visu miserabile, fluctus
 Per medios spectare homines sub funere acerbo
 Partim submersos, partimque ad litora nantes
 Semianimes, partim laceratos corpore toto:
 Partim truncatos non uno vulnere membra.
 Qui gemitus morientum, & luctifici ululatus:
 Quæ voces miserùm, lamentaque dura petentum
 Auxilium, dextrasque pias! sed turba tonantis
 Horrendum cœli facies, & stridor aquarum
 Ventorumque fragor, bacchantis & ira ptocellæ
 Auxilium deferre negant. Proh tristia semper
 Fata hominum, & casu semper pendentia ab uno!
 Altera, dira, ferax annalibus addita nostris,
 Quos tibi, CARAFIDE, nuper conscripsimus, & jam
 Auspicio, ductuque tuo vulgantur in omnem
 Europam: meritoque tuo se nomine jactant,
 Tempestas, motusque soli nutantis, avito
 Fœmina dum primùm folio Regina federet.
 Sed quid prisca juvat rursus memorata referre;

Plotimarum navium
 Neapolitano in portu mi-
 serabile naufragium de-
 scribitur.

Altera sub Joannæ I.
 tempestas stricim attingit,
 quæ pluribus de-
 scripta Historiæ tom. 2.
 p. 93.

Rur-

(1) *Il Molo di Napoli.* (2) Carolus Carafa Madalunensium
 Dux, cui Vates Neapolitanam Historiam dedicavit.

Rurfus & immenſi cauſas renovare doloris.
 Nec vacat arrepto multum divertere clivo,
 Cùm via longa, brevis ſuperest ſed vita, diesque
 Ultima deciduis jam canis imminet, & jam
 Tendimus Elyſium, & felicia rura piorum.

Sed quòd compellant horrentia murmura vatem?
 Scilicet Autumni primis qui menſibus ortus,
 Fluctibus occiduis cùm Sol immergere curſu
 Deſſos properaret equos, de cardine eodem
 Horrificis ingens turbo percrebruit alis.
 Continud horribili tonitru, immenſoque fragore
 Obſcuris latè tenebris obducta ſereni
 Eſt cœli facies, trifidique è nubibus ignes
 Excuſſi cecidèrè; ſimulque accenſus & omnis
 Aër fulguribus, pluviisque undantibus amnes
 Corripuèrè agros effuſi, atque herbida rura.
 Mox violenta ruens Lybique, Auſtrique procella
 Undique oliviferas deiecit culmine ſylvas,
 Et Surrentinos colles, (1) Æquanaque Vici
 Nudavit juga, frondiferumque excuſſit honorem.
 Everſura domos, ipſasque a culmine villas,
 Duraffet ſolidam ſi turbinis ira per horam.
 Verùm durat adhuc facies miſeranda ruinæ.
 Everſæ ſylvæ radicibus: undique rami
 Cæſarie apparent nudi, vaſtataque rura:
 Dejecta annorum ſpes plurima, & omnia luſtu
 Plena colonorum, dominumque ſonantia ſietu.
 At juſſum properemus opus: Si fortè neceſſe
 Sit pelagi campos, & turgida claſſe tenere
 Æquora, & imbriferos contra luſtarier Auſtros,
 Velivolæ pinus in tres partire (2) columnas
 Et ſpatioſa inter fac intervalla carinas
 Sint media: at verſus eadem discrimina ſervent;
 Sic etenim haud facilè per turgida, cœrula puppes
 In diverſa ruent, diſtractæ gurgite vaſto:
 Nec ſeſe lædent incurſibus: arduus aut mons
 Undarum incumbens, Lybique horrenda procella
 In latus impellet feſſas luſtamine puppes.
 At ſi lata maris fuerint ſulcanda furentis
 Æquora, tum præſtat campo decurrere aperto,

E

Quem-

Horredus turbo, qui Au-
 tumno anni MDCCXIII.
 Surrentinos colles va-
 ſtauit, deſcribitur.

Quid præſtiti agendum,
 cùm opus, vel in tempe-
 ſtate, tueri maris impe-
 rium, campoque perſi-
 ſtere.

(1) *Le montagne di Vico*, quorum altior Læſtarius mons,
 incolis *Faito*.

(2) Sic Galli, Italique rectos navium ordines vocant.

Quemque tibi dederit cursum Fortuna tenere.
 Ergo à supremo demissis abiete velis,
 Inferiora Notis tantum da stantibus, alni
 Nam sic velivolæ librato pondere molis,
 In latus undoso incurstantes ariete fluctus
 Firmius insistent contra, perque ocyds undas
 Diffugient, rapidæ quò tandem sæva procellæ
 Ira cadat, meliorque tibi Fortuna nitefcet.
 Nam secus immensi fluctus sine lege ruentes
 In transversa ferent puppes, malosque refringent.
 At si non tantum pateat, maris æquor arandum.
 Tum medium, majusque Notis da tendere velum.
 Nam sic acta minus ventis urgentibus alnus
 Lassefcet, nullo quàm si volet æquore velo.
 Atque hic te, Prætor, moneo: ne dicta Magistri
 Contemnas re tanta, illorum aut immemor unquam:
 Namque aliter facies sub tempestate furente
 Naufragium, data præda tuis simul hostibus ipsæ,
 Si quæ turbato servantur gurgite, puppes.
 Te te, inquam, moneo, tumidis ne fluctibus unquam
 Iratisque velis audax contendere ventis.
 Quippe furor validas classes, quæ vertitur unis
 Imperii spes omnis, & omne decusque, salusque,
 Quæque fame ingenti populorum, auroque paratæ,
 Insano Nereo, & ludibria tradere ventis.
 Aspice, namque oculis refert præponere casus,
 Quos doctus vites, miserandaque Fata priorum,
 Ut numerosa Tagi spatioso è flumine classis
 Egreditur, Zephyrisque volat felicibus: illam
 Divitiæ ingentes populorum, & Regna Philippi
 Constarunt duodena super, simul Indus uterque
 Argenti vim magnam, vim magnam intulit auri
 Infecti, factique: vixit tot millia tanto
 Sudarunt operi, atque insumptus plurimus annus.
 Obstupuit Nereus innantes gurgite turres
 Aspiciens: Cælum num tantis viribus, inquit,
 His petitur? Tellus etenim molimine tanto
 Non sat digna: tamen populi, gentesque timete;
 Perniciem in vestram Magri si Regis Iberi
 Tot formidandæ vires, totque arma parantur.
 Et jam vicini pariter, pariterque remoti
 Perculsi Reges animis, quas tantus in oras
 Vertisset sese turbo. primique rebelles
 Et meritò Batavi, jamque ultima Fata timebant:
 Nec vacua ipsa metu tum Gallia: plurima belli

Sanius tamen confi-
 lium tutos in sinu clas-
 sem deducere.

Philippi II. formidan-
 da classis describitur.

Ingens ex illa vicinis
 illatus timor.

Causa

Causa aderat, ruptum fœdus, dataque hostibus arma.

At reliquos supra dira Elisabetha timebat.

Monstrum horrendum, eadem vir, fœmina, nobile scortum

Et Virgo, & conjux: divina, humana Sacerdos,

Et regina, suis vertique, regique volebat

Sub manibus: Stygiis meritò damnata Chymœra.

Et poterat tantis armorum viribus alta

Exturbari sede, simulque tyrannica tolli

Imperia, & Fidei revocari ad jura Britanni;

Criminibus magnis populorum, Numina lesa

Ni contra obstiterint. Neque enim tunc Anglia digna

Visa Deo: lacrymis necdum scelera alta parat.

Sed gentis pro more, diu cunctante Magistro,

Seriùs Oceani ad fines venère Britanni

Velivolæ turres centum, centumque carinæ,

Et tormentorum numero, rostrisque timendæ:

Nam tempestates Autumni tempore primo

Exortæ, rapidique egressi è carcere venti,

Vique fretum super effusi, rabieque, furoreque

Ilicet horrendos egère ad sidera fluctus.

Æther turbinibus, nigrescit æquora ventis

Discissa, & cani montes volvuntur aquarum.

Quis verò Austriacæ classis queat ore referre

Luctificam visu faciem, miserandaque fata?

Et tristes gemitus, lacrymasque tenere fluentes

Torrentis de more? videns tot gurgite Gaulos

Terribiles nuper, cœlo cervicè minantes,

Et tot rostratas, auroque, armisque nitentes

Fluctibus insanis jactari, & turbine cœco.

Totque Duces, illustria nomina, totque Magistros

Militiæ claros: juvenesque ad prælia lectos

Imperio è toto, miseranda sorte perirè:

Ceu plebem ignavam, nullo certamine, & armis

Depositis, ventis prædam, & turgentibus undis.

Ipsi Tritones, insanaque Numina ponti,

Glaucusque, Phorcusque, & nudus membra Palæmon

Indignas flevère neces: flevère profundis

Mœstæ Nereides, gemitusque dedère sub antris.


Ergo quibus classes ductandi cura, cavete

Intempestivo cœli sub sidere, & anni

Infido dare vela mari, & fallacibus Austris.

Maximè Elisabetha:
in cujus perniciem im-
mittebatur.

Tantæ classis misera-
bile ex Ducis cunctatio-
ne naufragium graphicè
depingitur.





NAUMACHICORUM

LIBER TERTIUS.

INSTRUCTA sed classe vadis spumantibus, acrem
 Stat tandem pugnam committere: Nereus & jam
 Visurus vitreis surgit spectacula ab antris:
 Et circumfusi Tritones cornibus adstant
 Raucifonis, magnoque accendunt prælia cantu.
 At quia prætentus contra stat viribus acer
 Barbarus, & centum trahit in certamina tures
 Velivolas, totidemque armatas cuspidè longa;
 Idcirco præstat socios accire potentes
 In dubios rerum eventus, & prælia dura.
 Vos ego Magnanimi Heroes, devotaque Marti
 Pectora, laurigeris genus immortale triumphis:
 Vos qui prædones Orientis, & æquoris Afri,
 Et maris Ægæi toties fregistis, & ipsos
 Infames Arabes Lybiæ in deserta fugastis.
 Vos arx Italiæ, vos propugnacula Romæ,
 Inclyta Gens, servata quibus præclara dederunt
 Nomina, magnificis palmarum ornata trophæis
 Arva Palæstinæ, Solimeque, Ægyptus, Idume,
 Et Rhodus, & Gaulos, Meliteque, & maxima Cypros.
 Vos ego, vos socios posco. Vos ò mihi vestra
 Pugnanti auxilium victrici classe benigni
 Ferte Duces: liceat vestra virtute mereri
 Egregiam victo palmam de Thrace, sacroque
 Exuvias cæsi Regis præfigere templo.
 Non insueta peto; quando victricibus armis
 In pia bella Scythen contra properare soletis,
 Sensit & ille suas toties certamine vires

*Hierosolymitani Equi-
 tes socii ad pugnam ac-
 cerferentur: Eorumque vir-
 tus com mendarur.*

Vir-

Virtute edomitas vestra, seu puppibus oram
 Phœnicis, seu regna Cypri vastaret opima.
 Seu Gauli, Melitæque altis invaderet arces,
 Latè & velivolis tegeter freta mille carinis.
 Eque decem ferus aggeribus bis mille tonaret,
 Tormentisque, pilisque, & lethiferis (1) Opiuchis.
 Sive recepturus Tripolim, Maurusia classe
 Littora tentaret validà, valloque profundo
 Syrtibus in mediis (2) Meningis cingeret arcem.
 Quare agite Heroum genus, & victricibus armis
 Auxilium celerate, precor, magnosque fovete
 Conatus: fortesque feros irrumpite in hostes.
 Tuque vel in primis venies ad clara potenti
 Bella manu, (3) COLLALTE, tua nam cuspide sæpe
 Percussi cecidère Arabes, Tracesque, Scythæque;
 Hinc te dixerunt (3) Polenicen nomine gentes.
 Namque triumphalem vestra virtute relatam
 Victor ubi palmam merui, pelagoque remenso,
 Victrices tandem convertam ad Patria puppes
 Littora, complexu quâ Siren jungit amico
 Sese Pausilypo, & felices ducit ad umbras
 Otia, Nereidum cœtu sociata beato.
 Vati ubi materni sub aprico colle virescunt,
 Et placidè Zephyris perflantur mollibus horti.
 (Si mihi tam longum concedat Juppiter ævum,
 Mitiior atque lues finet, & præpostera cura)
 Prælia vestra canam victricia, vestraque totum
 Mœonio nitar cantu portare per Orbem
 Clara trophæa, Duces, laudesque efferre sub astra.
 Quin etiam memor accepti monumenta favoris,
 Æquoreos statuam ludos, quos tota quotannis
 Pausilypi ad litus celebrabit Olympica pubes:
 Qui pugnæ simulacra gerant, quique inclyta facta
 Laudibus egregiis venturâ in sæcula portent.
 Nunc agite, & quoniam campo jam classis aquoso
 Explicuit sese, splendetque sub ære juvenus,
 Atque tubæ, & tormenta tonant Vulcania, pugnam
 Incipiamus; adest ventus, Numenque secundum,

Ergo

(1) *Colobrine* Italici audiunt.

(2) *Isola delli Gerbi*, quæ ponte ligneo cum Africæ continenti Tripolitano in Regno jungitur.

(3), (3) *Vinciguerra*, è Collalti Comitibus Eques Hierosolymitanus, de quo redibit sermo.

Modus ineundi certa-
minis exponitur.

Ergo ubi jam tempus certamen inire, sub ipsa
Quæ stant fronte rates instructæ, & prælia prima
Sorte quibus tentare datum, mora nulla, secundis
Præcipe tum ventis, Prætor, contendere in hostes.
Mox ubi, torta fugit quantum pila ferrea, pinus
Distabunt turrîtæ æqualibus intervallis,
Continuò latus obvertant, & ahenea turres
Hostiles contra explodant tormenta, favillis
Excussis de reste, facem quæ combibit ante.
Interea celeres tormenta explosa ministri
Sulphureque, nitroque onerent: rursusque reducant
Æra fenestellis, quâ machina mugit in hostes.
Mox ictum rectâ librent, ut certa metallis
E raucis vibrata rates pila verberet imas:
Inque imas semper ferrum torquete carinas.
Nam sic multiplici disruptæ vulnere, multum
Accipient inimicum æquor, plagisque fatiscunt.
Quò tandem laxis percant compagibus, aut se;
Ne mergantur aquis, dedant victoribus ultro.

Ars evertendi malos,
pilis invicem nexis à
tormento explosis.

Quorundam inventum est virgis palmaribus ære
E solido, circoque simul versatile nexis,
Aut geminis onerare pilis, quas circulus unâ
Vinciat æratus tormenta, & pulvere multo.
Directumque ictum malos convertere in ipsos,
Sic bifida horrendo mox fulmina missa boatu,
Certius ipsa petent canentia vela, rudentesque
Et malos, corbesque, & turrigeras antennas.
Sic etenim velis, quibus Euro afflante ferebat
Sese per fluctus turrîtæ mole carina,
Exarmata freto in medio torpebit uti ales,
Cui celeres ictu pennas venator ademit:
Ut cervi, cui crura leves fregere sagittæ.
Quam sic nudatam, nec circumferre valentem
Per medios sese fluctus, & cœrula ponti,
E latere invades actutum, & victor habebis.

Sic malis, atque arma-
mentis exarmata navis,
velut avis sine pennis,
nullo negotio capietur.

Naves in pugna vul-
neratæ farciendæ.

Ex qua industria.

Non ea sed te prætereat, Dux, cura carinas
Ære tuas valido pulsas sarcire: patefunt
Namque etiam forti, atque inimicis ictibus illæ.
Ne dum tota hosti conniteris arte nocere,
Te tùm despicias ipsum, sociosque tueri.
Fac ergo assidui diffractos verberare truncos
Adnexo juvenes componant robore, lamnis
Seu radio affixis obducant vulnera puppis:
Et pice suffusa liniant, cerâve tenaci,
Materies quæ multa tibi sit semper ad usus.

Perge

Perge, calet medio Mars gurgite; plurima pubes
 Si tibi sit, Consul, confestim invadere pinus
 Hostiles conare, ipsis & cominus armis
 Rem brevibus perage, & concessas exere vires.
 Luctator veluti, cui fortes corpore nervi,
 Articuliq; vigent duri, se protinus hosti
 Obiicit, & jactis circumdat membra lacertis.
 At si pube viget contra adversarius, alnos
 Tunc, Dux, tormentis inimicas longis arce
 Continuo explosis, Vestaque ardente domato.
 Ceu robustus ubi mediis è saltibus exit
 In certamen aper, validi cui robore dentes,
 Et vires multæ in membris, & fervida flagrat
 Ira: canes circum quem decertare parati
 Præcingunt validi, non cominus impete cæco
 (Namque etiam ingenium brutis animantibus, usi
 Quo valeant nutrire suam, & defendere vitam)
 Hi monstrum contra irrumpunt, sed prælia longè
 Exercent, magnisque prius latratibus urgent.
 Hæc, illacque agiles replicatis saltibus illum
 Arcent solliciti, cursuque frequente fatigant:
 Quod tandem multo lassus luctamine sese
 Demittat: rapido tum saltu cominus illi
 Illicet aggrediuntur, hianti & gutture cædunt,
 Discerpuntque feri rabie, domitantque, necantque.
 Viribus at totis, Prætor, conabere (1) Cori
 Ne concessa tibi felicia dona sagaces
 Præcipiant hostes: nam sic spiramine læto
 Descendent contra subiti, cædemque reponent.
 Quin immo de puppe tibi cum sibilat aura
 Præsentis Zephyrus, viresque, animosque ministrat,
 Utere sorte data, mediosque immitte per hostes
 Flammivomas puppes, quæ dura incendia classi
 Adversæ portent, nimboque, ignique tonanti
 Illicet involvant, flammisque voracibus urant.
 At tibi ne incassum recidat conatus, aquosus
 Per Nerei campos illarum dirige proras;
 Ut recto cursu, certoque ferantur in hostem
 Tempore: sic certa flammis ardentibus hora,
 Directoque alni venientes tramite quibunt
 Incurfare rates, latèque involvere nimbo
 Sulphuris horridici, subitaque absumere flamma.

Si pubes plurima, fla-
 tim inimicæ naves in-
 vadendæ.

Si secus eminens tor-
 mentis res peragenda.

Curandum, ne in-
 ter dimicandum ventum
 præcipiant.

Incendiariz, cum ven-
 tus faver, in hostes im-
 mittendæ.

Quod ut feliciter ce-
 dat, recta, & certo tem-
 pore dirigendæ.

Ut verò è sententia res
 successerit, urgendum
 est prælium.

Ergo

(1) Togliere al nemico il vantaggio del vento.

Cam fugiunt hostes,
geminis cornibus fuga
intercludenda,

Si qua navis amissis
velis, & reliquis distra-
cta, illicet invadenda.

Qua arte in illam ir-
rumpendum, Et eminus
primum.

Mox cominus distra-
cto ense bipenne.

Ergo age, prævalida si Cori Mulciber aura
Irritatus agit magnis incendia flabris,
Classẽ inimicam inter, tu Prætor, protinus acrem
Pugnam urge, & totam tormentis dislice ahenis.
Quæ turpem si fortè fugam meditetur; iniquo
Nimirum vento, Vulcano, & Marte laborans,
Præcipe tum dextram pinus, lævamque tenentes
Hostem in cedentem plenis descendere velis,
Atque fugam vasto maris intercludere campo.
Attamen id faciant, servatis versibus, alto
Ordine ne rupto spargantur gurgite, & unà
Amittant de puppe Noti spirantis amicum
Arbitrium: quo tota uno victoria pendet.
Nam sic ille citò conversis acer habenis
Circuitu longo poterit tibi commoda venti
Præripere, atque iterum pugnam instaurare labantem:
Jam victis quæ sæpe dedit solertia palmam.

Verùm si medio in cursu comprehenderit alnum,
Quæ pelago se pigra ferat, torpentibus alis,
Ictibus acceptis, confestim fortiter illam
Aggredere: umbrosis veluti cum saltibus aprum
Fortis habet multo venator vulnere tardum.
Et velut hic unco, fugiat ne fortè, refixo,
Robustus tenet; interdum nam viribus ille
Collectis visu se subtrahit: ipse morantem
Non aliter puppim, coniecto protinus unco,
Hostilem comprende, illamque rudente revinci.
Post ubi vineta, labor superest, confictus & ingens:
Scilicet objecti lateris perrumpere septa,
Fraxineos muros superare, & scandere in arcem
Æquorcam, ut niteas navali tempora ferto.
In primis igitur (1) lorica navis ab alta,
Ut defensores nece multa expellere possis,
Ignea mala tuos confestim mittere in hostes
Præcipe Dux: plumbique simul fac missilis imber
Destuat assiduè canna brevior retortus;
Nudatus donec pateat tibi pineus agger.

At turris si septa ferox lateralibus miles
Servet, & obniscus multo conamine pugnet.
Acrior invades stricto tum cominus ense,
Et rigida simul objectum diffringe bipenni
Fagineum latus: atque viam tibi sterne sub arcem.

At

(1) Bordo, o fianco della nave, Italica, aliisq; gentibus dicitur.

At verò ut primum turbatus cesserit hostis,
 Actutum infilias nudatam victor in alnum.
 Atque hic te, Dux, admoneo, ne fraude maligna
 Deceptus cassem fubeas: nam subdolus ille
 Interdum tabulata super flammantia spargit
 Sulphura: & incautus cum primum defilit intus
 Adversarius acer, acuto & detonat ense,
 Incendit, stragemque infert sine more tremendam:
 Idcirco juvat ante locum spectare: neque unquam
 In victam cœco prorumpas impete pinum.
 Quin etiam poteris prius ipse immittere restim
 Sulphuream, ut fraudem tibi detegat, inque dolosos
 Quæ cadat auctores, pœnamque resumat ab ipsis.
 Ast illud tibi majus erit persæpe timendum,
 Dux Romane, furens rabie ne barbarus atra,
 Nempe ignominias, & victi nomina ferre,
 Impatiens, pyriam coniecto fomite, (1) cellam
 Incendat, rituque fero, atque immanibus ausis
 Devoveat sese Diris, & vindicet igni.
 Hostis ne palma victor potiatur, iniqua
 Sorte perire juvat, flammisque ardere voluptas:
 Victorem, victumque pyra comburier una,
 Est aliqua, est etiam victoria. Tam fera mentes;
 O' pudor, humanas cepit dementia! tantum
 Pectora vindictæ stimulus mortalia torquet?
 Non hæc est mentis constantia, non generosi
 Vis animi, rerum discrimina nulla timentis,
 Quæ Fortuna ferat contraria, quæ varians Mars.
 Verum est imbellis, forti qui pectore sese
 Vincere, in adversum nequit & consurgere Fatum:
 Quippe inimica premit cum sors, casusque finistri,
 Haud equidem vitam misero contemnere multum est.
 Ast animi virtus fortissima, robur aheni
 Pectoris, arbitrium fortis perferre, neque unquam
 Adversis vinci Fatis: generosus & ille est,
 Qui valet esse miser, sævamque evincere fortem.
 Sed quid de tali virtutem pectore quæro?
 Cui non humani sensus, cui nulla feroci
 Est pietas innata animo: riget aspera tantum
 Barbaries, & bruta rigent rabiesque, furorque.
 Dicite crudeles gentes, quæ lacte ferino
 Pavit Hyperboreis vos mater sæva sub antris?

Cum verò victor it-
 superis, cavendum ab
 igne: ideoq; cautè agen-
 dum est.

Et si deprensus pyrius
 pulvis est, in illum sul-
 phurea immittenda re-
 stis est.

Majus periculum, &
 vix vitandum cum ho-
 stis cœcus rabie pyriam
 cellam incenderit.

In hujusmodi insanam
 rabiem acriter Vates in-
 vchitur.

F

An

(1) *Santa Barbara.*

An Pistris fuit illa? vel hac immanior Orca?
 An quæ subjectos vos despicit Urfa? maligni
 An rigor ille poli mores animo indidit atros?
 Anne fero commixta Erebo, & caligine cœca
 Vos æterna finu nox obsita fudit: & ipse
 Eumenides genitos vos susceperet sorores?
 Quæ mox anguineo lactantes ubere, tetrum,
 Immanemque animis instillavere furorem.
 Quo sensus crevere truces, & barbara corda;
 Digna parente Erebo, & Diris altricibus ipsis.
 Vulcano quibus est potius flammante cremari,
 Quàm sit victori fasces submittere, & æquo
 Ferre animo, Mavors, & fors quæcumque pararint;
 O precor, ò miseri Stygios dediscite mores;
 Quos non Hircanæ, quamvis feritate potentes,
 Non Lybicæ coluere feræ, non Diplades, & qui
 Æthiopum seposita tenent deserta dracones.
 Naturam vestram induite, & revocate relictam
 Formam hominis, revocate animos: communia vos ò
 Juraque Naturæ moveant, legesque Deorum.
 At vos Romulidæ, sacrum genus, indita magnis
 Pectoribus quibus est pietas, generosaque menti
 Virtus, Fata super quæ se, casusque sinistros
 Altius attollat, tales imitari unquam
 Non sit barbaricos mores insana cupido.
 Sed pietas Romana magis, legesque Deorum
 Evaleant. Quid plura moror? non talia fervens
 Mars finit ulteriùs producere. Post ubi victi
 Aggeribus retulere pedes ignaviter hostes,
 Irrumpe actutum, victæque potire carina.
 At si fortè hostis summâ se puppis in arce
 Muniit, & creber plumbatis perfurit: ipse
 Infartis lana saccis, tabulaque tuere
 Pectus ab imbre fero, cautèque accede sub arcem.
 Quique latus munit fac ut Falcunculus hostem
 Fulminet adversum, turrinque effringere certa.
 Interea ne qui prora stat miles in alta
 Hosticus explosa feriat te glande caveto.
 Illud at in primis animo vitare sagaci
 Nîtèris, ne miles ubi tuus insilit alnum
 In victam, vacuum tum defensore carinam
 Irrumpens citus adversarius occupet, & se
 Mox victor victæ jungat, servetque labantem;
 Idcirco alata sit semper plurimus arce
 Miles, ut insultus possit puffare ruentum.

Romanos horratur, ut
 ab immani more absti-
 neant.

Quid agendum, cum
 hostis in puppis castello
 se communiit.

Cavendum, ne in con-
 flictu vacua defensoribus
 propria navis relinqua-
 tur.

Idque

Idque mali sociæ pariter defendere pinus
 Tum poterunt; celeri si cursu ferre carinæ
 Præsentem nitantur opem. Sed protinus alter
 Jam labor ingreditur magis arduus. Est ubi pugna
 Rostratas inter naves: quia scilicet illæ
 Occurrere sibi solæ Tyrrhena per alta,
 Vel quia sub vastis conclusi rupibus Euri
 Veligeras nullis impellunt flatibus alnos.

Quid cum inter solas
 longas naves certamen
 est.

Ergo agite, ò Divæ, & quoniam nova prælia Vati
 Confurgunt dicenda, novas in carmine vires
 Sufficite, atque novum fessis date mentibus æstrum.
 Vos & Tritones, totas intendite conchas
 Afflatu, & calidos majori murmure in arma
 Irritate animos, acremque accendite pugnam.
 Ergo ubi Mars rauco signum dedit ære, Thetisque
 Immugit concussa sono, & perfervida remis
 Æstuat intercisa vadis spumantibus; & jam
 In luctam rostris occurrant obvia rostra:
 Nautica displodi jubeas tormenta, carinæ
 Adversæ quæ septa petant, scindatque tonitru
 Vi portentifera: celeri, mora nulla, volatu
 Appete mox rostro rostrum, & proprioribus armis,
 Castello ex alto prorse certamen inito.
 Hinc ubi connisus turri pulsaveris hostem,
 Infilii in adversam, cuneo densante, Triremem.
 At verò ut juvenes irrumpant tutius, ictus
 Lethales contra plumbi, munire trilici
 Lorica, galeaque gravi, parmaque memento.
 Quin etiam fac pila ferant, protrudere ut hostem
 Evaleant, hastasque breves, quæ spicula longa,
 Lataque sint præfixa, queant præcidere quicquid
 Obsistit contra, ascensumque moratur in arcem.
 Ollis idcirco pariter sit acuta securis
 In promptu, sit clava, & duro malleus ære.
 Ast in confertam quoniam descendere proram,
 Ardua res, multisque occurrit plena periclis,
 Quocirca juvenes quibus hæc data gloria, fortes
 Sint animis, agiles sint corpore; sintque periti
 Navali pugna, medias & nare per undas.

Primum tormenta ex-
 plodenda.

Mox rostra rostris pe-
 tenda: & incundum cer-
 tamen est.

Et quibus præscribitur,
 & ut præcauto opus sit.

Et quàm fortes sint
 juvenes, qui in prorem
 inimicæ puppis infiliunt.

Perge, moræ cæptis semper felicibus obsunt;
 Invertuntque vices. Primo Fortuna labori
 Cum favet, & Mavors se dat pugnantibus ultro;
 I, sequere: ut valido miles tenuit pede proram,
 Infiliiens victor, castello exturbet ab alto
 Hostem obluquantem, & capto se muniat illo;

Ubi feliciter prorem
 occupant, & castello
 hostem exturbant.

Aggere navali, confestim robore facto
 E duro, plenisque levi seu vellere cistis.
 Hinc auctus fociis ab amica puppe receptis;
 Irrumpat confertus, & ense, & fistula athena;
 Vique (1) foris potiatur, agens cædemque, necemque
 Hostibus adversum ferro pugnantibus, & se
 Continuo è mali septo tutantibus, ære
 Explosio, & ferro, & præacutis cuspide pilis.
 Aggere quo tandem, vi facta expellere totis
 Viribus adnissus conabere, & arce potiri;
 Quæ postrema manet puppi turrita sub alta.

Lembis armatis late-
 ra inimicæ navis oppu-
 gnanda,

Quæ muniri ad hoc
 malum propulsandum.
 Falcunculis solent.

At verò ut facile evaleas, nec sanguine multo
 Bellantum tibi rostratam submittere pinum,
 In latus armatas jubeas utrumque liburnas,
 Aut celeres lembos inimicæ irrumpere turris:
 Et crebro glandes torquere, ignesque nocentes.
 At te ne simili petat adversarius astu,
 Et vacuum caveas puppim transversa subintret.
 Nonnulli ut quirent hoc propulsare periculum,
 (2) Aspidibus spondas obfirmant navis: in illis
 Seu tormenta, quibus vulgò cognomina (3) Petræ;
 (Impete quas valido, longèque per aëra vibrant,)
 Fecere, hæc, illac sua per discrimina ponunt.
 His etenim explosis, astuta ut fervidus arte
 Invehitur, facile est hostem pulsare ruentem:
 Et si Sors dederit, venientem apprehendere pinum.

Quid, cum adverso
 Marte pugnatur, agen-
 dum Prætoris sit.

Ast hilaris prima si postquam fronte refulsit
 Inceptis Fortuna tuis, mutata repente,
 Averso refugit vultu, Mars & tonat atro
 Desuper incumbens nimbo, tum Prætor acerbo
 Confestim fato occurrere generosus: & acri
 Ingenio, fortique manu amolire ruinam.
 Ingenio nam sæpe, manique evincere Fata
 Concessum: præstantque animi, & prudentia forti.
 Ergo novis hostes fociis in septa receptis,
 Si dare terga tuos cogunt, proramque reverti;
 Auxilium tu mitte recens, delecta virorum
 Corpora, qui saltu jacent se præpete in alnum
 Succedantque citi pugnae, firmentque suorum
 Nutantes animos, & prælia versa feroces
 Restituant. Quos interea tu fervidus ore
 Accendes dictis, laudemque, & præmia ponens

Recens subsidium im-
 mittendū, ac recedentes
 firmandi sunt,

Ante

(1) La Corfa. (2) Falconetti. (3) Pretere.

Ante oculos: & ni vincant mortemque, probrumque:

Quippe valent extrema animum irritare calentem.

Sed neque si in capta valeant statione tenere

Se, deluctantem nec pellere fortiter hostem,

Præcipe, ut in propriam sese æquis passibus arcem,

Cedendum, Fortuna negat quando invida laurum,

Deducant. Verùm multa hic solertia habenda est;

Ut pubem tuto possis servare recessu.

Castello è proræ redeuntis terga juventæ

Urgentes crebra globulorum grandine longè

Arceto, & jactis iteratis pulsibus, ollis.

Sint & qui socios, saltu sua rostra petentes,

Suscipiant, scutisque tegant: circumque recurrant

Veloces lembi, quò se demittere possint

Armati, & medias si fors labuntur in undas,

Accepti dextra in cymbas ferventur amica.

At si principio vultu non annuit æquo

Mars tibi, vel subito mutatis Æolus auris,

Adversus perfleret, sperati ut nulla triumphi

Spes niteat, cœptæ tum Prætor subtrahe pugna

Te, classemque, datis confestim in flamina velis.

Quæque suo puppis versu decedat: & omnes

Omnia nitantur ventis dare lina secundis.

Quin & circuitu longo sinuentur, ut ipsis

Præripere evaleant spirantes hostibus Euros;

Nam sic securo classis subducta receptu,

Hostiles potis incursus vitare: citove

Conatu rursus certamen inire secundis

Auspiciis. At si malè cœptis protinus ipse

Detrectet pugnam adversarius, ilicet alnis

Tum levibus cursu præmissis præpete, longo

Præcipies, Prætor, gyro circumdare classem,

Præreptoque fugam vento intercludere, & acri

Remigio: reliquæ dum se in certamine puppes

Ventoque, remoque ferant. Sed jam subit alter,

Nec minor ille feri Martis labor: Ergo age campum

Ingre diamur: erit nam major adorea, & ingens

Gloria: rostrata sunt nobis prælia classe

Turrigeros contra Gaulos, Coroque volantes

Committenda; petit cùm res, & talia Fatum.

Nam secus haud tanti tentanda est alea belli.

Quippe impar nobis miscenda est pugna. Secundis

Auspiciis Vati faveas, RAMBALDE, canenti

Majorum laudes, atque inclyta facta tuorum:

Dumque tui egregios Polemicos versibus ornat

Quod si neque his sub-
sidiis remitti res poterit,
receptū canere opus est.

Quæ adhibenda in re-
ceptu cautio sit.

Si principio adversa
pugna, aut venti in con-
trarium reslent, à con-
flictu abstinendum.

Quod si hostes fugiant,
è vestigio insequendi.

Subit pugna longarum
navium cum Gaulis.

Apostrophe ad RAM-
BALDUM Mæcenatē.

Au-

Qua ratione hujusmo-
di certamen iacundum.

Si venti spirent, ton-
ga in cycladem classis
instruenda.

Cum verò spirare desi-
nent auræ, cominus cer-
tandum, & quibus mo-
dis.

Idem Gaulus pluribus
rostratis invadendus.

Testudine militari de-
fendenda à missilibus pu-
bes, quique agiles, for-
tesque in navim insi-
liant.

Aufus, inque ævum conatur ferre perenne,
Tu vires, destrumque seni concede. Ubi Mavors
Jam tonat ære cavo, teque in certamina poscit.
Artibus his, Prætor, venies instructus in æquor;
Si læto venti flant murmure, cominus hostem
Ne citus aggrediare: Euro nam maxima Gauli
Corpora versantur facilè, assiduoque rotatu
Explodunt tormenta, ratesque impunè per omnes
Mille neces, totidem portant per vulnera: longa
Idcirco totam sinuabis cyclade classem;
Ut tormentorum valido se subtrahat ictu.
Et pugnam duc in longum, quò flamine tandem
Ventorum fracto subsidant molliter undæ,
Et sese pigri vix flectant gurgite Gauli.
Tum tibi Mars quando, & pacatis Æolus auris
Annuit, in lento torpentes æquore pinus
Continuò aggredere, & totis te viribus infer.
Mox ubi remigio celeri transvecta carina,
Puppis in hostilis præfixit pectore rostrum,
Et tenet: Ut cursu cervum pernice secutus
Compressum valido tandem premit ore Molossus:
Castello è proræ juvenes certare iubeto
Missilibus crebris, mediamque irrumpere in arcem;
Ast alto quoniam Gaulorum vertice surgunt
Mœnia Penteris super arcem: atque hostis ab illis
Tela in subjectos torquet feliciter, ære
Disploso, pilumque manu robustior urget;
Idcirco factu res ardua, se super illam
Mittere pernici saltu, pinnasque tenere.
Quare opus est magnis animis, & robore forti:
Arte opus & multa Ducis est, astuque sagaci.
Ergo age, Partheniæ præcepta edisce Camœnæ.
Pluribus invadi rostratis, Prætor, eundem
Præcipies Gaulum: varia sic parte juvenus
Hostilis distracta, diu certamina ferre
Haud poterit, puppimque tibi concedet habendam;
Fac tua præterea pubes, testudine facta,
Defendat sibi tela super labentia, & ignem,
Desuper horrendo stridens qui depluit imbre.
Interea membris agiles, & saltibus apti
Si qui sunt juvenes, animisque ad grandia facti;
Insiliant, murosque super victricia figant
Vexilla, & sociis aditum mucrone recludant.
Sunt antennarum qui grandes vertice corbes
Suspendunt, intusque locant delecta virorum

Corpora, quæ parvo siphone armantur, & ense,
 Et levibus læva parmis de more teguntur.
 Antennas mox demittunt, corbesque carinas
 Intus agunt: saltu confestim præpete ab illis
 Exiliunt juvenes: cavea ceu turba leonum
 Erumpunt patefacta, & dente minantur, & ungue
 Mille neces, raptantque avidi, mactantque, vorantque,
 Sic pugnatōres: mediosque feruntur in hostes:
 Atque acres pugnam instaurant: cæduntque, necantque
 Frustra oblucentes: Interdum his fortibus ausis,
 Ingentes Gaulorum arces in gurgite captæ.
 Hæc Rhodii primùm generosi inventa Gradii,
 Eduxere Equites, quorum est ad fortia niti
 Facta per egregios ausus, dextramque potentem.
 Tanta illis flagrat laudis, palmæque cupido.
 Sed qui magnanimo, cui tanta audacia cordi,
 Quo rerum casu, qua tempestate, canenti
 Dic age, tu Clio, quæ facta illustria doctis,
 Et monumenta soles Heroum condere chartis.
 Immemori, tu Diva, precor succurre, viamque
 In sacros mihi pande aditus, roburque ministra.

Ex corbis ab anten-
 na suspensis animosiores
 in hostem navim sal-
 tant.

Rhodii primùm Equi-
 tes audacia hæc inventa
 eduxerunt.

Musam invocat, ut
 qui primus inventor fue-
 rit, ipsi memoret.

Immensam Gauli molem Regnator Eoi
 Struxerat Othomanus: Nimirum splendida luxus
 Barbarici pompa, argumentum & grande futurum
 Majestatis, opumque: leves turrita sub auras,
 Cyclas uti medio nans gurgite pinea turris
 Surgebat: Delum potuisses credere Phœbo
 Insignem, Gyarumque fretis spumantibus actam:
 Quin & Dædaleo multum sudata labore
 Errabat pelago moles, atque illita fulvo
 Tota auro, tota & miris cælata figuris.
 Nam puppi in media dicentem jura Tyrannum
 Eois latè populis, folioque sedentem,
 Sculpterat insigni dextra, studioque magister.

Ingens Gaulus ab Re-
 ge Turcarum instructus
 fuscè describitur.

Quem circum procures, primosque ad jussa ministros
 Accipienda: Ducis vidisses ore jubentis
 Attentos pendere, humilesque capeffere leges.
 Hinc dextra, lævaque throni cælarat ephebos,
 Queis aulæ cura, & Regis commissa: decori
 Ore omnes nitido, & primævo flore juventæ:
 Atque opere insignes Phrygio, textuque superbo:

Mira puppis sculptura
 depingitur.

His super in latere admirandæ puppis utroque
 Othomanum quotquot regnarunt ordine Reges,
 Quemque sua facie, & propria sub imagine cælo
 Finxerat: expressos potuisses noscere vultus

Et utriusque lateris
 ubi Othomani Reges in
 auro cælati viscebantur.

Cunctorum, propriasque notas: sic arte magistra;
Ad vivum species, atque ipsa effinxerat ora.

Dixisses, si verba darent, & vivere in auro:

Hunc pius vestabat equus, spadiceus illum:

Vestibus insignes ambo, nitidoque galero,

Et gemmis dites, niveisque adamantibus ambo:

Hic pugnans inter bellantum millia, ferrum

Per densos cuneos magna cum clade rotabat.

Huic urbes, & regna dabant se victa: superba

Centauro investus fulcabat pluribus ille

Navibus Ægæum, Cycladesque ad frena vocabat:

Huic opere Attalico variatum, & textile limbo

Pro patrio super incumbenti more tapetum

Legati Regum venerati dona ferebant.

Ast illi gentes domitæ, populique tributa

Ante pedes humiles mittebant. Ille patenti

Metabatur agro sua castra; potentesque

Urbes obsidio cingebat, & ære tonanti

Urgebat, juvenum & crebris assultibus acer:

Quin etiam pictæ præfixam vertice puppis

Argento è solido sinuantem cornua Lunam

Fecerat, Eoi gentilia signa Tyranni.

Addideratque pharon puppi, quæ nocte sub alta

Obscuras nitida pulsaret luce tenebras.

Et Proræ mirum opus-
cium.

At verò in prora geminos hinc, inde Colossos

Finxerat Æthiopes, ebenoque insculpserat: uni

E niveo dentes ori indiderat Elephantum,

Cruraque distortos, longa cervice, capillo

Vibrato: curvæ qui grandia rostra carinæ

Complexi, magno fulcibant robore nisi.

At reliquum Gauli corpus, quod mole superba

Conspicuum supra campos extabat aquosos

Floribus insculptis, flavoque rubentibus auro

Interstrictum oculis effecerat, atque decoro

Pulchrum opere, & pulchrum signis, & divite luxu:

Præterea fucati auro splendente micabant,

Et mali, & corbes, & veligeræ antennæ,

Ipsi & erant fulvo funes de vellere torti

Bombycum, floccisque auro de ductile pulchri:

Nimirum ut Zephyri spirans lascivior aura

Luderet, excursusque daret per falsa secundum.

Et fluere luxu mollitæ lenius undæ.

Imperio è toto delectæ ad prælia pubi,

Atque Duci egregio tantam commiserat arcem

Pignora chara quibus sua crederet, Ille superba

Namque

Filius Othomani Re-
gis tam mirabili navive-
hebatur, ut Mahometti
delubra videret; eique
donaria ferret.

Scilicet distictum
gemmarum cumulum :
qui fusc describitur.

Namque hac, quam luxu tanto construxerat, arce
Dilectum Othomanum Regni, Fortuna paterni
Munere quem Divum sua post matura manebat
Fata sub Ægyptum mittebat; ut inde rubenti
Vestus Ærithræo peteret delubra reposta
Numinis infandi, & sua vota exsolverat aris:
Ditiæque offerret Mahometi dona: nitentem
Gemmarum cumulum, quas plurimus arte magistra
Encausto in fulvo, & sua per discrimina thecis
Auratis opifex innexerat; orbis & instar
Curvarat, medio nitidus fulgebat acervo,
Atque ingens adamas: deni fulgore micabant,
Titanem circa rutilum velut astra, pyropi.
Hos circum viridi centum splendore smaragdos
Cernere erat, miro connexos ordine: curvo
E limbo cumuli pendebant undique centum
Candiduli, atque auro religati ductile Elenchi.
His super addiderat geminos donariaundos.
Unus erat nivea crystallo effictus: & illum
Sidera quot prima, in totidem distinxerat orbes:
Gyris inque suis errantia fixerat astra.
Prima renascenti fulgens argentea cornu
Delia stellati metas pulsabat Olympi.
Fecerat inde opifex ingentem Ægyptius orbem:
Inque illo Solem cælaverat: omnia mundi
Qui videt, & longo complectitur omnia flexu.
Hinc magni circum flammantia lumina Solis
Crystallo geminos curvarat fusile circos:
Hic minor, & Soli propior, te summe Deorum
Nuncius, insigni ardentem fulgore tenebat.
Te, Venus orbis amor, divumque, hominumque voluptas
Luce coruscantem pura, complexus habebat
Alter, circuitu qui se majore rotabat.
Sed totum paribus lustrabant passibus ambo
Signiferum, paribusque annum cum Sole diebus.
Exin quintus erat magno curvamine ductus
Circulus, & mundi circum versatilis axem.
Sanguineo hic Martem fulgentem lumine multis
Ducebat gyris, intricatoque meatu.
Quique sequebatur post hunc vastissimus, ille
Luce Jovem nitida radiantem, & præpete cursu
Per totidem duodena annos stellata meantem
Signa, supra Solem, & mundi convexa trahebat.
Proximus huic Pater, & longo tardissimus ævo
Septeno affixus circo veniebat: & igni

G

Plum.

Et duos globos, quo-
rum unus cælum, & si-
dera: quæ quàm fusi-
mè depinguntur refere-
bat.

Plumbeus ardebat, dejecto & pallidus ore;
 Merorem Divi referens, vultumque malignum.
 Hunc circumplexus, reliquosque volumine vasto
 Inclusos orbes, Elementaque cætera mundi
 Astriger orbis erat, miro cælamine, & arte
 Effictus, variaque nitebat imagine pictus.
 Namque peritus eo tot sidera fixa magister
 Cælarat, cœlo quot cernimus, humida cùm nox
 Labitur Oceano, fudoque per aëra curru
 Iavehitur, somnumque ægris mortalibus affert.
 Quin & imaginibus complexus singula certis
 Formisque, numerisque, situque effinxerat ipso:
 Ipsa per & spatia, & discrimina nota locarat.
 Hic erat Heniochum, celeremque videre Sagittam,
 Et Cepheum, pluviasque Hyadas, Aquilamque, Lyramque
 Arcturumque, Canemque, Lycaoniosque Triones.
 Delphinumque poli nantem per lucida, Cetumque,
 Et procul Argolicis gravidam vectoribus Argo:
 Cujus in extrema fulgebat puppe Canopus.
 Subter & Indus erat jaculator corpore nudo:
 Versicolor Pavo, & Doradas, & Olympius ales:
 Quotquot & adverso stellæ sunt axe repertæ.
 Parte alia Andromache stabat religata, feroxque
 Perseus, horrificæque rubebant ora Medusæ.
 Leniter Eridanus fluvio radiante fluebat.
 Et stellis candebat Olor: pennisque volabat
 Pegasus astrigeris, lucentibus & pede fontem
 Eliciebat aquis stellata è rupe; Poetæ
 Flumina quæ crebrò libant dulcissima, & aureo
 Calliopea sedens folio; fertumque Coronæ
 Gnosfiacæ, Craterque nitens, atque Herculis astrum.
 Per medium longo complexu signifer omne
 Obliquus cælum circumdabat, inque figuris
 B s sex egregia cælatis arte nitebat.
 Lactea quin etiam candebat semita: magnos
 Quæ stratum ad Superes iter est, tectumque Tonantis,
 Omnia sed longum quoniam comprehendere versu,
 Cuncta videbantur crystallo sidera in alba
 Docto sculpta opere, & cœlo variata magistro,
 Inque suo descripta situ, & discrimine certo:
 Cæruleoque file, & minio interpieta rubenti.

Alter terrarum Or-
 bem repræsentabat: in
 quo omnes terrarum ma-
 ra, flumina, montesque
 descripti quàm solerti-
 tudine erant.

Alter at ex ebore, & torno radente politus,
 Et terras omnes referebat, & omnia Ponti
 Æquora: nam totum solertia scita magistri
 Illo terrarum, pelagique insculperat Orbem.

LIBER TERTIUS.

51

Ille hic occiduo non longè à cardine cœli
 Europam, Libyamque frecto illabente revulsas
 Fecerat: hinc Abylam, Calpemque erexerat illinc,
 Herculeas olim metas, atque ultima Mundi
 Limina: perque sinum terrarum infuderat omnia
 Inclusæ Thetidos vada falsa: & litora circum
 Europæ atque Asiæ, Libyæque induxerat undas.
 Inque sinus, flexusque omnes curvaverat, illic
 Quod pelagus supra poterat, quodque alluit infra
 Cernere, & Jonium cum turrigero Ægæo.
 Insulæ & in media quotquot sunt Doride pictæ
 Orbe super cunctæ prospectabantur eburno.
 Quarum, Tyrrheno quæ surgit maxima ponto
 Italiam juxta, pelagi discrimine parvo
 Finxerat: & Scyllam supra, saxa que Caribdy
 Infra: verticibusque hærentes pinxerat alnos.
 Dextra Asiam, & primi spectantem lumina Solis
 Sculpserrat: extremoque locarat margine Seres.
 Et contra roseo disefusam gurgite Chrysen.
 Oceanum supra glacieque, & nocte rigentem,
 Atque ignota tenuis cœlarat regna sub axe.
 At magnum Eoi Oceanum depinxerat infra,
 Inque diem medium diffuderat. illius amplo
 Tot dederat gremio terras innare, quot acris
 Jam nostri tandem solertia prodidit ævi.
 Exin Oceanum per fauces ire rubentes
 Jusserat Ægyptum, & sub thuriferos Nabathæos,
 Perque sinum gemmis baccatum Persidos, usque
 Tigris, & Euphratis communia duxerat ora.
 Faucibus inque ipsis Armusia picta: patentem
 Inde Thetin, flavo meruit quæ nomen ab Indo,
 Purpureis pinxit cum fluctibus: inter & ambas
 Indorum terras longo Gangetica gyro
 Equora curvarat, Ganges quæ gemmeus unda,
 Vasta per ora fluens, nitidaque insignit arena.
 Hinc supra Seres deduxerat, inque supremos
 Ire Scythas iussit, tenebrosaque littora mundi.
 Parte alia Æthiopes profudit ad usque remotos,
 Inque plagas Austri, & nondum lustrata carinis,
 Si quæ diverso cœli stant regna sub axe.

Insuper Ammericæ, rerum pars quarta nitebat
 Alterna de parte globi: cælataque duplex
 Magna videbatur peninsula, & una sub Arctos,
 Altera in Austrinum tendebat strictior axem.
 Ignea ab adverso tellus, magnisque rubebat

Veteris Orbis descri-
 ptio: quæ ab Italia capis
 initium.

Novi Orbis, & Oceani
 tetragonique, quæ in co
 sunt, charta.

Flammis, ambusto mittunt quas vertice montes.
 Non uno has inter flexu freta confusa crebris
 Cautibus, & cursum pelago alternante fremebant.
 Angustus geminos orbes iungebat amico
 Isthmus complexu; terræ discrimine parvo
 Oceanum spectans geminum vastissimus Atlas
 Hinc fluit, eque novis antiquos dividit orbes.
 Illinc Pacis amans immensis fluctuat undis
 Oceanus, seseque mari permiscet Eoo,
 Omnino nostris ignotus patribus: illum
 At nunc audaces jam sulcavere minores
 Latè omnem, terrasque novas adiere, novosque
 Invenere homines, nova bruta, aliasque sub undis
 Nare feras, lucere polo nova sidera, & agris
 Ipsam aliis etiam Cererem flavescere aristis.

Regna, urbes, cuncta-
 que flumina, sinus, ac
 montes in eo orbe admi-
 rando cælo exsculpta
 cernere erat.

Præterea primos terrarum sedulus orbes
 In sua regna, suas in partes pinxerat, arte
 Singula complexus solerti, & nobile cælo.
 Hic sursum montes eduxerat, atque nivosis
 Partim verticibus, partimque ornat opacis
 Culminibus, silvas quibus internexerat altas:
 Hic vallesque cavas, & confraga fecerat: inter
 Has resonare dederat perlabi murmure rivos.
 Hic latè campos extenderat: hic vaga cursu
 Grandia multiplici sinuarat flumina flexu.
 Hic & stagna, lacus hic sculpserrat: hic nitidus fons
 Rupe videbatur viva prorumpere: & illic
 In colles, clivosque humiles consurgere tellus.
 Hic cultam celarat humum: campestrisque hortis,
 Et Cerere induerat, miti clivosa Lyæo.
 Hic deserta unis squalentia semper arenis.
 Magnas hic opifex urbes, & mœnibus illic
 Inclusas arctis, hic pagos addidit, atque hic
 Oppidaque, arcesque, & tumulis castella sub altis.
 Quin etiam tenui radio, & cælamine acuto
 Addiderat sua quæque illis cognomina; ut ipse
 Cuncta videre loca, & certò distinguere posset.
 Imò & cunctorum certa intervalla locorum,
 Atque situs ipsos, positusque notaverat. Omnes
 Insuper & Mundi circos, qui maximus Orbem
 Terrarum Æquator, cœlumque intersecat: & qui
 Se spatiis semper disjungunt undique eisdem:
 Semper & arctantur gyro, quò longiùs, amplo,
 A medio fugiunt æquo discrimine circo:
 Quique omnes magni sese per culmen utrumque

Item & Circuli, qui
 cœlum, & terram præ-
 cingunt.

Axis agunt, mediumque diem sub vertice signant.
Digna Syracosio moles operosa Magistro.

His igitur donis, quibus auri plurima facti
Addidit, infectique, argenti & multa talenta,
Hæredem Regni mittit, sua pignora, natum:
Iret ut Arabiam, Nabathæaque regna, nefando
Vota soluturus Mahometi: insigniaque alto
Dona tholo in medio, foribusque affigeret amplis.
Et jam turrigerum currens felicibus auris
Ægæum transvecta abies turrita, secabat
Myrtos Thetidos vada cæca, Rhodumque petebat.
Subter aquæ læto ludebant murmure, supra
Ludebant venti per signa argentea, perque
Purpureo undantes pictas velamine Lunas.
Lusibus ipsa etiam festis replebat Olympum
Pubes Threjicia, & longè convexa sonabant.

Fortè per Ægæas instructis navibus ibat
Classis aquas Melitæa, sacri quam, clara Juventus,
Ductabant Equites, Scythico qui bella Tyranno,
Cumque Afris agitant prædonibus, omnia circum
Doridos inclusæ vastant qui litora, & omnes
Navibus infestant, lembisque fugacibus undas.
Ut turrim procul Odrysiæ spiramine læto
Cycladis instar aquis Myrtois ire natantem
Conspexere, acri confestim laudis amore
Correpti celerant cursum. Ceu vertice ab alto
Cum venatores magnum vidère leonem
Approperare, citi festinant tendere contra,
Luctatum, & forti palmam virtute mereri.
At verò Thraces turris de mole superba,
Ut pinus vidère sacras descendere toto
Remigio, ventoque cruces albescere signis,
Et novere rates, & despexere Latinas.
Namque humiles veluti colles super eminent inter
Caucasus, & totus turrito vertice supra est.
Sic Rhodias inter puppes surgebat in auras
Altior, & Scythicus pulsabat fidera Gaulus.
Ast ubi jam propius Latæ venèrè carinæ,
Obstupuit primò pubes generosa, superbam
Dum Gauli molem, dum mœnia celsa metallis
Præincta horrificis, dum tantis undique turrim
Instructam validis circumspicit armamentis.
Mox animos revocat, solitumque ad corda vigorem
Virtute insigni, & dextra tentare potenti
Fortunam pugnæ, maneat quæcumque parata,

Ægæo mari ad Myr-
tæum mare primùm Tur-
cicus Gaulus à Melitæa
classè conspectus, summo
Equitum gaudio, qui sta-
tim contra illum prorsus
dimicatum dirigunt,

At Thraces Gauli mo-
le conspici illas despiciunt,

Obstupuerunt primò
Rhodias insuetam Gau-
li molem.

Revocant mox ani-
mos.

At

At Dux in puppim socios accirier omnes
Ære jubet: mora nulla, citi venere vocati,
Et circumferti stipant subsellia. Prætor

Illos Prætor ad certamen hortatur; atque acris stimulis accendit.

Tum sic facundo jactat ore fugacia verba:

O focii nostri decus Ordinis, ò Equitum flos

Electus, Melitæ spes omnis, & omnis aviti
Spes regni, dextro Superiorum numine venit
Exoptata dies, votis & mille cupita:

Qua vestris laudes majorum æquare potestis,
Et veteres paribus fastos ornare triumphis.
Cernite, ut Ægæi calcat pede falsa superbo
Æquora, velorumque sinu tenet Æolon amplo;
Illius & læto famulantes flamine ventos.

Cernite, turrato ut superas se vertice in auras
Inferat, & magno minitetur sidera fastu?

Auro ut cælato, & spirantibus illa figuris
Se jactet, centumque cavis ut fidat ahenis?

Quin etiam (ad nostras retulit certissimus aures
Nuncius) illa sinu dilectum pignus Eoi

Regis habet, juvenem, quem solvere vota Sabæo
Mittit in Arabiam Mahometi, & ditia ferre

Munera mille auri, atque argenti mille talenta,
Et cumulum ingentem gemmarum, Orbesque magistra
Factos arte duos, quibus haud præstantius unquam
Est quidquam Eois confectum finibus: illis
Et maria, & terræ, cœlumque, & sidera picta.

Hinc vos quanta manet nunc gloria, quanta triumphi
Spes, vos ingenio generosi expendite vestro.

Quare agite, & magnos si quod tentamus, & ingens
Ex illo venturus honor, palma inclyta, fortes
Irritate animos, cunctasque expromite vires.

Hæc ille: ardentes oculis, & pectore toto
Spirantes focii Martem plaufere secundo
Murmure; percussum Myrtoum quo mare circum,
Et terræ circum responsavere natantes.

Pugna committitur, ingenti tormentorum clangore.

Tum Prætor geminis instructas versibus omnes
Ire jubet puppes; suspenso & cœrula remo

Vertere, & in Scythicam paulatim accedere turrim.
Ut Rhodiam Thraces classem videre propinquam

Adventare, citi cuncta in tormenta corniscam
Injecere facem: confestim murmure rauco
Bombardæ strepuere, gravesque repente per auras
Intorsere pilas: horrendum sibilat aër
Percussus, lævæque poli convexa reclamant.

At quoniam non dum classis Melitæa sub ictum

Venerat, incassum tanti cecidere boatus,
 Atque pilæ, atque ignes, & diri pulveris ira.
 Non secus ac magno tonitru, immensoque fragore,
 Cùm resonat domus alta Jovis, cùm fulgurat, & cùm
 Omnia permiscet sine vento, & fulmine, tantis
 Motibus intactæ persistunt vertice summo
 Alburni silvæ, tantis & gurgite tutus
 Nauta minis medio consistit. Prælia Consul
 Tunc usu edoctus multo navalia, tempus
 Nactus in hostilem toto succedere Gaulum
 Remigio, actutum celeri properare Triremes
 Imperat, & rostro turris terebrare cavatæ
 Mœnia querna, super celsas & scandere pinnas.
 Haud mora, robusto promotæ remige pinus
 Velivolum subter Gaulum vendere, latusque
 Trans prima ante alias fixit Prætoria rostro.
 Extemplò explosis stridens hinc ignea cannis
 Grando ruit, densusque nitri tegit aëra nimbus.
 Illic crebra sonans per inane nocentior imber
 Depluit Odrysia jaculorum missus ab arce.
 Continud hinc pubes Melitæa, & Threjicia illinc
 Sternitur ista; rubent effuso falsa cruore.
 Exin nudato, Mars atrocissimus, ense
 Committunt Rhodii pugnam, certantque supremum
 Cycladis alatæ saltu superare cacumen:
 Irrumpunt, ferrumque rotant, feriuntque, necantque
 Threjicios: totis instant & viribus arcem
 Scandere: nequidquam saltu tamen itur in altas
 Murorum pinnas: aded tollebat ab undis
 Barbara turritum puppis caput, ipsaque primùm
 Pulsa licet, secura situ sua mœnia pubes,
 Et jaculis crebrò jactis, atque igne tuetur.
 Tum tanta advertens Prætor discrimina, tali
 Sermone alloquitur juvenes, iramque tepentem
 Inflammat rursus, vires & sufficit acres:
 Ne trepidate animis, Mavortia pectora: nec vos
 Altior hostilis vertex perterreat arcis.
 Invia virtuti non est via: nullus & altus
 Mons aded est, quem non superet spes fervida palmæ.
 Non vos, ô socii, toties qui fortibus ausis
 Barbaricas ferro classes vastastis, & igne?
 Non vos, qui mediam irrupistis nuper in Hellen
 Puppibus immissuri ignes ante ora Tyranni?
 Qui frendens rabie immani, cæcoque furore,
 Centum tormentis utraque tonabat ab arce.

Mox comminus, hinc
 sclopiis, illinc immenso
 sagittarum imbre.

At nequidquam itur
 in assultum, aded enune-
 bat Turcicus Gaulus.

Dux periculo suorum
 animadverso, iterum eos
 hortatur, ut pugnam in-
 flarent, memores pri-
 ses viribus, & Majorum
 gloriæ.

Nec

Nec potuit tantis virtutem frangere vestram,
 Ardua quæ quàmvis, vestro confecta labore
 Illa tamen: magnumque dedere in sæcula nomen.
 Ergo agite, & tantis hoc unum adjungite rebus,
 Summa quod egregiæ laudi fastigia ponat.
 Quin etiam juvat hoc tandem superaddere, vestri
 Ordinis hoc uno certamine vertitur omnis
 Gloria, quæ manibus nunc vestris nititur, illi
 Consulite, & quantum sit cordi, ostendite factis.

Novis stimulis incen-
 si Equites iterum conan-
 tur in navem scandere.

Ac iterum referte pe-
 dem coguntur.

His dictis accensi animi, generosæque corda
 Incaluerunt: novisque velut calcaribus acti,
 Conferti in pugnam juvenes, Martemque feruntur.
 Ergo quisque suis connisus viribus, altam
 Conatur turrim conscendere, signaque primus
 Inferre, & captis victor præfigere muris.
 Ac velut horrendo Boreas cum turbine fervet,
 Et freta despumant rigido pulsata flagello.
 Certatim ex alto per crebra volumina fluctus
 Irrumpunt, glomerantque vadis spumantibus & se;
 Alter in alterius procumbens tergus, & altos
 Nituntur cuncti scopulos superare, refuso
 Gurgite: sic Equites prorumpunt versibus æquis
 Unâ omnes glomerati, animisque calentibus ira:
 Vi certi turrim conscendere, vincere certi:
 Vel si Sors renuat, præclara occumbere morte.
 Sed postquam multum certatum Marte cruento,
 Plurimæque egregiæ virtutis signa dederunt,
 Haud, altam superare arcem potuere, frequenti
 Connisi quamquam saltu, ferroque feroces
 Murorum è summo pepulissent vertice Thraces.

Fortè inter primos Equitum, qui puppe sub alta
 Prætores circumstabant, corpusque tegebant
 Objectis contra parmis, pulcherrimus ore
 Unus erat, primoque insignis flore juventæ.
 Tunc etenim teneræ prima lanugine mæ
 Ceptabant rara florescere, vivida menti
 Virtus, & validum formoso in corpore robur,
 Crescere & audaces animi: summum genus olli
 E COLLALTIADUM deductum stirpe vetusta,
 Grandibus & titulis majorum, ostroque superbum:
 Magnanimus (1) puer, & tot avorum sanguine dignus,
 Et

(1) *Vinciguerra IV.* de quo ita in annalibus memorie pro-
 ditum; Turcarum terror; ac Fidei propugnaculum.

Et patria dignus fortuna: aucturns & ipse
 Familiæ decus egregium, laudesque parentum;
 Inque novos titulos, magnumque in nomen iturus.
 Nam propter palmas Thracum de gente relatas
 Sæpius, insignique actos cum laude triumphos,
 Turcarum Terror (1) Polenices nomine dictus.
 Hic ubi cum dubio certari Marte videret,
 Versarique suos Fati discrimine certo,
 It cœtum in medium confidentissimus, atque hoc
 Aggreditur sermone Ducem: liceat mihi, quæso
 Inclyte Dux, tanti in partem certaminis ire,
 Laudis & optatæ in partem, partemque triumphi.
 Inventum Fortuna novum mihi suggerit, & mens
 Ipsa mihi mea, si tantis modò Juppiter ausis
 Annuat, insigni decorabo laude juventam:
 Atque novis Meliten palmis, clarisque triumphis
 Ornabo: in me non virtus spectetur ab annis.
 Quamquàm etiam interdum teneris stat magna sub annis.
 Tum Prætor pueri mentem miratus, & ausa;
 Credo equidem, nec fallor, ait, tibi fydere ab alto
 Hos animos, mentemque datam; perge inclyte, per me
 I, licet; omnipotens votis his Juppiter adsit.
 Et tua cuncta, precor, fortunent Numina vota.
 Hæc ille: at juvenis cui laudis mira cupido
 Magnanimum pectus succenderat, acer in altam
 It citus antennam, summoque in vertice sedit
 Læva ancile ferens, dextraque interritus ensẽ.
 Mox jubet antennam dimittier, inter & altum
 Converti Gaulum, ceu quondam more vetusto,
 Querna è Turre (phalas dicebant nomine Graii)
 Perque trabem oblongam demitti corbe feroces
 Mœnia quique viri circum præcineta subibant.
 Obstupuit primo Prætor, dum talia cernit
 Ausa: sed illa suo secum sub pectore volvens,
 Est Deus, est, inquit, certo quĩ numine tanta
 Orsa movet: Nequeunt namque hæc sine numine fieri.
 Ille sed antennæ demisso e vertice, turrim
 Inque hostes saltat medios, ferrumque coruscum
 Hæc, illac rotat imperterritus; aère ab alto
 Qualis ubi in prædam præceps delabitur ales
 Sacra Jovi, timidæque fero petit ungue columbas.

H

Con-

Nobilis Eques se Duci
 sistit, facultatemque sibi
 dari petit, navim insecu-
 dendi.

Dux magnanimum ju-
 venis animum, fortemque
 admiratus, atque Divi-
 num quid subesse putaret,
 facultatem præbet.

Ille in antennam evo-
 lat, eaque mox demissa,
 audacissimus navem in-
 travit, atque suis ape-
 rit.

Tandem attonitis stu-
 pore Turcis, magna ipso-
 rum strage Gaulus capi-
 tur.

(1) *Vinciguerra IV.* de quo ita in annalibus memoriæ pro-
 ditum; Turcarum terror; ac Fidei propugnaculum.

Continuò tantis percussis audacibus ausis
 Hærent attoniti, nec se defendere Thraces,
 Nec statione queunt insistere; victor at ille
 Demittit scalas, sociosque ascendere in altum
 Hortatur; mora nulla, citi super alta carinæ
 Ascendunt tabulata, hostesque impune trucidant.

Hinc novum inven-
 tum, ut coribus anten-
 næ summo suspensis, ho-
 stiles naves peterentur.

Et tandem læti capta dominantur in arce.
 Unius & tantam peperit fiducia palmam.
 Talia post Equites generosa inventa secuti
 Vimincas alto antennarum vertice corbes
 Suspendere, quibus suscepti protinus alnum
 Hostilem scuto armati, ferroque subirent.

At me sublustri confurgens Vesper Olympo;
 Atque gravis curis, annis & pluribus ætas,
 Uterius prohibent cithara producere cantum.





NAUMACHICORUM

LIBER QUARTUS.

A Sr age, velivolæ quæ cura in fluctibus alnos
 Instruere, undosum ponti seu currimus equor,
 Sive hostem contra procedimus, aspera Mavors
 Cum fortem tonitru vocat in certamina pubem,
 Dicendum nostro jam carmine: Sed prius artem
 Qua, Palinure, ratem cursu (1) veneris euntem,
 Accipe: Quem fugiens secat alto in gurgite Rhombum,
 Ipse etiam spatiis teneas æqualibus, illam
 Ærato donec mordebis dente propinquam.
 Ceu cervum, aut timidam sylvosâ per avia dimam,
 Cum celeri sequitur cursu canis acer, in herba
 Quem notat hæc callem, effuso de corpore odore,
 Ipse sagax premit, arreptoque insistere cursu
 Non cessat, prædam nî prenderit ore tenaci.
 Quod si flaminibus volat ocyor usa secundis,
 Quam sectare, ratis, geminato nitere velo
 Accelerare fugam, propior cum veneris, illum
 Accipies statione locum, quem iussa dedere
 Consulis, ut recto sese instruat ordine classis.
 Hostica sed fuerit turris si pinea, pugnam
 Incipe, displois Vulcano ardente metallis.
 Nî prius e malo demittens cornua, victam
 Se tibi victori dederit, pugnare recusans:
 Nempe animis juvenum, ventoque, & viribus impar.
 His actis, Prætor turrita protinus alno

Modus insequendi na-
 vim describitur.

Quem ordinem teneat
 classis in navigando.

H 2 Car.

(1) *Dar la vaccia.*

Cavendum, ne sese
mutuo occurſu implicent.

Carpat iter, mundique plagam, qua ducere classem
Destinat, actutum teneat, tantumque recurrat
Neptuni campum, quantum satis esse putabit,
Ut reliquæ curſum capiant, retroque ſequantur.
Mox aliæ, ut noſtro jam dictum carmine euntem
Seſtentur, recto donec ſeſe ordine ſiſtant.
Sicque omnis Rhombo percurreret claſſis eodem.
Verùm illud cura caveant ſolerte magiſtri,
Dum vexilla ſequi celerant Prætoria, eandem
Et preſſare plagam, ne roſtris obvia roſtra
Occurrant, ſeſeque premant, curſumque morentur.

Modus explicandi
actum ad pugnam expo-
nitur.

Quod ſi belligeras metari in fluctibus alnos
Stat tibi, Prætor, ubi adverſarius explicat acer
Ipſe ſuas, Martemque vocant tormenta boatu,
Unicus ad ranci ſpirantia flamina venti
Accipiat naves ordo, propiorque ſub auram
Accedat: quæcumque latus ſic vertet in hoſtem,
Atque exploſa globos jaculantur athena tonantes.
Ignivomas dextrâ naves ſinuabis: ubi acer
Ad lævam poſuiſſe ſuas ſpectabitur hoſtis.

Explicatur exemplo
Jacobi Ducis Eboracen-
ſis.

At quoniam facile exemplo præcepta tenemus,
Et juvat Heroum inſignes celebrare triumphos;
Concilio e Divum magno felicius ævum
Victor ubi curis agitas, terraque relicta,
O adſis, Jacobe, decusque, & gloria regni,
Arctoïs cingit quod fluctibus Amphitrite:
Partheniæque ſacri da fontis flumina Moſæ,
Dum laudes celebrare tuas, & grandia facta,
Apparat, & ſæclis transferre trophæa futuris.
Ingentes Batavi claſſes ingentibus auſis
Ornarant pelago leges, & jura daturi:
Scilicet Oceani ſpumantia lora tenere
Soli affectabant, magnis & currere Gaulis:
Ac reliquos populos arcerent omnibus undis,
Nimirum occidui gazas, & munera mundi,
Et vaſtas Orientis opes, mercesque beatas
Perſarumque, Arabumque, & Cinnama divitis Indi,
Ad patrias ſoli raperent, gens invida, terras.
Id veteres Domini, qui tot per ſæcla Britanni
Obtinuere prius, cùm vix per cœrula nomen,
Ni piſcatoris Batavi, obſcurumque ſonabat;
Haud equidem paſſi, belloque, armisque ſuperbos
Frangendos duxere animos: ſententia cunctis
Gentibus hæc una eſt, primi ſubſellia cætus
Seu teneant proceres, ſeu plebs numeroſa ſecundi?

Cauſſa belli inter An-
glos, Hollandosque ex-
ponitur.

Regnum armis placet asserere, & sua jura tueri.

Haud mora fervet opus, fervent navalia, fervet

Portibus in cunctis delecta ad bella juvenus:

Conveniunt ad signa viri, nautæque parati.

Coguntur naves, & classis cogitur omnis:

Classis Dux Jacobus eli-
gitur.

Jacobus toti Dux classi imponitur, illum

Extulerat regale genus, & Martia virtus.

Nam Regis germanus erat, venturus & ipse

Imperium in magnum; & ni Fatis Fata fuissent

Adversa, à Latia divisos sede Britannos,

Rursus divino poterat conjungere nexu.

Sed jam tempus erit, patrio cum reddita sceptro,

Id tua progenies, cunctis plaudentibus astris,

Efficiet, summi quando Regnator Olympi

Annuet exoratus, & impia desinet ætas:

Atque novam ex aureo nebunt cum flamine Parcæ.

Nec spes vana; adytis cecinit sic Phœbus Apollo:

Et quæ Fatorum ventura ex ordine pandit,

Fatidica interpres Divorum sacra Pronæa.

Decertata vocant sed prælia Marte secundo

Jam Vatem, stridetque tonans per cœrula bombus.

Jam ferrugineos surgens Aurora capillos

Extulerat pelago, sensimque rubescere flammis

Cœperat, interpieta nigrantibus undique punctis;

Horrifici præsaga velut certaminis: & jam

Angliens è specula custos denunciat hostes.

Est in conspectu Batavæ telluris ad Arctos,

Inque obversa latus spirantes insula Cauros:

Texelia, insignis portu cognomine dicta,

Huc omnes Batavum vires, huc maxima classis;

Texeliæ sinus deseri-
bitur, ubi certatum.

Quam centum supra turrato corpore pinus

Constabant, instructæ armis, & milite multo.

Pulvereque, nitroque, & terrificis tormentis,

Convenère, Ducis nutu ad fera bella coactæ,

Hostem expectantes, ventumque in vela secundum:

Postquam alta è specula custos clamavit ad arma,

Conspecto hoste
aciem Jacobus explicat,
inque hostem vadit.

Censuit & vires, omnesque ex ordine naves;

Exin cuncta Duci retulit; tunc impiger ille

Haud mora centenis è puppibus explicat agmen:

Præcipit inque uno consistere tramite naves.

Et quoniam Lybicus tendebat vela secundis

Flaminibus, tepidum idcirco se flectere ad Austrum

Dux classem jubet, ut concessi commoda venti

Accipere, & faciles possent se evolvere pinus.

Explicat & suam Op-
damus hostem exceptu-
sus.

Agmen & ipse tenet medium, primumque regendum

Ro-

Roberto dedit, & Comiti dedit ultima signa.
 Non piger Opdamus Batavas in prælia puppes
 Instruxit, quamquam non prospera flaminis aura
 Perflaret, medioque locans sese agmine Gaulo
 Ingenti, magnæ surgens qui cycladis instar
 Turritum è pelago caput ostentabat ad astra
 Arduus, horrificus, duro tormenta metallo
 Perque latus centum complectebatur utrumque.

Atque in pugnam suos
 accendit.

Trompion hinc ventique ducem, Martisque peritum
 Fronte locat, stimulatque animos in prælia dictis,
 Venturas memorans laudes, & dona parata.
 Non minus interea Princeps per singula vectus
 Signa, suos animat, magnisque hortatur ad arma
 Promissis, priscæque refert præconia laudis,
 Et quæ de Batavis retulerunt præmia victis.

Animat & suos Eboracensis.

Nunc tempus, factisque novis, & fortibus ausis,
 Munera muneribus cumulare, trophæa trophæis.
 Hoc si victores eritis certamine, magni
 Imperium Oceani, & summum referetis honorem.
 Edomitique scient Batavi, quæ bellica virtus
 Quæque Britannorum sit dextera, seque lacunas
 Batavicas inter condent, victique silebunt.
 Piscatu, ut nuper, victum, textuque requirunt,
 Omnibus ignoti terris, atque omnibus undis.
 Nec sibi cum lento credant certamina Ibero
 Nunc fore, quem centum annos æquavere morantem.
 Sed quid ego palmas moror, & navalia ferta?

Ite, viri, conferte manus, pugnamque ciete.
 Hæc ubi dicta, cavi dedit æris murmure signum.

Mox certamen orditur.

Haud mora terribili bombo sonuere metalla
 Mille explosa: volant Vulcano ardente per auras
 Mille, & mille pilæ, seges ærea, & horrida Martis.

Actris pugna depingitur.

Ac veluti Siculo surgens Vulcania ponto
 Accensis fervet fornacibus, undique & atram
 Eluviem vomit, & saxorum turbine, fumoque
 Et maria, & terras, & lucida contegit astra:
 Horrendumque tonans terroribus omnia complet.
 Sic & turritæ reboabant æquore pinus,
 Mille sinu flammæ, incendia dira vomentes.
 Et quoniam in Batavos perflabat flamine læto
 Africus, & fumi nubes, & noctis iniquæ
 Adversum chaos, atque volumina spissa ferebat
 Pugnantes contra, vultumque horrore replebat.
 At non victi animo Batavi, nec sorte sinistra
 Perculsi, totis pugnant viribus, & se

Solliciti in pugnam stimulabant, ipseque rector
 Dat focis animos, & praelia voce gubernat.
 lætibus interea volitant diffracta per auras
 Rostra, trabes, mali, discissaque turbine vela,
 Ipse & ferratis concussæ pulsibus alni
 Imbre laborabant multis è partibus hausto.
 Nec non & cædes hominum miseranda: fluebant
 Membra recisa virtum medias ejecta per undas:
 Et clamor morientum, & vitam ex hoste precantum.
 Et tormentorum fragor horridus, & fera nimbo
 Tempestas igneo resonans, gemitusque natantum
 Tristem oculis speciem, spectacula dira ferebat.
 Et quamquàm Batavi navem ad sua signa Britannam
 Submisere, suâ temeraria classe relicta,
 Quæ medios pleno velo perruperat hostes;
 At pendebat adhuc dubio victoria Marte,
 Nec cui victori fertum navale pararet,
 Cernere erat, fortis cum Dux Jacobus in armis,
 Sortis ut arbitrium virtute evinceret, omnem
 Ire aciem, facto signo præcepit in hostem:
 Ipseque turritam Prætoris fertur in alnum.
 Rursus & hic Mavors accenditur horridus, atque hic
 Vulcanus tonat, & rursus furit ignibus atris.
 Illicet Opdami Prætoria tota sub auras
 Exiliit succensa, oculis miserabile visu.
 Non secus effosso cum Vesta inclusa ciniclo,
 Scintillas gremio immixtas accepit ab hoste,
 Actutum volat arx, magna que evulsa ruina,
 Dat sonitum ingentem latè, disiectaque secum
 Cuncta trahit, nimboque involvit pulveris atris.
 Subtus terra tremit, subsultant vertice colles,
 Attonitique stupent homines, & corda tremiscunt.
 Ipseque dum socios hortatur, & impiger arma,
 Intrepidusque manu tractat, ruit impete in altum,
 Sorte infelici, & sub funere mersus acerbo.
 Ducoris casu Batavorum exterrita classis,
 Adversumque videns Martem, ventumque finistrum;
 Qui contra nimbos, tempestatemque nigrantem,
 Et strages unâ centum, centumque ferebat
 Igne neces; tum fracta animos, & viribus impar
 Obliquat velum in ventum, refugitque propinquum
 Texeliæ ad portum, & tuto se condit in alveo.
 Instant victores, pigrasque ex vulnere naves
 Partim vi capiunt, partim dant ignibus; illæ
 Imbre fatiscences salso merguntur in undis.

Ingens navium ruina,
 & cædes hominum.

Jacobus tota acie in
 Batavos fertur: Ipse præ-
 soriam aggreditur.

Quæ, igne accenso, in
 altum exiliit.

Opdamus igni consumi-
 pitus: cujus nece Batavi
 exterriti fugam capiunt.

Instant victores, in-
 gentique victoria po-
 tiantur.

At

At Dux insignis palma Jacobus opima,
Qua nunquam vitreo vidit Neptunus ab amne
Majorem, Nymphæ non & plausere marinæ,
Victricem patrias classem deducit ad oras,
Bataviam postquam latè terrore replevit,
Damna minans populis jam jam majora superbis:

Sed quòd me Musæ rapuistis, & entheus ardor?

Vatis Enthusiasmus:
reddique optat Sirenium
in gremium.

Hunc Vates clivum conentur scandere, quorum
Et florent vires, & vivida temporis ætas.

Jam me lustra premunt duodena, atque insuper orbes

Quinque, senescentem rosei nec munera Bacchi,

Pæoniæque valent artes revocare vigorem

Ingeniique, animique, & priscae flumina venæ.

Reddite Sirenium in gremium: me littus amicum

Accipiat: formosa sinu Colomelisodoro

Hic Vatem foveat, pascaturque suavis herbis;

Quo tandem placida compositus pace quiescat

Virginis in templo: tumuloque hoc addite carmen;

Parthenii si quæ, focii, vos cura tenebit.

Propter (1) Olympiæ quæ templum Virginis orta,

Hic Surrentina Magnæ Genitricis in æde,

Quam rea construxit voti, Matrique sacravit,

Parthenii argutum cecinit sacra Musa, filet nunc.

At quoniam, RAMBALDE, seni tu sufficis cæstrum,

Instaurasque novas vires, & carmina Vati,

Te sequor, auspicioque tuo do carbasa ventis.

Me, me ipsum, seniumque tuo munimine vincam;

Ut sertum navale tua virtute relatum

Per tua multiplici nexu se tempora flectat.

Scilicet hoc unum deerat, terrestria quando,

Vallaris, seu sint muralis dona coronæ,

Olim victricem cinxerunt plurima frontem.

Ergo age jam tritum Musis læto omine campum

Ingrediamur, erit merces audacibus ausis.

Si ventus (2) immineas hosti de puppe secundo;

Libera, Prætor, erit tibi tum certare potestas,

Inque hostem plenis cum vis descendere velis.

Consilio id sano facies, cum scilicet hostis

Stat trepidus, latumque fecat mare navibus impar.

Quod provecta dies si sit, certòque vereris

Cum ventus faveat, e
superiori plaga spirans
libera dimicandi pote-
stas.

Verum inclinante die,
cum mutari solent, absti-
uendum.

Ne

(1) Virgo Olympiæ, vulgò *la Madonna di Piedegrotta*, quod illius ædes ad radices Pausilypi ante aditum cryptæ, quæ Puteolos ducit, sita sit. (2) *Star sopra vento*.

Ne fervet dum Mars, & flammis Mulciber ardet,
 Adversus spiret mutatis Æolus auris,
 Abstineas pugna moneo: monitique memento.
 Cum matutinus cœlo defudat Eous,
 Et surgunt cum Sole leves Eurique, Notique
 Tum tempus certare, armisque irrumpere in hostes.
 Si faveant dextro venientes flamine Cauri,
 Atque hostem superas alnis, & viribus, uti
 Tum vento, numeroque potes: quot duxeris ipse
 Navibus n̄ tota divullis classe, sagacem
 Præcipe legatum diversa è parte carinas
 Hostiles petere, explosisque invadere ahenis.
 Sic facile optatam referes post prælia palmam.
 Quod si turritis superat contrarius alnis,
 Sed venti non lora tenet; quin scilicet infra
 Navigat, è numero captare hæc commoda multo
 Nequidquam valet; interdumque minoribus hostis
 Cum numero ratibus retulit navalia ferta.
 Est tamen, est illud lucri pugnantibus infra
 Spirantes auras, quod cuncta explodere in hostem
 Tam quæ prima tenent, quam quæ tormenta secunda
 Turritæ tabulata ratis; quando altius aura
 Assurgit latus incumbente, fretumque refundi
 Haud per aperta potest spiracula, & ilicet omnem
 Tormentorum usum, juvenumque evertere curam.
 Præterea si quæ navis concussa labore,
 Vulcanoque, vadoque, aut fractis verberare malis,
 Sese conflictu poterit subducere vento
 Longiùs ex acie, illatam & reparare ruinam.
 Et si Mars contra se fronte ostendet acerba,
 Pugnam deferere, & tuto se condere portu.
 Commoda quæ deerunt, quibus aura immurmurat Eurus
 Felici à puppi veniens, & amabile murmur
 Excitat ardentes animorum in prælia vires.
 Atque hic te, Prætor, moneo, ne vela secundum
 Des temerè in ventum: pugnae cùm linquere campum
 Inque fugam spectas, salvasque reducere naves.
 Quando nulla tuis major ventura ruina est,
 Quàm cùm decedunt inimico instante secundis
 Eurisque, Zephyrisque: potis namque ille sequendo
 Assequier, trepidosque tuos invadere, certa
 Damna tibi, cedessque ferens, incendia, & ignes.
 Quocirca mediteris, ubi sub tuta receptum
 His tantùm facies in casibus, humida cùm nox
 Appetit, & tenebris cita subtrahit omnia visu.

Mane verò confutū
 certamen laitur.

Quibus commodis eant,
 qui inferiori parte navi-
 gant.

Habet autem & illud
 commodi, quod cuncta
 in hoste tormenta explo-
 dere faciliè potest.

Et in adversa pugna
 fugam capere.

Quod magna cautela
 peragendum est.

Et quibus in casibus.

Cùm ventus crebrescit, & altior unda tumescit,
Atque locum pugnae negat hosti; cùmque carinas
Vectorum trahit hic multas, quæ impiger ipse
Est opus invigilet, casu & tutetur ab omni.

Cur uno ordine exponendæ naves.

Sed si fortè cupis, Prætor, condiscere causam,

Cur omnes uno naves disponere versu
Conveniat, paucis, res est discenda, teneto.
Si gemino puppes extendas ordine, primo
Quæ versu insistant, fuerint cùm cominus hosti,
Et sua displodunt tormenta, ardente favilla,
Ac pugnam totis committunt viribus, illæ
Agmine quæ structo versum tenuere secundum;
Tormenti quoniam consistunt longius ictu:
Nec conferre manus poterunt, nec athena metalla
Vertere in adversos, pulsuque excindere turres.
Et quoniam non fronte, velut rostrata Triremis,
Sed latere objecto certant, accedere nunquam
Ad primum poterunt versum, pugnamque ciere.

Ad plagam ex qua ventus spirat, admovendæ naves.

Insuper his, Prætor conare ad flamina venti,
Spirantis pinus extendere, subdolanus hostis
Ne fortè (1) arbitrium Zephyri furetur amici.
Et quamquàm facere id valeas, cùm tempus, & ipsa
Pugna petit, tamen adversis fuga fortè videri
Hic cursus poterit, versuque tenere sub uno
Haud facillè undoso possunt sese æquore naves;
Idcirco facies sub prima exordia pugnae,

Et quæ inde commoda.

Quod sine mox lucro perages, certoque periculo.
Est etiam, est illud lucri, cùm classis ad auram
Efflantem accedit, (2) stringitque propinquior Euros;
Quod si quæ pinus certando acceperit ictus,
Ipsaque cum malis amiserit armamenta,
Longius ad quartum poterit procurrere Rhombum,
Et simul arbitrium Cauri sufflantis habere:
Damnumque acceptum auxilio sarcire suorum,
Rursus & in pugnam descendere; quod tamen arte
Id nulla poterit, si rectâ acceperit auras.

Qui ex inferiori parte navigat, ad plagam venti conetur accedere.

Perge, Noti faveant hosti, & de cardine Eoo
Spirantes repleant hostilia carbasa primi,
Mox tua vela petant, tendantque ruentibus auris,
Tum moneo, ad sedem pariter crepitantis Eoi
Cominus ire fuga, Rhomboque errare secundo.

Sic

(1) Togliere al nemico il vantaggio del vento.

(2) Accostarsi per fianco al Rombo del vento, che spirà.

Sic etenim si fortè Noti mutantur, & auræ
 Assurgant aliæ, potis es variantibus uti,
 Præripere arbitrium, incautique erroribus hostis
 Proficere ad palmam virtute, astuque merendam.
 Quin etiam versu instructo ni strinxeris Euros,
 Obliquo scindens cursu freta cæcula ponti,
 Postremum poterunt inimici invadere cornu,
 Aut medium excipere, & geminis incessere flammis.
 Præcipuè ille suis superet si navibus, ipse
 Haud poteris mundique plagam percurrere candem,
 Absque gravi vitæ noxa, certoque periclo.

Si secus periculum ne
 hostes postremum agmen
 carpant.

Quæ discrimina inter
 naves in conflictu sta-
 tuenda.

Quod non sanè facile
 est.

Tutius erit, si angustio-
 ra sint spatia.

Non tamen plus iusto:
 quando omnibus in re-
 bus servandus est modus.

Præstat magnos Gau-
 los ducere: & quibus ex
 causis.

His animadversis, superest ut carmine nostro
 Edifcas, quæ certa inter distantia turre
 Velivolæ statuenda: freto certamen aperto
 Cum tempus ferere, & ventis favet aura secundis.
 Rectores Galli, quorum nunc plurima cura
 Re super hac, centum ducunt, non ampliùs, ulnas,
 Sufficiens discrimin, aquarum in gurgite vasto,
 Quo celeres distent puppes, quamquàm æquore in alto,
 Et spatia æquata, & certos describere fines,
 Difficile est: fallax nimirum, & mobilis unda;
 Attamen ingenium solers, & plurimus usus
 Multum sæpè valent, & quæ præcepta magister
 Ante tibi dederit Geometres, flore juventæ
 Cum Musas coleres, divinasque impiger artes.
 Hic autem admoneo, palmæ conferre merendæ,
 Si brevibus spatiis nexu junguntur amico
 Turritæ pinus: nam si discrimine longo
 Se fugiant, strictisque adventet versibus hostis,
 Tum quæque excipiet geminatos ictibus ignes:
 Et geminæ poterunt invadere tutiùs unam;
 Sed caveas ne plus iusto discrimina stringas:
 Semper enim modus in dictis, rebusque tenendus
 Omnibus est. Media in pugna si fortè laboret
 Fulminibus pinus concussa, & verberare malis
 Truncatis, fractisque alis, clavoque revulso
 Fluctuet, in socias incurset tum illa carinas
 Est opus, incurfu & commune augere periculum.

Hic non præteream, multum quod scire juvabit,
 Dux Romane, freto qui classes ducis aperto,
 Imperiumque tenes pelagi, finesque tueris:
 Duc semper magnos turrato corpore Gaulos,
 Certam navali si tu certamine palmam
 Exoptas. Tormenta vehunt majora, globosque
 Vegrantes vibrant, & longâis impete muros

Concutiunt, crebròque tonant quia plurima contra,
Fortius obfistunt folido cum robore pulſu.
His igitur certas ſi navibus, æquore turres
Inſtrue contractis ſpatiis, ſi dona referre
Navalis ferti affectas, laudemque mereri.

Alius modus exponen-
di claſſem deſcribitur.

Sunt qui velivolam ſenis ſub verſibus omnem
Diſponunt claſſem; medio ſtat in ordine Prætor
Ante ſuos verſus, & ſubter navigat auras.
Sic dextra, lævæque ſuos legatus uterque
Præcedit verſus, & ſtantes excipit Euros;
At qui Prætoris dextram tenet, ille ruentes
Ad ventos propior ſeſe deſcendit, & alter

Qui minimè commo-
dus, ſi vicinus hoſtis na-
vigat.

Alternum in picta percurrit pyxide Rhombum:
Et quamquam modus hic fulcandis commodus undis,
Inque vias omnes ſe ducere, quò data juſſa,
Vel res ipſa vocat, procul at cùm navigat hoſtis:
Nam ſi vicinus, pugnamque minacior offert,
Tum non ſe facilè in verſum diſponere claſſis,
Ilicet & dubium Martis certamen inire.

Ideirco Vatem ſi me tu conſulis, iſto
Non utèrè modo, Prætor Romane. Sub Arcto
Mars tonat horrendum, totumque à cardine cœlum
Subſultat, nutant ſcopuli, longèque reclamant
Littora terrificis crebrò concuſſa metallis.

Horreſcit Thetis, atque omnis tremit Amphitrite.
Aſt ò qui motus? rupto num fœdere pugnant
Rerum principia, inque nigrum ſe vertere ruſus
Affectant chaos, atque imis confundere ſumma?

Vatis Enthouſiaſmus.

Vos tanti motus, vos Muſæ pandite cauſſam,
Parthenio Vati, vocemque attollite, quando
Vix ætas affecta, ſonum vix excipit auris
Jam ſenio contracta, obtuſæque tympana pulſum
Vix ſentire valent. Satis eſt, ſat grandia, Muſæ,
Verba datis, ſatis eſt. Divino munere veſtro
Et ſenii vitium, & fugientis vincimus ævi.
Audio: Pieridum quis Pindi à vertice ſummo
Clamantum voces non audiat? omnis ab imo
Gurgite reſponſat Penèus, & avia Tempe.
Dicam igitur commiſſa olim fera bella ſub Urſa;
Ut res exemplo fiat manifeſta Magiſtris.

Baravi, & Angli cen-
ſant de maris imperio;
Hincque Marti deee-
rendam committunt.

Barbaricos inter populos, quos cardine mundi
Arctoo, æternis nivibus, glacieque rigente,
Educat immitis, mammisq; rigentibus Urſa,
Immanemque animis inſtillat læſte furorem,
Oceani ſuper imperio lis orta, quod armis

Jamque suis Batavi conati ascribere signis.

At contra veteri repetebant jure Britanni,

Hinc odia, ultricesque animis ardentibus iræ

Exarsere: placet litem decernere ferro,

Et Marti sortem committere. Protinus arma

Expediunt, naves ornant, delictaque pubes

Navibus instructis imponitur, & simul ingens

Vulcani seges, & victus, bellicque paratus.

Consensu Patrum Batavis Dux Trompius acer,

Et classem regere, & navalia bella peritus

Præficitur. Mora nulla, suas è portibus alnos

Turritas educit, & aura afflante secunda,

In fenos classem versus citus explicat omnem,

Inque hostem solvit, certus decernere pugna,

Utrinam maris imperium Fortuna dedisset.

Sperabatque sibi confisus viribus: & jam

Versabat palmas animo, clarosque triumphos.

Stultus, qui dubium Martem, & versatilis orbem

Haud Sortis norat. Miseri nos fallimus ipsi

Mortales vana spe ducti, & inanibus ausis.

Laurenti, jam sacra tibi lux fulserat, & jam

Extulerat roseos rediens Aurora capillos,

Et Zephyri adverso mundi de cardine flabant;

Cum longè è specula conspecto Trompius hoste,

Dat sociis signum certaminis, acer & arma

Exedit; atque animos dictis vehementibus urget:

Pugnate, ò focii, atque armis ostendite vestris,

Quæ virtus Batavis inest: norintque Britanni,

Se jure imperium regni amisisse marini.

Non posthac priscam virtutem, & jura vetusta

Ventosi jactent: nobis Fortuna secundis

Auspiciis regnum dedit: & victricibus armis

Stat nunc asserere, atque assertum Marte tueri.

Hic liti finem campus dabit, æquore in isto

Æternum figet Victoria parta trophæum:

Famaque per geminos alis pernicibus orbes

Diffusa egregiam palmam canet. Hæc ubi dicta,

Dat duri signum certaminis, aura secundat

Vota ducis, primæque nitet Victoria fronte.

Ergo omnes Zephyris vadunt crepitantibus Alni

Belligeræ, & velis accedunt cominus hosti.

Nec segnes Angli convertunt æquore classem

In Batavos, primùmque adnisi viribus auras

Hostibus eripere, & supra se sistere ad ortum.

At postquam incassum cecidit labor omnis, & æra

Igni-

Classes, & arma ab
ambobus parantur.

Trompius, inimica clas-
se conspecta, suos ad for-
titer dimicandum hor-
tatur.

Vadunt contra Angli,
conantique ventos ho-
sti præripere: sed incas-
sum.

Ignibus assiduis, crebroque tonare boatu
 Cœperunt: magnis ipsi simul ausibus hostem
 Excepere, sinuque cavo explosere metalla
 Mugitu horrifico: latè ruit horridus imber
 Grandinis horrendæ: qualem irritata Deorum
 In terras jacit ira: homines cum perdere, & urbes,
 Et justas scelerum molitur fumere pœnas:

Pugna omnis acerri-
 ma describitur.

Mars ferro furit, exardescit plurimus igne
 Mulciber, Æthnæos revocans ad prælia fratres.
 Continud misera oculis se scena theatro
 Pandit in undosæ: trepidat Neptunus, & ipsi
 Tritones, trepidasque tenent sine murmure conchas.

Tritones admirati pu-
 gnantes horrantur, ut ab
 iris, odioque internecino
 cessent.

Mox circum attoniti sua lumina circumflectunt.
 Proh Superi, tantæne animis mortalibus iræ?
 Tantum odium? tanta & rabies insana nocendi?
 Cessate, & vestras in cedes vertere dextras,
 Parcite, & humanos, Homines, ostendite sensus.
 Sylvestrum rabies hæc sit damnanda ferarum,
 Taurorumque, canumque, quibus Natura negavit
 Divinas leges, rationis & aurea dona.

Horribilis confictus
 narratur.

Ne facite: immanes exhorrent sanguine vestro
 Ipsa etiam Cete, refugitque immanior Orca.
 Sed frustra dant verba: ruit mens cæca furore:
 Nec quidquam leges, & propria funera curat.
 Quot naves subito malis, velisque revulsis,
 Incertum fluitant, mediis quot fluctibus haustæ:
 Quot vi flammæ ruptæ in gurgite vasto
 Cum miseris ardent nautis, & milite forti!
 Immensum tormenta tonant, tonitruque tremendo
 Subsultant maria, & cœli convexa tremiscunt.
 Ingens erumpit caligo, atque omnia circum
 Occupat, effusis vis turbinis atra tenebris.
 Non æquor, non ipsæ apparent æquore classes.
 Turbinibus cœlum obtegitur, non amplius ardet
 Lumine Sol: media tantum caligine flamma
 Emicat interdum, magnoque fragore sub auras
 Vi volat, & secum miserorum corpora raptat,
 Divulsasque trabes, cum & puppibus armamenta.
 Has inter tenebras lynceus Trompius (ira
 Exacuit violenta hominem, & spes ipsa triumphi)
 Tres coisse videns Anglorum è puppe carinas,
 Illicet ire sinu gestantem incendia pinum
 Imperat. Excussum cœlo ceu fulmen ab alto,
 Sic volat acta ratis, mediosque impingit in hostes.
 Ut venit, ut gremio conceptus promicat ignis,

Tres Anglorum naves
 ab ira Batavorum in-
 cendiaria incensa.

Ut

Ut simul extemplò cunctæ exarsère carinæ:
 Exilière trabes, tabulæquæ, & ahenæ, virique
 Terribili circum tonitru, horrendoque fragore.
 Omnia complentur terrore, ipsique pavescunt
 Hactenus intrepidi. Casu timuere Britanni;
 At non immemores priscæ virtutis in arma
 Acriùs insurgunt, Fortunam & fortibus ausis
 Adversam, dextraque student, atque arte mereri.
 Et periisse placet pugna, quàm vertere terga.
 Ipse sed optato successu Trompius audax
 Urget opus Martis, furit igne, & fulminat ære.
 At fortes spectans hostes stare æquore aperto,
 Et pugnare acres, & spem præsumere palmæ,
 Indolet hostili fertum virtute morari.
 Ergo moræ impatiens fertur festinus in hostem,
 Adversique petit Prætoris mœnia querna:
 Ascensumque parat, primusque irrumpere in arcem
 Aggreditur, Certa est numquam Fortuna, secundis
 Fulgeat auspiciis licet, & memorabile semper
 Fatum hominis: parvi percussus verberè sclopi
 Hic magnus virtute gigas descendit ad Orcum,
 Desertæ Fidei pœnas passurus in igne.
 Vos ò, vos populi, stygiis quos Urfa colubris
 Complexa, à Sacri divellit Sede Parentis,
 Est Deus, est scelerum vindex, ultorque: timete,
 Nec vos Divini monitus contemnite Vatis.
 Proderit & forsàn, si mente evolvere pœnas
 Enceladi sedet, & tristem casum Oromedontis.
 Cede Ducis subita, Batavorum exterrita pubes,
 Ardentes posuère iras, sensimque remittunt
 Pugnaces animos; tandem re turpiter acta,
 Arripuère fugam: ventoque in vela secundo,
 Texellam mœsti repetunt, vultuque refracto
 Turpem ignominiam, sociorum & funera flentes.
 Instant victores, ventoque sequace Britanni,
 Gratanturque sibi festivo murmure palmam;
 Palmam insperatam, casuque favente relatum.
 Vicerunt: Cadmæa tamen Victoria fulsit,
 Cede pari victos ipsis victoribus æquans.
 Sexaginta fero perierunt Marte carinæ
 Classibus e geminis, quas Mulciber abstulit igne,
 Fulmineque, nitroque, & terrificis carcassis.
 At cedes numerosa hominum: toto æquore nabant
 Membra recisa virum, combustaque corpora flammis.
 Constratum latè tabulis, tignisque revulsis,

Casu vix tertii Angli
 animo tamen assurgunt,
 atque acriter dimicant.

Trompius in Britannicam
 Prætoriam invehitur.

Sed istu sclopi percussus interiit.

Quo occiso, Batavi
 animos demittunt, mox
 in fogam se coniciunt.

Angli insperata victoria,
 sed Cadmæa potiantur.

Æquor

Æquor erat, sædumque rubebat sanguine multo;
Quin & adhuc vasto fumabant corpore Gauli,
Semianimesque viri miseranda voce gemebant,
Incaustum nantes, & opem, auxiliumque petentes.

Vatis Enthusiasmus se
ipsum corrigentis: cupit-
que in Sirenum Tempe
restitui.

Sed quæ vos, Musæ, cepit vesana cupido,
Luctibus his nimium, sædæque in imagine rerum
Versari? refugit pater hæc spectacula Apollo;
Nec nece dira hominum, fuso nec sanguine gaudet.
Lætæ vireta petit, frondosæque culmina Pindi,
Et vitreos fontes Amphrysi, & Hymettia prata:
Otia lætæ quibus, felicesque exigat annos.
Ergo agite, & tristi celeres discedite campo,
Barbaricæ exosæ rabiem, & fera prælia gentis.
Inque sinus lætos Sirenum, & splendida Tempe
Reddite me, Divæ, & RAMBALDICA iussa sequamur.
Majestas veneranda viri, lumenque decoræ
Frontis, & ingenitæ virtutis nobilis ardor,
Egregium deposcit opus: viresque petendo
Sufficit, heroa diffusa in carmina dextra.
Partheniæ decus ò Musæ, roburque senectæ,
I præ, post veniam, quò lætâ afflaveris aurâ.

Seq: ad canendum Mc-
reætis iussa hortatur.

Traditur modus alius
ductandæ classis, in tres
ordines, quos columnas
novi dicunt.

Ductandis igitur melior qui classibus ordo,
Accipe Dux, Nerei qui regna undosa gubernas,
Et duros Latiis defendis finibus hostes.
Ordinibus ternis spumanti dirige campo
Velivolæ acies: obliquos quilibet ordo
Accipiat ventos, Rhomboque undosa secundo
Diffundat maria. Ast illud solerte, magister,
Efficies cura, ut quæ linea fronte prioris
Ordinis ad calcem excurrit protensa secundi,
Quæque à fronte hujus sub terni tergora currit,
Sese inter fugiant æqualibus intervallis:
Utraque & afflantes directum colligat auras.
Insuper & versus acierum, & linea quæque
Ordinis in frontem insistat rectissima primi.
Sic instructa acies pelago decurrere aperto
Aptior, & si res tulerit, se vertere ad arma.

Sed quæ certa inter distantia danda columnas.
(Hoc ctenim ordinibus nomen fecere minores;
Martius & versus, quæis linea sæpius audit)
Ipse tibi numeros sese inter ducere doctus
Præceptor Samius, rerumque frequentior usus,
Ingeniumque dabit solers, Divina animi vis.

Verùm agite, ò Musæ, & salebrosum evadere callem,
Pergite, velocesque gradus grandite sequaces.

Si, Prætor, ceptum tua non fortuna secundet
 Certamen, primò vel si pugnare recuses
 Viribus imparibus, vectorum & plurima tecum
 Impedimenta trahas; idcirco evadere campo,
 Ac tutum in portum servatam inducere classem,
 Vectoresque simul meditare; artemque, modumque
 Accipe, quo valeas nullo discrimine classis,
 Tantum opus efficere, & coram aspectantibus ipsis
 Hostibus, incassum multa freudentibus ira.
 Sic naves acie dispone, obtusior omnem
 Angulus ut classem accipiat, Lunæque recurvæ
 Ostentet speciem, geminataque cornua gestet.
 E puppi in medio insists Prætoria ventum
 Colligat, obliquis procurrant flatibus alæ.
 Quæ verò annonam, vectantque incendia naves,
 Agmine se teneant medio, classemque sequantur.
 Hæc autem ratio potior nunc visa magistris,
 Agminis exponendi, in tutum ducere quando
 Res adigit classem, & vectoria plurima turba est.
 Nam si fortè hostes instent, retròque sequentes
 Extremas urgent alas, Prætoria vento
 Quo fertur facili, tormenti fulmine ferreo
 Approperantem hostem petere, atque arcere valebit:
 Cum talem, Prætor, cursumque, modumque tenebis:
 Et poteris ventos flantes è puppe secundos
 Accipere, & simul obliquos: seu marmora dextrâ,
 Seu læva de parte auræ spirantis acuto
 Dissindas rostro. Quod si Victoria signis
 Arrisit festiva tuis, victusque recedit
 Hostis tuta petens, fugientem protinus ipse
 Impiger insequere, & felicibus utere Fatis.
 Illicet instructas velis majoribus alnos.
 Præmitte, extremumque hostis sectarier agmen,
 Præcipe, fortè queant fugitivum ad prælia rursus
 Cogere, vel tardas cursu captare carinas.
 Mox tu victricem dispones ordine classem
 Dux simili, certamen erit si fortè ferendum.
 Id verò facies, paribus cum viribus hostis
 Salsa secat; possitque iterum se fidere Sorti.
 Quod si non æquas numero, nec robore vires
 Hostis habet, fractis nec spem locat amplius armis,
 Aë tutum sine lege rates immitte sequaces.
 Terrestri veluti quando certamine victi
 Terga dedere fugæ, tum retrò effusa juvenus
 Ordine neglecto insequitur, ceditque, capitque.

Modus ordinandi aciem,
cum receptus canitur.

At si hostes se victi reci-
pian, qua arte insequen-
di.

K

Nam

Nim si tum Prætor certa ratione struendis
Navibus, infumas concessam temporis horam,
Longiùs interea fugiens inimicus acerbam
Vitabit cladem, classemque in tuta reducet.


Modus excubandi ad
fretum, hostique transi-
tum prohibendi,

Ipse sed amissam palmam, laudemque dolebis.
His tandem spatiis utcumque egressus iniquis,
Insequitur labor ille, fretum servare, per illud
Ne fortè alatis cum puppibus irruat hostis.
Duplo majorem numero Dux instrue classem,
Quam mox in geminam diffundes partibus æquis.
Hæc latus hoc servet, terræ prætenta propinquæ;
Illa sed adversum teneat: speculaque suprema
Observe custos: & cum descendere ab alto
Oceano observe, Coris ducentibus, hostes,
Det signum, subito quæ pars ad flamina venti
Excubat, extensis venientes sistere velis
Adnitatur, aquis adversis altera fidens
Irruat in latus adventans: deprensus utrâque
Haud sese expediet quamquàm solertior hostis,
At tua spirantes auras si naviget infra
Classis tota, supra tunc adversarius auras
Excipiens latere adverso freta stricta recurret,
Atque tuum eludens conatum innoxius ibit.

Traditur & modus,
quo invitis vel hostibus,
angusta per freta corri-
pienda via sit.

Verum age velivolæ freta per conclusa carinas
Ducere opus, stipatus ubi tenet hostis utrumque
Littus, & in pugnam promptus descendere: classem
Ordine dispones omnem, tu, Prætor, eodem,
Quo cum de pugna adversa loca tuta petisti.
Sed prodest geminum plus circumflectere cornu,
Arctior ut species Lunæ visatur: ab omni
Sic se acies instructa valet defendere parte:
Exin de puppi lætis spirantibus Euris,
Armataque omni ventura ad prælia pube,
Angustos irrumpe aditus, obfessaque ab hoste
Finde freta, inque sinus cursu nitèris apertos.

Sed Vatem cursu defessum, annisque labantem
Tantisper solitam Siren divertere ad oram
Invitat Colomelis, opacum pandit & antrum.





NAUMACHICORUM

LIBER QUINTUS.

MAXIMUS at labor insequitur, postremaque cura,
Instaurare aciem, versusque invertere, in antrum
Cum veteres revocat spirantes Æolus auras,
Emittitque novas, alioque è cardine Mundi

Flare jubet: variis agitantur cœrula flabris:

Et varia est semper facies maris: æquora numquam

Constanti stant firma gradu; concussa flagello

Aerio, ætutum pulsa diversâ feruntur,

Atque vices variant, sese variantibus Euris.

Idcirco eventu in tali quid Prætor agendum,

Protinus expediam, non multo carmine; quando

Jam maturat opus, fufumque explere laborat

Immitis Clotho, & cervicibus imminet atra,

Truncatura brevi fatalia stamina vitæ.

Nec blando citharæ cantu, numerisque canoris

Flectitur: at cautes veluti prædura rigescit,

Aspera, fœda genis, vultuque inamœna severo.

At tu præclaro cuius de munere factum est;

Rursus ut in medium heroæ præcincta cothurno

Parthenia exiret Musa, intermissa resumens,

Et defueta diu, fractumque sonantia plectra,

Adsis RAMBALDE; & mecum gentilibus armis,

Quæ proavis tractata tuis per mille refulgent

Laurusque, Palmasque, immortalesque triumphos,

Undosum in Martis campum descende, manet te

Hic nova palma, novis titulis figenda Trophæa:

Ergo age, & ancipiti in casu pugnantibus adde

Ingenium: Valet ingenium in certamine multum.

Quid Architalasso agen-
dum cum venti sedem
variant.

Ad Mæcenatē Apo-
stolice.

Difficilisque Duces artis præcepta doceto.

Principio cessent Zephyri spirare, repentèque
Africus assurgat, quatuorque in pixide Rhombos
Permutet, tum vela, citis ad iussa ministris,

Quid cum venti qua-
tuor variant Rhombos.

(1) Laxare æstutum festinet Martia classis:

Turres velivolæ, soloque dolone relicto,
Tantisper maneant: Verùm quæ prima tenebat
Agminis instructi sedem ratis, omnia pandat
Vela novis auris, atque impete pulsa secundo
Ostævum in Rhombum excurrat, reliquæque sequantur;
Quo tandem in versu, qui stringat proximus auras,
Insistant cunctæ: sic instaurata parumper
Inceptæ classis poterit succedere pugnae,
Et reduci rursus palmam virtute mereri.

Quid cum ventus æ
puppi perflat.

Perge, novus perflat ventus de puppe secundus

Exoriens, prima quæ Pinus fronte locata est,
Illicet in versum, propior qui flamina stringit
Obliquus properet, simul & conentur eundem
In versum reliquæ: sic omnes ordine in uno,
Perfimilique maris campum ad fera prælia habebunt.
Hoc facili, certoque modo, Dux, utere sæpe:
Sic etenim quæ plura forent incommoda, primo
Conatu vitabis, & hosti commoda venti
Eripere, & poteris procul amolirier, usque
Dum reliquæ in Martio ponent sese ordine puppes;
Nec dubites, aliæ quin per vada falsa sequantur
Æstutum naves: etenim quæ Pinus eundem
Non currit versum, poterit quàm longiùs undas
Findere, in optatos & se deducere versus.
Sicque acies inversa, caput quæ navis agebat
Agminis, extremæ in caudæ succedet honorem:
Sæpius, atque omnis facilè instaurabitur ordo,
Extensusque magè in ventum, neque longiùs ulla
Puppis aberrabit: stabitque ad prælia rursus
Tota acies instructa, optati & certa triumphi.

Quid cum classis ob-
tusum in angulum instru-
cta, & ventus ad sextum
decimum Rhombum se
flectat.

Insuper his, obtusa volat si classis, & aura
Ad sextum decimum flectat se flamine Rhombum,
Tum velum inferiùs cornu citò laxet utrumque;
At reliquæ puppes vento dent lina secundo,
Iustoque excurrant spatio: mox quælibet alnus
Inferiora liget canentia suppara, & illo
Ordine constituent sese, quem Martia poscit

Lex;

(1) *Porre le vele in panno, quod Galli dicunt en pane.*

Lex. Legem pugnae semper servare memento.

Ut verò evites incommoda, motibus hisce

Quæ non rara cadunt, cum classis plurima, naves

Ordinibus æquo distantibus intervallo

Se teneant, omnis donec conversio fiat

In ventum, seseque locent in versibus iisdem.

Atque hic te, Prætor, moneo ne flamine primo

Diverſo è mundi venientis cardine venti

Festines alios classem convertere versus,

Atque aciem variare: morandum tempore parvo,

Si fortè in veteres sese spirabile murmur

Restituat sedes, viresque, & nomina fumat.

Sæpe etenim, varium quando, & mutabile semper

Cælum est, extemplòque auræ surguntque, caduntque.

Vix novus afflavit ventus, cum protinus ipso

Deficiens ortu moritur, sedemque priori

Concedit, vitæque suæ pertæsus, & auræ.

Idcirco lentè festina semper arena

In media; græco quondam sermone solebat

Occinere interdum media inter prælia, primus

Omnia qui Mundi obtinuit moderamina Cæsar.

Quod si non æquo meditaris Marte receptum,

Et dum velivolas turres instruxeris, aura

Desinat, ac sexto e decimo nova ceperit undas

Pellere diversum, navis Prætoria vela

Infima suspendat, reliquæ dent lina secundis

Flaminibus, donec propior se linea vento

Offerat obliqua, atque omnes tum suppara naves

Contrahere accelerent, sicut Prætoria fecit.

Sic etenim prior ille, rates quem singulæ habebant;

Ordo instauratus, portusque intrare licebit,

Hoste vel invito, frustra & tua terga sequente.

At si tot numero Rhombos non mobilis aura

Permutet; tum cærulei pars agminis illa,

Quæ vento inferior, quatuor, non amplius, undas

Per vitreas currat Rhombos, properetque sinistram

Spirantis Cori ad partem, stringatque propinqua:

Mox reliquæ cursum puppes conentur eundem,

Ordine quæque suo: medio Prætoria stabit

Angulo in obtuso: poteritque ad litora nota,

Hostibus elusis, tutum celerare receptum.

At facilis quamquam modus hic; tamen imminet illud

Sæpè malum, nimium variat cum ventus, ut ipso

Obvia postremum occurrat Prætoria in agmen.

Idcirco, Prætor, quò tanta incommoda vites,

Morandum tantisper.
dum venti variant, si for-
tè in eadem sedes se re-
stituunt.

Augusti dictum memo-
rabile, Festina lentè.

Quid agendum Præto-
ri dum non æquo Mar-
te receptum meditatur,
ventus desinat, aliusque
à XVI. Rhombo spirave-
rit.

Quid cum non tanta
venti variatio.

Quæ in hoc capitulo ad-
hibenda, ne Prætoria in
extremum agmen incur-
rat.

Præ-

Præcipies, Rhombos excurrat ut ala quaternos
 Longius ad lævam venti: sic obuius illi
 Non ibis: quamvis succedat dextra sinistra,
 Montibus his, classisque omnis variabitur ordo.
 Verùm si priscos cupias persistere versus,
 Inque suo positu puppes, tu currere pinu
 Perges veligerâ, quâ linea panditur æqua;
 Quò tandem arbitrium teneas spirabilis auræ.
 Hac iterùm alatas alnos instruxeris arte:
 Non & postremos in versus obuius ibis.

His spatiis egressus Vates
 Difficiliores vias ingreditur.

His tandem spatiis utcumque egressus iniquis,
 Quod superest tentemus iter, verum aspera Vati
 Hic etiam pandit sese via, perque recessus
 Difficiles salebris, & opaca luce malignos
 Est adeunda: solo sed non vestigia trita
 Pieridum apparent, doctarum aut ulla sororum,
 Per quæ tutus iter capias, summumque cacumen
 Connisus teneas; audendum fortibus ausis
 Partheniis tamen est Musis, quæ sæpè locorum
 Per prærupta sequi solitæ, perque avia cursum,
 Quem Phœbus pater ostendisset, & antheus ardor.
 Ire igitur sedet, undivagique per æquora Nerei
 Alatas sociare acies, Martemque ciere
 Pieriæ clangore tubæ, numerisque canoris.

Qua arte instructa
 ad pugnam classis ad prio-
 rem in navigando ordi-
 nem, ut hostes insequa-
 tur ex acie decedentes.

In primis vitreis instructum fluctibus agmen
 Ad pugnam, in tutam fugientibus hostibus oram,
 In versus iterum cupias revocare priores;
 Ut cursum teneas, fugientum & terga sequaris,
 Vel patrios adeas victor sine sanguine portus,
 Aut propior fias inimico: aut agminis alas
 Permutare, locumve aliquem captare sequendo
 Festines, celerique hostem prævertere cursu.
 Da Vati faciles auras præcepta canenti.
 Præcipe, Dux, omnes ut puppes tempore eodem
 Se flectant, flantemque minùs luctentur in Eurum,
 Ordine sic etenim pugnandi ritè soluto,
 Tota pererrabit campo cita classis aquoso,
 Quâ Dux ipse velis, tempusque, & iussa vocabunt.
 Quod si fortè situm variatier agminis optas:
 Nimirum ad lævam qui primum flamine Cori
 Captabat propior, dextram spirabilis auræ
 Mutatus premat ordo secantis marmora classis.
 Præcipies, uno volucrem se flectere puncto
 Classẽ omnem, cursumque alium percurrere pinus;
 Idcirco adversas in proras vertere puppes

Quid variare aciem li-
 bet.

Fac, Prætor, postquam quatuor, non amplius, ipsa
 Excurrit pelagi Rhombos postrema carina.
 Ad lævam longo gyro, quam deinde sequantur
 Post reliquæ, ætutumque erit & sic redditus ordo.
 Verùm alio si fortè modo instaurare priorem
 Dux mavis formam, qua structa secaverat æquor:
 Postremo turrita loco quæ fortè locata est
 Navis, ad efflantis dextram procurrare venti,
 Contendat propior: reliquæ mox ordine pinus
 Post velis liquidum fulcent crepitantibus æquor:
 Donec quæ medio ratis agmine falsa ruebat
 Postremæ in sedem pervenerit: ilicet & sic
 Classis erit primus, quem quæris, redditus ordo.

*Quid agendum si alium
 in ordinē mutare præstat.*

His super, in ternas classem instaurare columnas,
 Ordine quò pelagi fulcet vada falsa priori,
 Si cupis, horrificus cùm Mavors mitigat iras,
 Et fugiunt hostes, aut pugnam denegat aura
 Adversam mutata plagam, & turgentior unda:
 Artem disce; prior versus, seu prima columna
 In latus alternum flectatur tempore eodem:
 Interea reliquæ currant per cœrula pinus,
 In primi donec primæ, mox prima secundi
 Agminis accedat sedem, teneatque relictam.
 Tum ternus moveat versus sese ordine eodem,
 Et cursum teneat, quem pergit currere prima,
 Quo tandem versu respondeat utraque terno:
 Tum primus, mediusque cito se vertere gyro
 Accelerent versus: classis sic protinus omnis
 Ut prius in ternas erit extricata columnas.

*Qui modus restituendæ
 classis in priorem or-
 dinem, cùm ternos in
 versus explicatur.*

Perge, tuis semper non Sors inimica secundat
 Dux ceptis, sequitur nec Mars tua signa: receptum
 Idcirco canere est opus, & loca tuta subire:
 Donec Fata vices varient, versatilis & Sors.
 Primus se varians in quartum flectere Rhombum.
 Festinet Gaulus percurrens tramite in uro:
 Sic reliqui facient, medio stans agmine donec
 In primi sedem sese devexerit alnus.
 Quæque prius campo explicuit sese ordine Martio
 Sulcatura maris nunc stat freta cœrula classis.
 Et quamquam modus hîc tempusque, moramque reposeat:
 Utendum tamen est illo: sic fallimus hostem,
 Ne facile advertat properari ad tuta receptum:
 Continuo & nostris opponat se ausibus acer.
 At brevior cupis si Dux dissolvere versus
 Arte, modoque, novus valido cùm murmure ventus

*Quo ordine explican-
 da classis cùm receptus
 canitur.*

80 NAUMACHICORUM

E latere adverso confurgit, & æquora turbat,
 Et tua cepta simul, faveatque hostilibus armis,
 Fac quartum ad Rhombum sese agminis ultima pinus
 Ad dextram venti flectat, curratque per æquor:
 Hinc media ut fuerit classis pars tramite in illo,
 Ad dextram properet spirantia flamina venti.
 At reliquæ cursum teneant, quem prima secundæ
 Se classis pennata vehit per cæcula puppis,
 Quo tandem obtusus campo spectabitur ordo.

Mæcenatem invocat,
 cui de novo gratatur.

Ast agite, ò Musæ, & Vati succurrite vestro,
 Difficiles artes præceptaque dura docenti:
 Perque iter abruptum dum vadimus, inque rigentes
 Dameti sentes, tribulosque irrumpimus, ipsæ
 Pandite non æquos aditus; callesque malignos.
 Sternite, vos Divæ, facilesque ad cepta præite.
 Tuque vel in primis, Vati qui Phœbus Apollo,
 Desuetas senio revocas in carmina vires,
 Musarumque chorum sata per Moravia ducis,
 Perque Atavis regnata tuis viridissima Tempe.
 Adsis RAMBALDE, & dum te Lucina recenti
 Ditavit partu dilectæ conjugis, aurea
 Cui risit Fortuna, astrisque faventibus Horæ,
 Horæ, queis vitam cura est, sortemque parare.
 Progenitum gremio Musæ cepere priores
 Certatim, & sacri lactarunt ubere fontis;
 Aspice tu fasces puero, sortemque ferentem,
 Et jam nœniolas, & mollia verba parantem.
 Interea inceptum Martis stat currere campum,
 Atque coronatas ad littora vertere proras:
 Quid me festivis compellant vocibus illinc
 Parthenope, Megareque, & Olympia dulcis, & Ægle:
 Et jam me teneris stringunt complexibus; atque hinc
 Surrentina vocat Siren Colomelis aprico
 De colle, & cœtu cunctarum cincta sororum,
 Jamque (1) aditus rēserat notos, antrumque repandit.
 Quæ Vatem accipient, norunt fatalia Parcæ
 Stamina, quæ ducunt fusis, & tempora figunt
 Certa cuique hominum: sed si me consulit ipsum
 Atropos, hîc Magnæ Matris tumularier æde
 Optarem. Sed vivit adhuc dum spiritus & dum

Optat Vates tumulari
 in Æde Surrentina ab se
 ædificata, ac Virgini dedi-
 cata, cum hac epigraphæ:
 PARTHENIÆ GENI-
 TRICI VATES PAR-
 THENIUS.

Pe-

(1) Ostium, quod è scopulo per iter in monte excavatum,
 in Surrentinum, cui vulgò *Cocomellæ* nomen factum,
 quotquot sunt villarum amœnissimæ.

LIBER QUINTUS.

81

Pegaseas haurimus aquas, fera bella canamus.
 Ergo age, Dux quando delusis hostibus omnem
 Subduxisti è campo, & certo discrimine classem,
 Nec sese pandit secura in valle recessus,
 Nec portus conclusi, & turribus undique septi;
 Tuta quibus maneat, stat litora curva secundum
 Velivolae ferro turre firmare tridente.
 Sed quæ cura locum firmandis navibus aptum
 Deligere, & cautis solertia quanta Magistris
 Hic adhibenda, priùsquàm se gravis anchora fundo
 Committat, fundetque rates, certamque salutem,
 Accipe. Sit primùm scopulis, & syrtribus altis
 Immunis, fundi sit arena rudentibus apta.
 Sitque tenax unci, sint littora libera ventis
 Adversis, nimbisque, & tempestatibus atris.
 Utque uti vento possis, qui devehit hostes,
 Arbitrioque frui: actutumque educere ferrum,
 Omnemque in versus bellandi exponere classem,
 Soliciti valeant juvenes, doctique Magistri.
 Nec cùm se expediunt, sese per mutua naves
 Incurserint, hostique locum, dent protinus arma
 Inferre, atque tuo sua commoda quærere damno.
 Idcirco, Prætor, fac pinus æquore distent
 Centum & viginti solidas, non amplius, ulnas;
 Illicet ut facilè, & nullo discrimine possint,
 Inque aciem prodire, & aperto insistere campo.
 An non his studiis, hac solertissimus arte
 Ingentem Anglorum classem, sociosque periculo
 Exemit Jacobus? & ausis fortibus olim
 Hostem insultantem vicit, victumque fugavit?
 Jamdudum Batavos dura ad certamina Martis
 Elicere, & cunctis conatus viribus una
 De belli summa tandem decernere pugna.
 Hi certi portus, objectaque septa tenere,
 Nec sortem tentare, & apertum invadere marmor,
 Ni dexter Mars, & victoria certa fuisset.
 Ergo Anglus frustra cum se consumere tempus,
 Cerneret, atque hostes procul à certamine abesse,
 Dat velum in ventum, & Susbæia litora cursu
 Nota petit, Cereremque suis, Bacchumque parare.
 Non temerè hic classes, ut fors, casusque tulisset,
 Sed cura solerte locat, studioque sagaci.
 Ut quæque in casus se pinus verteret omnes,
 Inque adventantes actutum pergeret hostes.
 At Ruitèrus ubi Batayæ Dux classis ad oras

Cùm nulli in vicinia
 portus, ad littora appli-
 canda lassis, atque an-
 choris firmanda.

Quæ in hoc casu cau-
 tio adhibenda sit:

Quæ spatia tunc inter
 naves statuenda.

His usus artibus Je-
 cobus Dux Eboracen-
 sis classem servavit, at-
 que hostem improvise
 adventantem fugavit.

Bellum inter Anglos,
 & Batavos.

Ruitèrus cùm ad Sus-
 bæi litora stare in ancho-
 ris Anglos cognovisset,
 in illos improvisus mo-
 vit,

L

Jam

Jam patrias cunctis cum navibus isse Britannos
Cognovit, mora nulla, suos educere ferrum
Imperat, & ventis expandere vela secundis:
Nempe ratus hostes adverso in littore stantes
Invadi facilè, & vinci certamine posse.

At verò incautum sententia vana fefellit,
Et sua spes hominem: conspecto protinus hoste;
Præsenti assurgens animo Jacobus in arma,
Explicat extemplo classem, locat ordine Gaulos
Quemque suo, & velis obliquas excipit auras:

Extemplo Eboracensis
anchors educit, agmen
explicat, ac fortiter Bata-
vos excipit.

Hortatur socios, dictisque ardentibus urget
In Batavos, certamque jubet præsumere palmam,
Inde movens, primum legatum præcipit agmen
Ducere in adversos, pugnamque ordiri ære
Ignivomo: sequitur medio promptissimus ipse.

Illecestræus ter denis navibus hostem
Aggreditur: ventoque usus mirabilis arte,

Hostiles longè puppes (armaverat illas
Undifluis incincta vadis Zelandia & acer

Estæus primus hostes
aggreditur, & submoyes.

Bancherus primo ductabat in agmine) in altum
Dinovit, pugnamque tonantibus undique ahenis
Ardens inceptat, crebris & pulsibus instat.

Continuò horrendis mugire tonitribus ær,
Fumoque obduci cepit, densisque tenebris

Incubuit nox atra super lata æquora ponti.

Estæi sed tanta fuit furibunda procella;

Ut plures Batavorum arces, urbesque natantes

Fulminibus fundo everse sub gurgite vasto

Corruerint: quin & conatus vertere classem

Se super hostilem, & ventis delere secundis.

Ast aura immoriens velis audacibus ausis

Obstitit, adventansque nigris nox atra tenebris.

Non minùs interea Jacobus plurimus acri

Marte, animoque calens Ruiteri mœnia querna

Aggreditur: pugnant magnis conatibus ambo:

Æra tonant, volitantque pilæ sub pondere vasto,

Excidiumque, necemque ferunt: aplustria ponto,

Disjectæque trabes, & corpora cæsa virorum

Incertum fluitant; medioque in gurgite fumant,

Malique, tabulæque, ambustaque fulmine vela.

Non minùs ardebat Mavors, & Mulciber atrox

Agmine postremo, quod & hinc Sanvichius, illinc

Batavici ductor Vangentius acer agebat.

Hic Mars, Vulcanusque ferocior, hic magis atrox

Pugna fuit, fortis periit Sanvichius igne

Acrier & Jacobus in-
vehit in Batavorum
Prætorian; sic acerrima
pugna.

Ambusta cum nave; simul perière procella
 Quingenti juvenes, propriæ non cædis inulti.
 Nam contra Hollandi periit dux agminis unâ
 Cum navi, geminæque aliæ sunt fulmine adustæ.
 Non aliàs tantis odiis, cæcoque furore,
 Nec tantis unquam pugnatum viribus inter
 Æquè auro dites gentes, animoque feroces.
 Sed cùm jam fusco luceſceret æthere Vesper,
 Thracius & sensim tenui lentescere flabro
 Inciperet, Batavi, certò res perdita quando
 Martè sub adverso, vento dant vela reflanti
 Sub noctem, indecoresque petunt sua littora cursu.
 Victores Angli exultant, lætique triumpho
 Vocibus & festis, & ovanti murmure totam
 Duxerunt noctem, & Baccho indulgere frequentes.
 Usque adeo captare finum, & loca puppibus apta,
 Artibus & propriis classem disponere multum est.

Batavi viâi se fugæ
 mandant.

Angli victores ovanti
 sibi murmure victoriam
 gratantur.

Tempore post multo sub Mœnia nota Panormi
 (Partheniis quondam Musis habitata Panormus
 Et quamquam non æqua, tamen dilecta poetæ.)
 Non sic ipse, licet multa foret inclytus arte,
 Versatusque diu pugnis Ruitèrus, & armis
 Et doctus maris ambages, positusque locorum,
 Præstitit, armata Galli cum classe secundis
 Descendèrè auris incendia vasta ferentes.
 Idcirco (piget & nostri meminisse doloris.
 Sat luctus tulit illa dies, sat sanguinis haustum
 Flammaque, ferroque: virum sat gurgite mersum est;)
 Ipse vel in primis duro data victima Marti,
 Sublatus Fato indecore, & sine honore sepulchri.

Batavi, Hispanique
 Ruitèro cæso, ac classe
 incensa ad Panormum in
 anchoris stantes viâi.

Verùm age, restat adhuc labor alter, & altera cura;
 Arbitrium venti, Prætor, lucrarier, infra
 Spirantes auras Nerei cùm cœrula fulcas;
 Ut sic immineas hosti felicibus Euris.
 Et premere extemplò, atque in pugnam cogere possis:
 Evades objecta fugæ saxa ardua, vel te
 Et classem inducas quæsito flamine portus.
 Obliquum cures versum, qui proximus Eurum
 Seu læva, dextrave (1) premat; tantumque profundi
 Dissindes spatium, quantum properare potestas.
 Hinc retrò flectes æquato tramite cursum.
 Idque iterum facies, donec spirantia flabra

Qua arte venti arbi-
 trium obineri possit, ut
 promontoria superati
 possint.

L 2

Ob-

(1) *Accostarsi al vento*, quod & stringere ventum dicimus.

84 NAUMACHICORUM.

Obtineas victor, vel procurentia saxa
 Exuperes; liceatve finus intrare repostos.
 Ast hic te moneo, Prætor, quod discere multum est:
 Cumque per accessus procedere, perque recessus
 Niteris obliquum in ventum, quò mobilis auræ
 Arbitrium tandem obtineas à puppe secundum;
 Longior accessus fiat, latèque per æquor
 Extensus: multum flantis lucrarier Euri
 Sic poteris, facilique jugum superare labore,
 Præripere aut hosti crepitantes murmure læto,
 Caurosque, Zephyrosque, & ovantes imbribus Austros.
 Ast labor est, vento cum deluctamur euntes
 Angustas inter terras, freta stricta carinis
 Velivolis, accessus ubi, mox inde recessus
 Haud equidem poterit produci tramite longo.
 Hinc tibi sunt multæ insumendæ temporis horæ;
 Et multi pariter peragendi in gurgite flexus
 Gaulis undivagis, toties qui cursibus actis
 Incurfare sibi poterunt per mutua, & unâ
 Intricare orbes sociorum, ipsosque morari.
 Quo circa Martio procedant ordine naves;
 Et mox inde retrò cursu flectantur eodem:
 Atque adhibenda tibi in cursu solertia multa est.
 Ast age, si studeas, Prætor, cum mobilis Euri
 Aura favet pinis hostilibus, ipse sonantem
 Inferius ventum accipias, invertere sortem,
 Et tibi sufflantis flabri captare favorem,
 Nitere velivolis inimici pellere puppes
 Æquor in abruptum, & longè fac falsa secare:
 Id verò facili poteris præstare labore,
 Tramite si adverso, largoque volumine curreas,
 Omnibus & hexis simul in contraria velis.
 Et quamquàm venti arbitrium furarier hosti
 Ardua successu res sit ventura secundo:
 Attamen in longum ducas si tempus, & auræ
 Expectes de more vices variantis in horam;
 Ut vapor assurgens vario de cardine mundi
 Attenuat sese, mutatque sonantia flabra.
 Rarus enim dum fit, multo ciet aera nisu;
 Spirantesque animas sine corpore ducit in auras;
 Erroresve hostis malè cauti sedulus ipse
 Opperièris, ubi concessa & protinus uti
 Si tu sorte queas: Solertia sæpè Magistri
 Atque acre ingenium tulit, & patientia palmam:
 Ast illud teneas: interdum littora propter

Juvat ad id ut aditus,
 rediusque longius fiant.

Quod sanè difficile in
 angustis fretis, quocirca
 Martio ordine inceden-
 dum.

Exponitur ars, qua
 ventus præcipi hostibus
 possit.

Nescendæ interdum
 moræ: nam sæpè ipsæ se
 variant venti, cum novi
 se vapores attenuant.

Dum

Dum spirant Zephyri, atque intendunt vela secundi,
 Longius aut Libyci resonant, aut perfurit Auster,
 Quin etiam juga celsa, & promontoria circum
 Diversæ perflant auræ: latus Eurus Eoum,
 Occiduum sed Corus habet, flatusque Favoni.
 Idcirco interdum porrectum evadere montem
 Si noris, Dux, arbitrium lucraberis auræ.
 Quin etiam inclusam terris si Dorida curris,
 Currentes poterunt sinuosi gurgitis undæ
 In dextram ventum tibi mittere, mittere & hosti
 Ad lævam: certam quo mox certamine palmam
 Marte feras. Vastis ubi fluctibus æstuat ingens
 Oceanus, Lunæque suos per tempora fluxus
 Alternat, variis simul ipsæ & statibus auræ
 Alternare vices solitæ, quæ cuncta necesse est
 Scire Ducem, & docta pariter prænoscere cura:
 Vincere si cupiat, laudemque à Cæsare ferre.

Perge, velis Prætor, dubio certamine Martis
 Classẽ subtrahere, atque in congrua tempora pugnam
 Differre; optati cum spes secura triumphi
 Fulserit, Æoliaque ruunt dum rupe, secundi
 Intendunt & vela Noti, & fera prælia poscunt.
 Sive novi accedant socii, viresque recentes,
 Quis prius inferior fias par hostibus, æquo
 Extento in campo valeas decernere Marte.
 Non etenim præstat, non res & publica poscit,
 Adverso ut vento, multis & viribus impar,
 Unius in sortem committas omnia pugna.
 Quæ nequeas reparare, cave permittere casu:
 Si tibi felici faveant spiramine venti,
 Haud equidem poterunt hostes te cogere ad arma
 Non æqua, in certum te te, classẽque periculum
 Conicere; è puppi repleant si carbasa Cori,
 Ad dextram venti propior vada falsa secabis
 Curfibus obliquis: longè sic semper ab hoste
 Tutus erit, lævam Cori dum cogitur ipse
 Obliquo pariter cursu per falsa tenere.
 Quod si constanti ventus regat æquora flabro,
 Haud multum tibi, Prætor, erit coram hoste tenere
 Adverso classẽ, & pugnam vitare morando.
 At quoniam instabiles semper, nec sistere eadem
 Sede sciunt auræ, quibus & variantibus, ipsa
 Sese etiam pugna variat fortuna repente;
 Idcirco hostili è conspectu abducere classẽ
 Nitere dux longè, sic tutius æquora cures,

Nonnumquàm quæ ad
 dexteram Promontorii
 spirat aura non est cadẽ,
 quæ ad lævam sibilat.

Maris etiam fluxus
 ad ventum obtinendum
 conducunt.

Id præcipuè in Oceano.

Quid Prætori agendi
 dum, cùm dubio Marte
 subducere classẽ cupit.

Si secundi perflens
 venti, ad dexteram auræ
 accedat, quò longius ab
 hoste naviget.

Quò

Quod si inferiori ex
parie currat, quàm longè
ab hoste illi navigandum.

Si verò subducere clas-
sem velit, id ordinis, quo
supra dictum est, faciet.

Quid si virtuti suorum,
& navium magnitudini
confusus certare velit,
qua id arte perficiat, ex-
ponitur.

Qua arte cogendi sint
hostes ad arma.

Quæ industria cavere,
ne hostis te ad ineundum
certamen cogat.

Quò tandem melior tibi Sors sese offerat. At si
Inferior ponti sulces vada cœrula, & aura
Arbitrium tibi dura negat, tum, Prætor, & ipse
Hostis uti, largo circumdabis æquora flexu,
Nec propior pinis fias hostilibus: altum
Æquor adi, velisque obliquo tramite curre.
At tibi si in ventum placeat dare carbasa, quando
Haud tutum coram hoste diu persistere campo:
Ordine tu facies, quo dictum carmine nostro,
Cum tempestivum meditare in tuta receptum.
Nam si, Dux, cursum temerè in contraria flectes,
Casibus obijcies certis classemque, tuosque.
At si tu juvenum virtuti, & navibus altis
Confusus certare velis, hostemque morantem
Cogere; ut & forti palmam committat, & armis:
Da mentem; paucis, res est operosa, docebo.

In primis in vela Noti si suscipis auras
Inferior tali proscindes Nerea flexu,
Qui longè alatas inimici submovet alnos;
Ast in conspectu semper versentur, ut Euri
Cum variant sese, crepitantque in vela secundi
Protinus aggrediare, ibique faventibus auris
Egregiam referes palmam. Sed carbasa dextro
Si tua vel Zephyrus tendat, vel flamine Corus,
Qua cogas ratione hostes descendere ad arma,
Accipe; si vento, obliquisque per æquora velis
Ad lævam currant, flexu tu longior ibis;
Ut justo spatio decedunt navibus illi.

Classis quique tuæ mox cursu præpete Gaulus
Hostilem sectetur, aquas qui findat acuto
Adversas rostro, rhomboque excurrat eodem.
Quandoquidem tali si naves ordine cunctæ
Neptuni vada falsa secent, cum tempore longo
Tota perhorrifici jactum se fulminis intra
Constituet classis: tum signum protinus ære
Bellandi dabis, & primus certamen inito;
Ut tamen eventu peragatur pugna secundo,
Omnibus efficies, Prætor, conatibus, omnis
Ut classis classi respondeat: omnibus omnes
Navibus & naves adversæ: longidius una
Hostilis ne pars classis procedat, & auras
Se circumflectens velis furetur amicas.
Præterea dum quæque ratis sectabitur æquos
Per tractus hostem præeuntem, à sede recedat
Ne propria, varietque situm, ni certa Magistri

Iussa velint, & quo Rectores ordine currunt,
 Currere subjēctæ pinus nitantur eodem:
 Illi etenim cursus, & prælia dura gubernant.
 Perge, tuas superet vires numerosior hostis,
 Et salvam in patrios classem deducere portus
 Exoptes, illo nitaris tramite semper
 Findere velivolis undantem Dorida pinis,
 Quo simul ipse suis volitat cum navibus hostis;
 Terga premens, teteque affectat cogere ad arma.
 Et nunc ad dextram, nunc lævam mobilis auræ
 Inflectas clavum, donec sub littora nota
 Incolumes veritas multa cum laude carinas:
 Insuper his, multis superas si navibus hostem
 Ut facilè evincas producta longiùs ura
 Postremum circumvenies Dux ilicet agmen.
 Sic latere è gemino, & geminatis ignibus hostes
 Comprensi, nimboque & tempestate sonanti,
 Vel tibi se dedit, vel acerbo funere merfi,
 Ad Manes ibunt Plutoni victima. Sed si
 Arbitrium neget aura suum, lævaque susurro
 Murmuret; in velum retrò persistere naves
 Agminis extremi jubeas, si fortè resistentes
 Alternæ surgant auræ, & tua murmure destro
 Intendant vela: actutum tum flectier agmen
 Postremum poterit, subitoque accendere pugnam:
 Sunt qui non circumveniunt signa ultima claslis,
 Fronte sed ex ipsa trans vela hostilia vecti,
 Primum tormentis quatiant ardentibus agmen.
 Nam si serpentis serias caput, omne repenti
 Corruit & corpus, victoria & integra parta est:
 Sic ubi jam primum excussis turbaveris agmen
 Fulminibus, ceptantque hostes terroribus acti,
 Despondere animos, reliquas comprehendere naves
 Mox pavor incipiet, terrorque, & mortis imago
 Plurima: quin etiam sese inter fulmine abactæ
 Incurrent naves, sociasque timore replebunt.
 At tu Parthenias Musas si consulis, agmen
 Postremum aggredere à tergo, dum fulminis ictu
 Alterna de parte tui quatiantque, petuntque.
 At circumveniat ne te numerosior hostis,
 Si vitare cupis, cura solerte caveto;
 Ne longam retrò extendat cum navibus uram;
 Flectere quam possit vento, & tua tergora nimbo
 Fulmineo petere, & quernos disrumpere muros.
 Si vento immineas, primi fac agminis alnos

Si numerosa claslis;
 extendenda est: Ura, ac
 postremum hostium ag-
 men circumveniendum.

Audaciores ilicet per
 ultimum agmen ioveat
 primum aggrediuntur.

Quid agendum ne
 Prætori ab hoste circum-
 veniatur.

Non

Non primis hostis, sed respondere secundis.
 Sic etenim quotquot prima stant fronte carinæ;
 Haud tete petere, ardentique laceßere nimbo
 Adverso poterunt; & si se flectere quibunt,
 Haud equidem facient longo ni tempore, quando
 Incassum recidit cursu labor omnis, aquoso
 Insumptus campo: nam post certamina longa
 Fulminaque, bombosque, & terribiles reboatus:
 Deponunt venti status, pelagusque filescit:
 Scilicet excussi fugiunt diversa vapores:
 Materiesque novis gignendis tollitur auris.
 Quin etiam media sub classe relinquere inane
 Sæpè juvat spatium, frustra quod verberet hostis.
 At caveas primum ne sic se distrahat agmen
 Navibus à reliquis, aut callidus abstrahat hostis.
 Sic etenim efficies ne inimici longiùs uram
 Extendant tua signa retrò, geminisque flagellent
 Pulsibus extremum, atque involvant ignibus agmen:
 At non dextra tibi Zephyri si sibilet aura,
 Non tantum vacui prima sub fronte relinque,
 Plus tamen in medio. Verùm ne fortè per illum
 Irrumpat citus adversarius, & tua pulsu
 Terga petat, medio præstabit habere carinas
 Turritas aliquot, vacuum quæ fulmine servant
 Excusso, atque alias incendia dira ferentes,
 Clausa sinu superas jam jam eruptura sub auras,
 Contra adventantes quæ mox mittantur in hostes:

Quibus præsens, ac fortis est animus per mediâ hostium classem irrumpunt, ventique arbitrium luctantur.

Sic magna Eſtræus cum laude in Batavos præsticit, ac victoriam adeptus.

Verùm audax labor insequitur, plenusque pericli;
 Sese transversum medios immittere in hostes,
 Et dexteras captare auras, & vertere sortem
 Hastenus adversi certaminis: ardua Martis
 Alea, digna viris sed fortibus, & quibus alma
 Est cordi laus, & facti meritissima laurus.
 Qualem Texeliæ ad fines certamine duro
 Audacem Eſtræum magno retulisse suorum
 Cum plausu memorant, dubio cùm Marte, Notoque
 Adverso, in Batavas irrumpens impete pinus
 Evasit sine noxa, aurisque in vela secundis
 Inflexit clavum, & Zelandas fulmine adortus
 Disjecit subito naves, palmamque morantem,
 Hostibus edomit, tandem ad sua signa vocavit.
 At quia difficilis, magnoque obnoxia damno
 Res est, successu careant si cepta secundo;
 Idcirco raro in casu tentabis, iniquus
 Cùm te Mars premit, & Fortuna adversa, malumque

Im-

Impendet majus. Audendum rebus in arētis,
Et quod Sors, Mavorsque negant, virtute merendum est.

Quia verò res ardua,
Idcirco raro, & quibus in
calibus tentanda.

Insuper hostilis multum si classis inane
Liquit utrumque inter versum, navesque suorum
Adversum stantes non praelia dura ciere,
Sed tantum spectare queunt, transvadere in hostem
Idcirco præstat, Martemque accendere bombis,
Sique aliquot mediis in fluctibus armamentis
Exutæ fluitant alni, incertumque feruntur,
Postremum poteris, via quæ tibi larga patescit,
Agmen trans petere, & longo comprehendere flexu.
Sique tuas hostis naves distraxit, & illæ
Sint arcto positæ, circumque premantur ab hoste:
Auxilium quibus adverso sub Marte ferendum est.
At res ut magnis cedat feliciter ausis,
Collige, Dux, agmen, structoque sub ordine pinus
Immitte, & velis geminatis plurimus auras
Accipe, quod spatium pervadas ocyûs omne,
Ne vadens medio in cursu oppugnèris ab hoste.
Insuper actutum stat ceptum inficere cursum,
Hostica ne classis flexu se vertat eodem.

Sed post tot pelagi tractus, fluctusque remensos,
Ventorum & luctas, duratæque praelia Martis,
Securi invitant portus, & littora duris
Rupibus intercincta, armatæque turribus altis:
Defessis ubi blanda quies, atque otia læta.
Sed proh Fata Deûm, nec tuta in portibus ipsis
Vita, salusque hominum! tantæ mortalibus iræ,
Atque odia, & regni numquam saturanda libido.
In flammæ, ferrumque ruunt: non horrida Martis
Exterret facies, nec certa pericula tardant.
Idcirco ut gremio classis securo recurvo,
Stent clausi portus hinc, illinc littora propter
Uno dispones turritas ordine pinus.
Anchoræque expositas fundabit dente tenaci,
Illæ autem tanto distent discrimine terris,
Ut terras inter, puppesque meare potestas
Nulli sit: juxtà sed portus littora naves
Ignivomas aliquot dextra, lævaque locato,
Quæ sua conclusus nautis sinus ostia pandit,
Nam sic irrumpens ab apertis fluctibus hostis
Amittet venti arbitrium quæque ostia propter
Ignivomæ insistent naves ruere ocyûs aura
Felici poterunt, hostemque involvere flammis.
Non fecus & reliquæ, stabulant quæ litore utroque

Qua arte portus, inque
ipsis Classes muniendæ.

Actutum ventis expandere vela secundis,
 Et pugnam ferere, atque inimicas perdere naves,
 Et quibunt palmam parvo certamine ferre.


*Apostrophe ad Mæcæ-
 natem, cuius jussu ceptum
 opus, finem accipit.*

Sed jam devexi me temporis admonet hora,
 Ut jussis RAMBALDE tuis, quam cepimus alto
 Suspensam è clavo citharam, & discordia fila,
 Reddamus numquam nostris (mortalia quando
 Linquimus, & superas jam jam properamus ad arces)
 Articulis pulsanda, tui tu suscipe Vatis
 Obsequium, & nostram victuram in sæcula famam,
 Laude tua, magnique tui tege nominis umbra.

F I N I S.










600158839

23470665



111

PART

NAVY